

地官

司關	司市	師氏	充人	比長	鄉老
掌節	質人	保氏	載師	封人	鄉大夫
遂人	廛人	司諫	閭師	鼓人	州長
遂大夫	胥師	司救	縣師	舞師	黨正
	泉府	調人	遺人	牧人	族師
	司門	媒氏	均人	牛人	閭胥

周禮註疏卷第十二

漢鄭氏註

唐賈公彥疏

鄉大夫之職各掌其鄉之政教禁令

鄭司農云萬二

千五百家為鄉

鄉大至禁令。釋曰六鄉大夫各

號令皆掌之。上文五州為鄉故知萬二千五百家為鄉

正月之吉

受教灋于司徒退而頒之于其鄉吏使各以教其所

治以攷其德行察其道藝

其鄉吏州長以下直吏

反下考治下治所治處同行下孟反下及註德行之行六行皆同

正月至道藝。釋曰言正月之

吉者謂建子之月月朔之日云受灋于司徒者謂若
大司徒職十二教已下其灋皆受於司徒而來云退
而頒之于其鄉吏者謂已於司徒受得教灋遂分與
州長已下至比長云使各以教其所治者亦謂州長
已下至比長各教所治也云攷其德行者謂鄉大夫
以鄉三物教萬民遂考校其萬民有六德六行之賢
者云察其道藝者謂萬民之中有六藝者竝擬賓之
○**註**其鄉吏州長以下。釋曰以其比長以上至州
長皆屬鄉大夫故知鄉以歲時登其夫家之衆寡辨
吏州長以下至比長
其可任者國中自七尺以及六十野自六尺以及六
十有五皆征之其舍者國中貴者賢者能者服公事
者老者疾者皆舍以歲時入其書**註**登成也定也國
中城郭中也晚賦稅而早免之以其所居復多役少

野早賦稅而晚免之以其復少役多鄭司農云征之
者給公上事也舍者謂有復除舍不收役事也貴者
謂若今宗室及關內侯皆復也服公事者謂若今吏
有復除也老者謂若今八十九十復羨卒也疾者謂
若今癯不可事者復之玄謂入其書者言於大司徒

○復音**疏**以歲至其書。釋曰云以歲時者謂歲之
福下同**疏**四時登猶成也定也夫家謂男女謂四時
成定其男女多少云辯其可任者謂分辨其可任使
者云國中自七尺以及六十者七尺謂年二十知者
案韓詩外傳二十行役與此國中七尺同則知七尺
謂年二十云野自六尺以及六十有五者六尺謂年
十五故論語云可以託六尺之孤鄭註云六尺之孤
年十五已下彼六尺亦謂十五鄭言已下者正謂十

說國中晚征而早舍以地近而後多也野則早征而晚舍以地遠而後少也

四已下亦可以寄託非謂六尺可通十四已下鄭必知六尺年十五者以其國中七尺為二十對六十野云六尺對六十五晚校五年明知六尺與七尺早校五年故以六尺為十五也云皆征之者所征稅者謂築作挽引道渠之役及口率出錢若田獵五十則免是以祭義云五十不為甸徒若征伐六十乃免是以王制云六十不與服戎彼二者並不辨國中及野外之別云其舍者謂不給繇役則國中貴者已下是也云以歲時入其書者此上所云皆歲之四時其作文書入於大司徒故云歲時入其書也。[註]登成也至司徒。釋曰云登成也定也者以其夫家眾寡若不作文書則多少齒歲不定若作文書多少成定故云登成也定也云國中城郭中也者以其對野故知國中是城郭中也云晚賦稅而早免之者以其經云七尺及六十對野中六尺至六十五是其賦賦稅而早免之云以其所居復多役少者以此經云國中貴者至疾者皆舍據國中而言是其國中復多役少也鄭司農云四事皆若今者並舉漢法况之玄謂入其書

者言於大司徒知者以其上云受法三年則大比攷於司徒故知入其書者言於大司徒

其德行道藝而興賢者能者鄉老及鄉大夫帥其吏與其眾寡以禮禮賓之 [註]賢者有德行者能者有道

藝者眾寡謂鄉人之善者無多少也鄭司農云興賢者謂若今舉孝廉與能者謂若今舉茂才賓敬也敬所舉賢者能者玄謂變舉賢與者謂合眾而尊寵之

以鄉飲酒之禮禮而賓之 [疏]三年至賓之。釋曰三年一閏天道小成則大

案比當鄉之內云考其德行道藝者德行謂六德六行道藝謂六藝云而興賢者則德行之人也能者則道藝之人也云鄉老及鄉大夫帥其吏者謂州長以下云與其眾寡者謂鄉中有賢者皆集在庠學云以

司禮布

卷之三

及古制

禮禮賓之者以用也。用鄉飲酒之禮以禮賢者能者賓客舉之。賢者至賓之。釋曰云賢者有德行者欲見賢與德行為一在身為德施之為行內外兼備即為賢者也。云能者有道藝者鄭亦見道藝與能為一上註云能者政令行其身有道藝則政教可行是能者也。云眾寡謂鄉人之善者無多少也。者案鄉飲酒堂上堂下皆有眾寡不言其數。此經眾寡兩言無問多少皆來觀禮。故云無多少也。鄭司農云若今舉孝廉及茂才者孝悌廉潔人之德行故以孝廉况賢者茂才則秀才也。才人之技藝故以况能者也。玄謂變舉言與者案禮記文王世子云或以事舉或以言揚。故今貢人皆稱舉。今變舉言與云謂合眾而尊寵之者合眾即此經云鄉老及鄉大夫已下是也。云鄉飲酒之禮者則儀禮篇飲酒賓舉之法是也。厥明鄉老及鄉大夫羣吏獻賢能之書于王。王再拜受之。登于天府。內史貳之。厥其也。其賓之明日也。獻

猶進也。王拜受之。重得賢者。王上其書於天府。天府掌祖廟之寶藏者。內史副寫其書者。當詔王爵祿之時。上其時掌。厥明至貳之。釋曰厥明者謂今反藏才浪反。日行鄉飲酒之禮也。至其明日表奏於王。厥其至之時。釋曰云天府掌祖廟之寶藏者是春官天府職文也。引之者欲見天府掌寶物賢能之書亦是寶物故藏於天府云內史副寫其書者貳副也。內史副寫一通文書擬授爵祿案內史職有策命諸侯羣臣退而以鄉射之禮五物詢眾庶之事故使內史貳之。

一曰和二曰容三曰牲四曰和容五曰興舞。以用也行鄉射之禮而以五物詢於眾民。鄭司農云詢謀也。問於眾庶。寧復有賢能者和謂闔門之內行也。

禮記卷之四

容謂容貌也主皮謂善射射所以觀士也故書舞為
 無杜子春和容為和頌謂能為樂也無讀為舞謂
 能為六舞曰謂和載六德容包六行也庶民無射禮
 因田獵分則有主皮主皮者張皮射之無侯也主
 皮和容與舞則六藝之射與禮樂與當射之時民必
 觀焉因詢之也孔子射於矍相之圃蓋觀者如堵牆
 射至於司馬使子路執弓矢出誓射者又使公用之
 裏序點揚解而語詢眾庶之儀若是乎
 皮射之食亦反樂與音餘矍俱縛反本或
 作矍音同相息亮反音丁古反解支豉反
 寧復扶又
 反下猶復同
 與舞

釋曰言退者謂獻賢能之書於王退來鄉內云以鄉
 射之禮者州長春秋二時習射於序名為鄉射今鄉
 大夫還用此鄉射之禮云五物詢眾庶者物事也
 曰二曰已下是也
 射之禮者案今儀禮鄉射云豫則鉤楹內堂則由楹
 外又云序則物當棟堂則物當楣堂謂鄉學據鄉大
 夫所行射禮也豫謂州長春秋二時習射於序司農
 云和謂闈門之內行也者以其父子主和故和謂闈
 門之內行也云容謂容貌也者以其容是容儀故知
 容貌也後鄭不從此義杜子春讀和容為和頌謂能
 為樂也者與舞即舞樂今又以和容謂能為樂故後
 鄭亦不從玄謂和載六德容包六行也者破司農子
 春之義案大司徒以鄉三物教萬民教成則興之明
 此詢者還是三物之內不是三物之外別有和容又
 且主皮與舞是六藝之內明此和容是六德六行之
 中在下謂之載和在六德之下故云和載六德云容
 包六行者在上謂之包容則孝也孝在六行之上故
 云容包六行必和容得為孝者案漢書高堂生善為

容容則禮也善為孝者必合於禮之容儀故以孝為容者也云庶民無射禮者天子至士有大射燕射賓射之等庶人則無此射禮故云無射禮也云因田獵分禽則有主皮者案大司馬職大獸公之小禽私之者至舍更與在田之人射則取之則有云主皮主皮者張皮射之無侯也者自士已上張皮侯采侯獸侯庶人主射此皮故云主皮無侯也云主皮和容與舞則六藝之射與禮樂與者以此三者當之故以主皮當射和容當禮與舞當樂若然三物之中其事一十有八今六德之中唯問和六行之中唯問容六藝之中唯問禮樂獨問此者既貢賢於王其餘則未能盡備故略舉五者以問之六德是其大者故問下之和者六行是其小者故問上之孝者也六藝之中禮以安上治民樂以移風易俗男子生設弧於門左射則是男子之事此者人行之急故特言之自餘略而不說又云當射之時民必觀焉因詢之也者案鄉射記唯若有射于國中其餘則否註云臣不習武事於君側以其鄉射在城外眾庶皆觀焉故得詢此五物云

孔子射於矍相之圃已下者此是禮記射義文天子諸侯射先行燕禮鄉大夫士射先行鄉飲酒之禮時孔子為鄉大夫鄉射之禮先行飲酒禮故云孔子射於矍相之圃蓋觀者如堵墻者以其臣不得在國射故射於矍相之圃蓋觀者如堵墻云射至于司馬者以其飲酒之禮必立司正於將射變司正為司馬也案鄉射大射司射執弓矢今此云子路執弓矢則子路為司射也云子路出誓者以其眾庶多不可盡與之射故誓去之云又使公罔之裘序點揚解而語者案鄉飲酒之禮一人舉觶為旅酬始二人舉觶為無算爵始射在無算爵前今誓在無算爵後者但射實在無算爵前今未射之前用此無算爵禮二人舉觶之法以誓眾庶耳非謂此射在無算爵後云詢眾庶之儀若是乎者孔子為諸侯鄉大夫此經是天子此謂使民與鄉大夫引彼以證此故云乎以疑之

賢出使長之使民與能入使治之

註

言是乃所謂使

周典賢能此後世科舉
法所由始然所謂賢能者
德行道藝為本非若後
之詞章記誦也

民自舉賢者因出之而使之長民教以德行道藝於
外也使民自舉能者因入之而使之治民之貢賦田
役之事於內也言為政以順民為本也書曰天聰明
自我民聰明天明威自我民明威老子曰聖人無常
心以百姓心為心如是一則古今未有遺民而可為治
疏此謂至治之。釋曰言此謂使民與賢者謂上經
賓舉者皆民中舉之還使治民故云此謂使民與
賢出使長之謂使鄉外與民為君長云使民與能入
使治之者謂能者復來入鄉中治民之貢賦。**註**言
是至為治。釋曰云使民自舉賢者因出之而使之
長民教以德行道藝於外也者以賢者德大故遣出
外或為都鄙之主或諸侯皆可也以其自有德行道
藝故還使之教民以德行道藝云使民自舉能者因

入之而使之治民之貢賦田役之事於內也者以其
能者德小不可以為大夫諸侯等故還入鄉中董德
大小以為比長鄰長已上之官治民之貢賦田役於
內也云言為政以順民為本也者禮記云上酌民言
則下天上施上不酌民言則下不天上施故言為政
以順民為本也書曰天聰明已下是尚書咎繇篇之
文也自用也言天雖聰明視聽既遠不自用已之聰
明用民之聰明民之歸者則授之以天位謂若湯武
是也天明威自我民明威者威畏也天雖明察可畏
不自用已之明威用我民明威民所畏者則討之謂
若桀紂是也云老子曰聖人無常心以百姓心為心
者但聖人形如枯木心若死灰空洞無我故無常心
以百姓之心為心引之者證順民為本之意云如是
則古今未有遺民而可為治者天聰明是古老子與
此文為今皆順民為治故云**歲終則令六鄉之吏皆**
古今未有遺民而可為治也

會政致事

註

會計也致事言其歲盡文書

疏

歲終至致事。

釋曰年終將考其得失則令六鄉之吏州長之官皆計會教政之功狀致其所掌之事於鄉大夫鄉大夫得之致與大司農然後考之 **正歲令羣吏攷法于司徒以退各憲**

之於其所治之國 釋曰正歲建寅之月鄉大夫令徒正謂受而考量行之故云以退 **大詢于眾庶則各**

各憲之於其所治憲者表縣之也 **大詢于眾庶則各**

帥其鄉之眾寡而致於朝 **大詢者詢國危詢國遷**

詢立君鄭司農云大詢于眾庶洪範所謂謀及庶民

大詢至於朝 釋曰國有大事必順於民心故與眾庶詢謀則六卿大夫各帥其鄉之眾寡而致於

朝謂外朝三槐九棘之所共詢謀之 **大詢至庶**

民 釋曰如大詢詢國危詢國遷詢立君者按小司寇職云掌外朝之政以致萬民而詢焉 一曰詢國危以安庶民云國大詢于眾庶而致于朝故知大詢者

詢國危之等此三者皆是國之大事故稱大詢小司寇雖不云大大上云大貞即此詢國危之等也鄭司農云大詢于眾庶引洪範所謂謀及庶民者彼謀及庶民即大詢於眾庶一也故引為證 **國有大故則令民各守其閭以待政令** **使民皆聚於閭胥**

所治處 釋曰國有至政令 釋曰大故謂災變寇戎之

各守其閭胥所治處以待國之政令 **使民至治**

處 釋曰二十五家為閭中士為閭胥則有治政之處以聚 **以旌節輔令則達之** **民雖以徵令行其將**

之者無節則不得通 **以旌至達之** 釋曰國有大

出入來往皆須得旌節輔此徵令文書乃得通達使過故鄭云民雖以徵令行其將之者無節則不得通

州長各掌其州之教治政令之法 鄭司農云二千五

百家為州論語曰雖州里行乎哉春秋傳曰鄉取一人焉以歸謂之夏州州長至之法。釋曰一鄉管五州中大夫一人為州長故

云州長各掌其州之教也教謂十二教云治政令之法者謂十二教之外所施政令皆治之。鄭司至

夏州。釋曰二千五百家為州者雖無正文約則有之案上文五家為比五比為閭四閭為族五族為黨

五黨為州州二千五百家也又引春秋傳曰已下者案左氏宣公十一年傳曰楚人伐陳遂入陳殺夏徵

舒因縣陳申叔時諫乃復封陳鄉取一人焉以歸謂之夏州註云言取討夏徵舒之州引此者以證有州

之義也正月之吉各屬其州之民而讀法以攷其德行道藝而勸之以糾其過惡而戒之屬猶合也聚也

因聚眾而勸戒之者欲其善屬音燭下同。釋曰謂建

子之月一巳也各屬其州之民者屬猶合也聚也謂合聚一州之民也而讀法者謂對眾讀一年政令及

十二教之法使知之云以考其德行道藝而勸之者謂考量民之六德六行及六藝之道藝而勸勉之使

之勤脩云以糾其過惡而戒之者民有過惡糾察與之罪而懲戒之。屬猶至其善。釋曰言因聚眾

而勸戒之者謂欲勸戒之必須聚眾故言因聚眾而勸戒之欲其善也若以歲時祭祀

州社則屬其民而讀法亦如之春秋以禮會民而射于州序序州黨之學也會民而射所以正其志也

射義曰射之為言釋也釋者各釋已之志會若如字

至州序。釋曰上云歲時皆謂歲之四時此云歲時

唯有歲之二時春秋耳春祭社以祈膏雨望五穀豐

熟秋祭社者以百穀豐稔所以報功故云祭祀州社

也云則屬其民而讀法亦如之者凡讀法皆因節會

也云則屬其民而讀法亦如之者凡讀法皆因節會

以聚民今既祭因聚民而讀法故亦如之云春秋以禮會民而射于州序者州長因春秋二時皆以禮會聚其民而行射禮于州之序學中言以禮者亦謂先行鄉飲酒之禮乃射故云以禮也。序州至之志。釋曰此知序州黨學者案下黨正亦云飲酒于序故知州黨學同名為序若鄉則立庠故禮記鄉飲酒義云主人迎賓于庠門之外彼鄉大夫行賓賢能以正其志也者凡禮射皆須存其志意故鄭即引射義曰射少為言釋也釋者各釋已之志釋陳也言各陳已志者謂若射義云射者內志正外體直乃能中之是也。凡州之大祭祀大喪

皆泣其事

註大祭祀謂州社稷也大喪鄉老鄉大夫

於是卒者也泣臨也。凡州至其事。釋曰云凡者也云州之大祭祀大喪者則非國家祭祀喪事謂州之大祭唯有春秋祭社也州之大喪者三公鄉大夫

之喪也云皆泣其事者二州長皆臨其事也。大祭至臨也。釋曰言大祭祀謂州社稷者以上文云歲時祭祀州社此經又因言州之大祭祀故知還是上文州社也知有稷者以其天子諸侯三社皆稷對之故知兼有稷也言州社者若言大社國社之類又對黨祭祭族祭酺故此特言州社也云大喪鄉老鄉大夫者以其遠郊之內置六鄉鄉老與鄉大夫死不出六鄉要在一鄉一州一黨一族一閭之內今據州而言故云。若國作民而師田行役之事則帥而致之於是卒者。掌其戒令與其賞罰。致之致之於司徒也掌其戒

令賞罰則是於軍因為師帥。若國至賞罰。釋曰

如也如有國家作起其民師謂征伐田謂田獵行謂巡狩役謂役作此數事者皆須徵聚其民州長則各帥其民而致之于司徒也云掌其戒令與其賞罰者州長既致其民還自領已民為師帥故還使州長掌

之也。○**註**致之至師帥。○釋曰云致之於司徒也者謂州長致與小司徒小司徒乃帥而致與大司徒故小司徒職云大軍旅帥其眾庶是也云因為師帥者若眾屬軍吏別有軍吏掌之何得還自掌之故知因為師帥也但在鄉為州長已管其民在軍歲終則會還領已民為師帥即是因內政寄軍令也。

其州之政令正歲則讀教法如初。○**註**雖以正月讀之

至正歲猶復讀之因此四時之正重申之。○重直用反。

歲終至如初。○釋曰既不言正歲之終周禮之內直言歲終者皆是周之歲終也言則會其州之政令者謂會計當州黨政已下政令文書將以考課也云正歲則讀教法如初者以其建寅之月得四時之正於教令審故又讀教法言如初者亦當屬民讀之也。

贊鄉大夫廢興。○**註**廢興所廢退所興進也鄭司農云

贊助也。○**註**三年至廢興。○釋曰州長至三年大案比之日則大考州里者謂年年考訖至三年

則大考之言大者時有黜陟興廢故也。

黨正各掌其黨之政令教治。○**註**鄭司農云五百家為黨

論語曰孔子於鄉黨又曰闕黨童子。○治直吏反族師治令同。

黨正至教治。○釋曰言各者一鄉有二十五黨故各掌其黨之政令及十二教與治職文書。○**註**鄭司至童子。○釋曰先鄭知五百家為黨者以其五家為比五比為閭四閭為族五族為黨故知也引論語者證有黨及四時之孟月吉日則屬民而讀邦法以糾戒

義也。○**註**以四孟之月朔日讀法者彌親民者於教亦彌

數。○數音及四至戒之。○釋曰至及也黨正四時所角反。○孟月吉日則屬民而讀邦法者因糾戒

之如州長之為也。○**註**以四至彌數。○釋曰云以四孟之月朔日讀法者彌親民者於教亦彌數者上文州長唯有建子建寅及春秋祭社四度讀法此黨正四孟及下文春秋祭祭并正歲一年十度讀法者以其鄉大夫管五州去民遠不讀法州長管五黨去民漸親故四讀法黨正去民彌親故七讀法鄭示彌親民者則非直徒解黨正而已案下族師十四度讀法彌多於此故鄭總釋云彌親民者於教亦彌數也

春秋祭祭亦如之 **註**祭謂雩祭水旱之神蓋亦為壇

位如祭社稷云。○**註**祭謂至稷云。○釋曰黨正敬反。○**註**春秋至如之。○釋曰黨正

秋祭祭神也。○**註**祭謂至稷云。○釋曰鄭知祭謂雩祭水旱之神者案禮記祭法云雩祭祭水旱案昭公元年左氏傳子產云水旱癘疫之不時於是乎祭之皆是祭祭水旱神也云蓋亦為壇位如祭社稷云者以其大司徒及封人等皆云社稷有壇又祭法王宮祭日及雩祭祭水旱等皆是壇名故知亦如社稷有

壇位無正文故 **國索鬼神而祭祀則以禮屬民而飲** **註**古云以疑之也

酒于序以正齒位一命齒于鄉里再命齒于父族三

命而不齒 **註**國索鬼神而祭祀謂歲十二月大蜡之

時建亥之月也正齒位者鄉飲酒義所謂六十者坐

五十者立侍六十者三豆七十者四豆八十者五豆

九十者六豆是也必正之者為民三時務農將闕於

禮至此農隙而教之尊長養老見孝悌之道也黨正

飲酒禮亡以此事屬於鄉飲酒之義微失少矣凡射

飲酒此鄉民雖為鄉大夫必來觀禮鄉飲酒鄉射記

大夫樂作不入。士既旅不入是也。齒于鄉里者以年與眾賓相次也。齒于父族者，父族有為賓者，以年與之相次，異姓雖有老者，居於其上。不齒者，席于尊東。

所謂遵。

○蜡仕詐反，依字作禘，為干偽反。隙去逆反。本又作郤，弟音悌，下同。國索至。

釋曰：黨，正行正齒位之禮。在十二月，建亥之月，為之。非蜡祭之禮，而此云國索鬼神而祭祀者，以其正齒位禮在蜡月，故言之。以為節耳。當國索鬼神而祭祀之時，則黨正屬眾，其民而飲酒于序，學中以行正齒位之法，當正齒位之時，民內有為一命已上必來觀禮，故須言其坐之處云。一命齒於鄉里者，此黨正是天子之國黨。正則一命亦天子之臣。若有一命之人來者，即於堂下鄉里之中為齒也。云再命齒于父族者，謂父族為賓，即與之為齒。年大在賓東，年小在賓西。三命而不齒者，若有三命之人來者，縱令父族為

賓亦不與之齒。若非父族，是異姓為賓，灼然不齒。位在賓東，故云不齒也。若然，典命雖不見天子之士命數，序官有上士、中士、下士，則上士三命，中士二命，下士一命，則此一命謂下士，再命謂中士，三命謂上士也。

註

國索至謂遵。○釋曰：云國索鬼神而祭祀謂

是鄭君解義語言，此者謂行正齒位之禮亦在此月也。云正齒位者，鄉飲酒義，所謂六十者坐，至六豆者立，是彼文案。彼文謂五十者立，侍六十者乃於堂上而坐。禮年六十以上，籩豆有加，故不得籩豆，耦而云六十者三豆，七十者四豆，八十者五豆，九十者六豆。若然，則堂下五十立者二豆而已，引之者證此經與彼同是正齒位之法也。云必正之者，為民三時務農，將闕於禮，至此農隙而教之，尊長養老，見孝悌之道也。者春夏秋三時務在田野，闕於齒序之節，隙閑也。至此十月農事且閑，而教之言尊長養老，即五十已上至九十正齒位是也。但孝弟施于家內，今行尊長養老，則是孝弟之道，通達於外者也。云黨正飲酒禮

亡者儀禮篇卷並在上之日別有黨正飲酒之禮見今十七篇內無黨正飲酒之禮故云亡也云以此事屬于鄉飲酒之義微失少矣者但儀禮未亡之時篇內論正齒位之禮其義具悉今將此經之事連屬於鄉飲酒義則鄉飲酒義唯有五十已上豆數之言此經唯有一命已下觀禮之事二處相兼比於儀禮篇中鄉飲酒法義理乃未足微失於少故云微失少矣云凡射飲酒者謂州長春秋行社黨正十二月行飲酒二事俱同故兼言射也云此鄉民雖為鄉大夫必來觀禮者證此經一命以至三命齒與不齒之人來在位之法也又引鄉飲酒鄉射記者證二事俱有一命已下觀禮來入時節案彼經鄉大夫皆作樂前入士未旅前入故云大夫樂作不入鄭彼注云後樂賢也云上既旅不入注云後正禮也若然大夫士來觀禮者皆為樂賢行禮而至故大夫樂作不入士既旅不入也云齒于鄉里者以年與眾賓相次也者位在堂下與五十已下眾賢賓客相次以其一命若據天子之國一命為下七若據諸侯之國一命為公侯伯之

士若據子男之士不命置在堂下以其士立于下故也云齒于父族者父族有為賓者以年與之相次者以其賓在戶牖之間南面若賓是同姓父族則與之齒也云異姓雖有老者居於其上者既言齒于父族明異姓非父族不齒可知云不齒者席于尊東所謂尊者案鄉飲酒鄉射皆酒尊在室戶東房戶西賓主夾之鄉人謂鄉大夫來觀禮為鄉人所遵法謂之為遵席位在酒尊東公三重大夫再重故知不齒者席于尊東也云所謂尊者所謂鄉射鄉飲酒之遵也案鄭註鄉飲酒云此篇無正齒位之事焉者彼是三年一貢士直行飲酒之禮賢者為賓其次為介其次又為眾賓賓而貢之如此無黨正正齒位之事案彼註又云天子之國三命者不齒於諸侯之國爵為大夫則不齒矣者以其賓賢能年幾必小於卿大夫等是以天子之國三命士及公侯伯之卿三命大夫一命子男之卿再命大夫一命但是大夫已上無問命數皆不齒以其大夫已上爵尊故也但諸侯之卿當天子之士故天子之國三命乃不齒天子士再命以

下及諸侯之士則皆齒以其士卑立于下故在堂下與鄉人立者齒也彼是賓賢能禮若黨正飲酒之禮則此文是天子黨正飲酒法則一命齒于鄉里在堂下與鄉人齒再命齒于父族父族為賓在堂上則天子再命之士亦在堂上與彼賓賢能鄉飲酒義異者案鄉射記云大夫與則公士為賓則此黨正飲酒有一命以上觀禮則亦以公士為賓但公家之士其年必大故天子之士再命者亦與之齒若然賓賢能天子之士再命不齒者彼賓賢能非正齒位法別為一禮故與黨正正齒位禮異也

凡其黨之

祭祀喪紀昏冠飲酒教其禮事掌其禁戒其黨之

民。○冠古。凡其至禁戒。○釋曰此一經並是民之

下雖是民之所行民者冥也非教不可故黨正皆教

其禮事也因掌其戒命督禁之。○其黨之民。○釋曰經云凡其黨之祭祀之等言凡是廣及之言故云其黨之民也

凡作民而師田行

役則以其法治其政事亦於軍因為旅帥

旅師。○釋曰此亦如上釋非眾屬軍吏者黨正在鄉

各管五百家出軍之時家出一人則五百人為旅黨

正還為旅帥亦如**歲終則會其黨政帥其吏而致事**

州長因為帥帥也。○釋曰黨正以下諸官等故歲

終則會計一黨政治功狀則帥其族帥以下之吏

致其所掌之事於州長州長又致與鄉**正歲屬民讀**

大夫鄉大夫致與大司徒而行賞罰也。○釋曰

法而書其德行道藝書記之。○釋曰

朔日聚眾庶讀法因即書其德行道藝鄭解書書記

之者以其三年乃一貢今每年正歲皆書記觀勉之

貴賤老幼廢疾可任者及其六畜車輦如今小案比

國以歲時蒞校比。釋曰案族師職以歲之四時校

比此黨正管五族至校比之時黨正自臨之恐其

有差失故也。○**國**蒞臨至案比。○釋曰鄭司農所云

者竝族師職文以其黨正所臨臨族師故還引族師

校比之法以證成其義也云如今小案比者及大比

此舉漢法言小案比對三年大比為小耳。○**國**亦如之。○**國**釋曰及至也族師至三

年大案比黨正亦蒞之。○**國**政事邦政之事鄭司農

云百家為族。○**國**族師至政事。○釋曰云各掌其族之

法如七而掌其族。○**國**戒令政事以其族師主百家各自受

釋曰云政事邦政之事者謂國之征役皆是也先鄭

云百家為族者亦約不為比五。○**國**月吉則屬民而讀

比為閭四閭為族故知族自家也。○**國**月吉則屬民而讀

邦法書其孝弟睦姻有學者。○**國**月吉每月朔日也故

書上句或無事字杜子春云當為正月吉書亦或為

戒令政事月吉則屬民而讀邦法。○**國**月吉至學者。○

聚眾庶而讀法。○**國**書其孝弟睦姻有學者黨正直書

德行道藝具言此云孝弟睦姻惟據六行之四事有

學即六藝也計族師所書亦應不異黨正但文有詳

略故所言有異但族師親民故析別而言耳。○**國**月

合氏讀法州長以正月行之黨
正以五月行之族師又以餘月
之朝行之民愈近者教愈
詳也

之在下也春秋祭酺亦如之。○**國**酺者為人物裁害之

神也故書酺或為步杜子春去當為酺玄為按人職
 又有冬祭馬步則未知此世所云蠅螟之酺與人鬼
 之步與蓋亦為壇位如雩祭云族長無飲酒之禮因
 祭酺而與其民以長幼相獻酬焉○酺音步或音蒲按尸教反蠅悅全
 反螟覓經反酺與音餘下步與同○春秋祭酺亦如
 崇榮敬反本亦作祭下黨祭○釋曰族師
 於春秋祭祀酺神之時亦如○釋曰族師
 者至酬焉○釋曰鄭知酺者人物裁害之神者凡
 國之祈祭者皆恐與人物為○釋曰謂若州長黨正所
 祭社祭亦為水旱與物為裁○釋曰明此亦是恐與人物
 為裁害之神也云故書酺或為步杜子春云當為酺
 者按人職云馬步亦為行步○釋曰字而子春破之從酺
 者子春亦無正文直以此經○釋曰文為正故依之也玄
 謂按人職又有冬祭馬步者○釋曰是與馬為害故祭之

引之者證此酺亦與人物為害云則未知此世所為
 蠅螟之酺與人鬼之步與者但此經云酺不知何人
 故舉漢法以况之但漢時有蠅螟之酺神又有人鬼
 之步神未審此經酺定當何酺故兩言之以無正文
 故皆云與以疑之也云蓋亦為壇位如雩祭云者上
 黨祭雩祭鄭云蓋亦為壇位如祭社稷云已疑祭為
 壇位今此文約與雩祭同故言云以疑之云族長無
 飲酒之禮者案上州長春秋習射有飲酒禮黨正十
 月農功畢亦有飲酒禮皆得官物為之今此族卑不
 得官物為禮故云族無飲酒禮也云因祭酺而與其
 民以長幼相獻酬焉者鄭必知因祭酺有民飲酒之
 禮者案禮記禮器云周旅酬六尸曾子曰周禮其猶
 醕與鄭註彼云合錢飲酒為醕旅酬相酌似之也即
 引明堂禮乃命國醕鄭據禮器明堂禮皆有醕法醕
 即合錢飲酒以不得○釋曰以邦比之法帥四閭之吏以時
 官酒故須合錢耳

屬民而按登其族之夫家眾寡辨其貴賤老幼廢疾

可任者及其六畜車輦

國登成也定也

釋以邦至車輦○釋曰

云以邦比之法者案比之法國家有常故據其常法以案比之故云以邦比之法也云帥四閭之吏者族帥四閭之吏也云登其族之夫家眾寡者夫家即男女也校比之也云成家自二人以至十人為九等七六五者為其中若然則六口為中七口已上為眾五口已下為寡云辨其貴賤老幼者貴為卿大夫賤為占賣國之斤幣販易之人也廢疾謂廢於人事疾病者今癘不可事者也云可任者謂若國中七尺以及六十野自六尺以及六十五皆征之則可任者也及其六畜馬牛羊豕犬雞車駕牛馬輦人挽行皆辨之也

五家為比十家為聯五人為伍十人為聯四閭為族

八閭為聯使之相保相受刑罰慶賞相及相共以受

邦職以役國事以相葬埋

國相共猶相救相賙

○葬如字

劉才郎反埋本

國

五家至葬埋○釋曰云五家為比或作狸莫皆反

聯者在家惟有五家為比比長領之無十家為聯相管之法今云十家為聯者在軍之時有十人為什

本出於在家故并二比為十家為聯擬入軍時相并故覆云五人為伍十人為聯明是在軍法耳云四閭

為族八閭為聯者張逸問俗百家安得有八閭鄭答并之為聯耳若然亦如二比為聯之類也云使之相

保者謂相保不為愆負云相受者謂宅舍有故相受寄託云刑罰慶賞相及者案趙商問族師之義鄰比

相坐康誥之說門內尚寬書禮是錯未達旨趣鄭答族師之職周公新制禮使民相共勅之法康誥之時

周法未定又新誅三監務在尚寬以安天下先後異時各有云為乃謂是錯○**國**相共至相賙○釋曰案

大司徒職云五族為黨使之相救五黨為州若作民使之相賙此所戒勅亦與彼同故引為證也

而師田行役則合其卒伍簡其兵器以鼓鐸旗物帥

而至掌其治令戒禁刑罰

亦於軍因為卒長

至刑罰。釋曰若作民而師田行役則合其卒伍者族師主百家家出一人即為一卒卒長還使族師為之故鄭云亦因為卒長也云簡其兵器者在軍即有弓矢及矛戈戟云以鼓鐸旗物者案大司馬春辨鼓鐸王執路鼓諸侯執賁鼓軍將執晉鼓師帥執提旅帥執鞶卒長執饒兩司馬執鐸公司馬執鑼又司常云王建太常已下是鼓鐸旗物也帥而至者族師以帥上卒具備帥主於鄉師以致司徒也註亦於軍因為卒長者亦釋經掌其治令已下亦非眾屬軍吏還是自為卒長者也

歲終則會政致

事

閭胥各掌其閭之徵令

鄭司農云二十五家為閭

疏

註鄭司至為閭。釋曰先鄭知二十五家為閭者以其五家為比五比為閭故知閭二十五家也而云各掌其閭之徵令者徵令即下文歲時以下之事是也

以歲時各數其閭之眾寡

辨其施舍凡春秋之祭祀役政喪紀之數聚眾庶既

比則讀法書其敬敏任恤者

醕也役田役也政若州射黨飲酒也喪紀大喪之事

也四者及比皆會聚眾民因以讀法以勅戒之故書

既為暨杜子春讀政為征暨為既

○數色主反政役如字杜音征會如字下會同暨其器反又斤乙反

謂歲之四時云各數其閭之眾寡者閭胥各自數當閭之內戶口多少云辨其施舍者亦謂國中七尺以及六十野自六十以及六十有五

皆征之已外施舍不役云凡春秋之祭祀役政喪紀之數聚眾庶者謂州長黨正族師祭祀及役政與王家喪紀閭胥皆為之聚眾庶以待驅使也云既比則讀法者上族師已上官尊讀法雖稀稠不同皆有時節但閭胥官卑而於民為近讀法無有時節但是聚眾庶比之時節讀法故云既比則讀法云書其敬敏任恤者以上書其德行道藝今此閭胥親民更近故除任恤六行之外兼紀敬敏者也。釋曰祭祀至為既。釋曰知祭祀謂州社黨祭族酬者以其黨鄉之內所有祭祀無過此三者而已故知義然也云役田役也者上文師田行役並言則役是役作但田是國之常事田重於功作此文不云田故知役是田役也知政是州射黨飲酒者政與上祭祀連文聚眾庶故知若州射及黨飲酒也云喪紀大喪之事也者此大喪王之喪也知者以其聚眾庶明非上州之大喪故以王之喪解之。凡事掌其比釐撻

罰之事 釐撻者失禮之罰也釐用酒其爵以兕角

為之撻扑也故書或言釐撻之罰事杜子春云當言釐撻罰之事。釐古橫反撻吐。凡事至之事。釋曰言凡非一則是達反扑普十反。釐撻者失禮者須罰之故云凡事云掌其比者人聚則有撻比之法皆掌之云釐撻罰之事者凡有失禮者輕者以釐酒罰之重者以楚撻之故雙言釐撻罰之事。釐撻至之事。釋曰鄭知釐用酒者以其古者失禮之罰罰用酒又知其爵以兕角為之者見詩云兕觥其觶故知用兕牛角為釐爵也云撻扑也尚書云扑作教刑孔云扑榎楚故知此撻亦扑也云故書或言釐撻之罰事杜子春云當言釐撻罰之事者子春之意以釐撻罰在之上於義為切故從經為正者也。

比長各掌其比之治五家相受相和親有皐奇衰則相

及 衰猶惡也。治直吏反皐本。比長至相及。釋曰比長管五

家下士為之家數雖少亦有治法故各掌其比之治云五家相受者宅舍有故崩壞相寄託云相和親者案尚書云爾室不睦爾唯和哉五家之內有不和親則使之自相和親云有鼻奇衰則相及者五家有罪惡則連及欲使不犯

徙于國中及郊則從而授之

徙謂不便其居也或國中之民出徙郊或郊民入徙

國中皆從而付所處之吏明無罪惡

○便婢 徙于面反 至授

之○釋曰五家之內人有不便其居須徙者則使伍長從而授之○**徙謂至罪惡**○釋曰云徙謂不便其居也者古者三歲大比之年民有願厭於本居之處不便則任民遷徙故云不便其居也周法遠郊百里內并國中共為六鄉此國中及郊所徙者並不離當鄉之內言或國中之民出徙郊者先從近向遠釋經徙于郊之文也云或郊民入徙國中者欲釋經徙于國中之文也云皆從而付所處之吏明無罪惡者

釋經則從而授之之文也若有罪惡則下文無授無節園土內之其人私逃有何付授之也今伍長自往付授明無罪惡直

若徙于他則為之旌節而行之

徙於他謂出居異鄉也授之者有節乃達

○若徙至行之

釋曰上經是當鄉之內遷徙直須伍長送付彼吏今此經言徙于他是出向外鄉則當為旌節乃行之○**徙於至乃達**○釋曰言徙于他對上經直言國中及郊為鄉內此言徙于他明是出居異鄉也云授之者有節乃達者鄭欲見上經鄉內徙者有授無節此徙外鄉非直有授兼亦有節乃可行故鄭言此有節亦授之者也此節即

若無授無節則唯園土內之

鄉中無授出鄉無節過所則呵問繫之園土考辟之

也園土者獄城也獄必園者規主仁以仁心求其情

長職之至早也而一鄉之治始于此故聖人慎焉其相受相和親也而後善俗可以

當如此

周禮疏

卷之十二 二十一

及古習

古之治獄閱於出之。○何呼何若無至內之。釋
鄭云鄉中無授出鄉無節此皆罪人故當唯園土內
之也。○釋曰上釋出鄉有授兼節
此註釋鄉中無授出鄉無節似出鄉空有節而全無
授者以其出鄉雖兼有授直舉有節以對鄉內有授
何妨有節兼有授也若直有節而無授何以分別罪
惡之人云過所則何問繫之園土考辟之也者謂所
過之官司見即何問之必知有何問之者若不問
窮詰則虛實難明故知何問也繫之園土考辟之者
謂繫在獄中辟法也考量以法推問無授無節之由
也云園土者獄城也獄必園考規主仁以仁心求其
情者案禮記深衣有規矩權衡規配東方仁矩配西
方義但斷獄之法有義有仁雖以義斷使合宜仍以
仁恩閱念求得情實閱
念出之故獄城園也

封人掌設王之社壇為畿封而樹之
社壇謂壇及壝也

也畿上有封若今時界矣不言稷者稷社之細也
封人至樹之。○釋曰云掌設王之社壇者謂王之
社三稷之壇及壇外四邊之壇皆設置之直言壇不
云壇舉外以見內內有壇可知也云為畿封而樹之
者謂王之國外四面五百里各置畿限畿上皆為溝
塹其土在外而為封又樹木而為阻固故云為畿封
而樹之。○釋曰壇謂至細也。○釋曰壇謂壇及壝也
者壝埒即壇經不言壇故鄭兼見之也云畿上有封
若今時界矣者漢時界上有封樹故舉以言之云不
言稷者稷社之細也者案大司徒及下文皆社稷俱
言此獨言社不言稷故解之案孝經緯社是五土總
神稷是原隰之神原隰即是五土之一耳故云稷社
之細舉社則稷從之矣故言社不言稷也稷既是原
隰之神但原隰宜五穀五穀不可遍敬稷又為五穀
之長故立稷以表名孝經註直云杜謂后土者舉配
食者而言耳

凡封國設其社稷之壇封其四疆
社稷之壇封國建

禮記卷之二十二 二十二 及古

諸侯立其國之封凡封至四疆。釋曰言凡封國者封五等之國非一故云凡以

廣之云設其社稷之壇者案禹貢徐州貢五色土孔

註云王者封五色土為社建諸侯則各割其方色土

與之使立社燾以黃土苴以白茅茅取其潔黃取王

者覆四方是封乎諸侯立社稷之法也云封其四疆

者諸侯百里以上至五百里四邊皆有封疆而樹之

故云封其四疆也。封國至之封。釋曰封國建

諸侯者若典命云三公命其卿六命大夫四命其

出封皆加一等是建諸侯也云立其國之封者封則

經云四造都邑之封域者亦如之。釋曰云造都邑

疆是也。造都邑之封域者亦如之。釋曰云造都邑

家邑三等采地有百里五十里二十五里皆有四邊

封域故云之封域也云亦如之者亦如上諸侯有四

疆也。疆令社稷之職。將祭之時令諸有職事於社稷者

也郊特牲以唯為社事單出里唯為社田國人畢作

唯為社丘乘共粢盛所以報本反始也。唯為于僞

井乘繩。令社稷之職。釋曰春秋祭社皆有職事

證反。令之者使各依職司而行故須令之也。

將祭之始也。釋曰言將祭之時者春秋祭社日

皆用甲未祭之前令諸有職事于社稷者也云唯為

社事單出里者單盡也盡往助祭于州長此據六鄉

之中又云唯為社田國人畢作者畢亦盡也國人盡

行鄭云非徒羨謂在六遂之中以下劑致昨當家之

內一人為正卒一人為羨卒其餘為餘夫但田與退

胥竭作餘夫亦行故云非徒羨也云唯為社丘乘共

粢盛者此據三等采地之中故有丘甸井田之法案

小司徒職云九夫為井四井為邑四邑為丘四丘為

甸甸方八里旁加一里則為一成成百井九百夫一

井之地九夫百家各治一夫自入共治一夫稅入於

君以其粢盛而祭社故云丘乘共粢盛也云所以報

本反始也者社稷為土神是民之本句龍后稷是民

之始反亦報也命民共之者所以報本反始也引之

者證祭社
各有職事

凡祭祀飾其牛牲設其楅衡置其綵共其

水橐

飾謂刷治潔清之也鄭司農云楅衡所以楅

持牛也綵著牛鼻繩所以牽牛者今時謂之雉與古

者各同皆謂夕牲時也杜子春云楅衡所以持牛令

不得抵觸人玄謂楅設於角衡設於鼻如楹狀也水

橐給殺時洗薦牲也綵字當以豸為聲

楅音福綵本又作紉持

忍反橐古老反清如字又才性反着直略反令

力呈反抵丁禮反楹音加沈一音瑕豸直抵反

至水橐釋曰言凡祭祀謂王之天地宗廟先大次

小之祭祀非一故云凡以廣之云飾其牛牲者祭祀

尚潔淨故飾治使淨也設其楅衡者恐抵觸人故須

設楅于角牽時須易制故設衡于鼻置綵當牽行故

亦置之于鼻也須洗薦牲體故共其水橐也

謂至為聲釋曰司農云楅衡所以楅持牛也者司

農意以衡為持故云所以楅持牛以楅衡共一物解

之與子春同後鄭不從之矣云綵著牛鼻繩所以牽

牛者今時謂之雉與古者名同者若然自漢以前皆

謂之綵案禮記少儀云牛則執紉紉則綵之別名今

亦謂之為紉也云皆謂夕牲時也者但夕牲在祭前

之夕正祭在厥明二時皆以此事明據在前夕牲時

而言也杜子春云楅衡所以持牛令不得抵觸人者

子春意楅衡唯設于角與司農義同後鄭亦不從也

玄謂楅設于角者楅者相楅迫之義故知設於角云

衡設於鼻者衡者橫也謂橫木於鼻今之駟猶然故

知設於鼻破先鄭子春之義云如楹狀者漢時有置

于犬之上謂之楹故舉之以為况衡者也云水橐給

殺時洗薦牲也者其牛將殺不須飼之又充人已飼

三月不得將殺始以水橐飲飼水所以洗牲橐所以

薦牲故雙言洗薦牲也云綵字當以豸為聲者爾雅

有足曰蟲無足曰豸但牛紉以麻為之從絲為形以

及古

禮記卷之二十四

豸為聲故云絳歌舞牲及毛炮之豚謂君牽牲入

時隨歌舞之言其肥香以歆神也毛炮豚者爛去其

毛而炮之以備八珍鄭司農云封人主歌舞其牲云

博碩肥臚炮薄交反爛似鹽反歌舞至之豚釋曰言歌舞牲

者謂若牽牲入時封人隨後歌舞云博碩肥臚也云

及毛炮之豚者謂造炮豚之時則爛去其毛以炮之

也謂君至肥臚釋曰案禮記祭義云君牽牲

穆答君卿大夫亦從是君牽牲入時也云隨歌舞之

言其肥香以歆神也者解封人隨牲後歌舞之時節

及使人歆享之意云毛炮豚者爛去毛而炮之者經

直云毛炮恐人以并毛炮之案禮記內則有炮豚炮

亦不言去毛炮之鄭知去毛者非豚之毛於牲無用

空以汗損牲體故知毛炮者皆去毛也云以備八珍

者彼內則八珍之中有炮豚此炮豚與彼同故知此

炮豚以備足八珍也鄭司農云封人主歌舞其牲云

博碩肥臚者此左氏桓公傳隨季良之辭彼云奉牲

以告曰博碩肥臚引之者證封人歌舞牲時有此辭

也凡喪紀賓客軍旅大盟則飾其牛牲大盟會同

之盟凡喪至牛牲釋曰言凡此下四事王之喪

紀有牲者除朝夕奠用脯醢以外大小歛朔

月月半薦新奠祀奠大遣等皆有牲牢賓客有殺牲

之者唯據致殮及饗餼饗食皆有殺牲之事軍旅殺

牲者謂饗獻軍史大盟謂天子親往臨盟此一經皆

鼓人掌教六鼓四金之音聲以節聲樂以和軍旅以正

田役音聲五聲合和者鼓人至田役釋曰言

及古閣

瞭職發首云掌凡樂事播鼓擊頌磬笙磬下又云掌
大師之縣鑿愷獻亦如之雖不云擊鼓上下文參之
其五鼓是賦瞭擊之則此所教者當教賦瞭也其晉
鼓當教鑄師故其職云掌金奏之鼓此下文云以晉
鼓鼓金奏故彼鄭註云主擊晉鼓是也又云六鼓四
金之音聲者六鼓四金與音聲和合故連言音聲也
云以節聲樂者下云雷鼓靈鼓路鼓晉鼓皆是也以
和軍旅者下云以鼗鼓鼓軍事是也云以正田役者
下云以鼗鼓鼓役事是也田獵所以習戰則田鼓當
與軍士同案大司馬云王執路鼓諸侯執賁鼓軍將
執晉鼓之等是也此一經是與下為總目之語也。
雷音聲五聲合和者。釋曰案禮記學記云鼓無當
於五聲五聲不得和則五聲須鼓乃和故鄭云五
聲合和者鄭不解音者單出口聲雜比曰音音聲相
將之物故釋五聲則合
得音故不重云音也 **教為鼓而辯其聲用**
鼓教擊鼓者大小之數又別其聲所用之事。別彼
列反

雷教為至之事。釋曰鄭云教為鼓教擊鼓考大
小之數者則雷鼓八面之等云而辨其聲用鄭云
又別其聲所用之事則下文雷鼓
及四金聲之所用各不同是也 **以雷鼓鼓神祀**
雷鼓八面鼓也神祀祀天神也 **以雷至神祀**
稱祭宗廟稱享祭下靈鼓鼓社祭又案大司樂以靈
鼓祭澤中之方丘大地祇與社同鼓則但是地祇無
問大小皆用靈鼓則此雷鼓鼓神祀但是天神皆用
雷鼓也。雷鼓至神也。釋曰鄭知雷鼓八面者
雖無正文案韞人為臯陶有晉鼓鼗鼓臯鼓三者非
祭祀之鼓皆兩面則路鼓祭宗廟宜四面靈鼓祭地
祇尊於宗廟宜六面雷鼓祀天神
又尊於地祇宜八面故知義然也 **以靈鼓鼓社祭**
靈鼓六面鼓也社祭祭地祇也 **以靈鼓鼓社祭**
祭土神地之道則孝經緯云社是五土之總神是地
之次祀故舉社以表地祇大宗伯亦云血祭社稷

及古

五祀亦舉社以表地祇其實以路鼓鼓鬼享路鼓

四面鼓也鬼享享宗廟也享許丈反劉虛以路鼓

鬼享。釋曰案大宗伯宗廟有六享則禘祫鼓四時

皆言享先王則皆是大祭縱有享先公為次祀祭殤

為小祀皆用此路鼓以其以鼗鼓鼓軍事大鼓謂

天神地祇大小同鼓故也鼗扶以鼗鼓鼓軍事。釋曰

之鼗鼗鼓長八尺。云反案人司馬云春執鼓鐸

王執路鼓諸侯執鼗鼓軍將執晉鼓鄭註云王不執

鼗鼓尚之於諸侯門社軍以鼗為正無妨兼有路鼓

晉鼓之等也。鼗大鼓至八尺。釋曰云大鼓謂之

鼗是訓鼓為大此唯兩面而已而稱大者此不對路

鼓已上以其長八尺直對晉鼓六尺以鼗鼓鼓役事

八寸者為大耳鼗鼓長八尺韞人文釋曰案

註鼗鼓長丈二尺。音羔以鼗鼓鼓役事。釋曰案

鼗鼓長丈二尺。釋曰丈二尺韞人文此既又二尺大

於鼗鼓不得大名但鼗鼓長八尺尚對晉鼓為鼗明

鼗鼓亦大可知不可同名以晉鼓鼓金奏晉鼓長

為鼗故別以鼗鼓為號也。以晉鼓鼓金奏晉鼓長

六尺六寸金奏謂樂作擊編鐘編必以晉鼓鼓

口凡作樂則先擊鍾故鍾師以鍾鼓奏九夏鄭云先

擊鍾次擊鼓金則鍾也奏則擊也則是擊鍾後即擊

鼓故云晉鼓鼓金奏。晉鼓至編鍾。釋曰晉鼓

長六尺六寸亦韞人文云金奏謂樂作擊編鍾者案

磬師云擊編鍾鄭註云磬亦編於鍾言之者鍾有不

鍾次擊鼓是不編之鍾
亦有鼓鼓即晉鼓也
以金錚和鼓
錚錚于也圓

如確頭大上小下樂作鳴之與鼓相和
音對本又作

椎直**錚**以金錚和鼓
釋曰謂作樂之時以此金錚

追反**錚**和於鼓節也
錚錚至相和釋曰錚錚

于也者錚于之名出於漢之大予樂官并云其形圓

如確頭大上小下竝出彼文而知之又云樂作鳴之

與鼓相和此鄭以意解之案下三金皆大司馬在軍

所用有文此金錚不見在軍所用明作樂之時與鼓

相和故云**以金錚節鼓**
錚錚也形如小鍾軍行鳴

和鼓也**錚**錚也形如小鍾軍行鳴

之以為鼓節司馬職曰軍行鳴錚
錚錚也形如小鍾軍行鳴

鼓○釋曰此謂在軍之時所用節鼓與鼓為節也

錚錚至鳴錚○釋曰鄭云錚錚也者案詩有錚人

伐鼓就而解之彼註錚以靜之此解以為軍行所用

不同者義亦一也以其動靜俱用故也云形如小鍾

者亦據漢法而言也云軍行鳴之以為鼓節此依大

司馬文而釋故引彼文云軍行鳴錚對上金錚作樂

為節案彼是公**以金鏡止鼓**
鏡如鈴無舌有秉執

司馬所執也**以金鏡止鼓**
鏡如鈴無舌有秉執

而鳴之以止擊鼓司馬職曰鳴鏡且卻
秉兵政反本

又作柄下同**錚**以金鏡止鼓
釋曰此案春秋左氏

卻起略反**錚**傳曹劇云一鼓作氣再而衰三而竭

哀公傳陳書曰吾聞鼓而已不聞金矣是進軍之時

擊鼓退軍之時鳴鏡○**錚**鏡如至且卻○釋曰云鏡

如鈴無舌者亦約漢法而知也云有秉執而鳴之者

案大司馬云卒長執鏡故知執而鳴之也又引司馬

職鳴鏡且卻者欲見軍卻退**以金鐸通鼓**
鐸大鈴

也振之以通鼓司馬職曰司馬振鐸
鐸待洛**錚**以

鐸通鼓○釋曰此是金鈴金舌故曰金鐸在軍所振

對金鈴木舌者為木鐸施令時所振言通鼓者兩司

及古開

卷之二十一 二十八

馬振鐸軍將已下即擊鼓故云通鼓也。釋曰：鐸大至，振鐸。釋曰：鐸大鈴亦約漢法知之。引司馬職者案彼兩司馬執鐸所引司馬。凡祭祀百物之神，鼓兵舞帟馬振鐸，即兩司馬也。

舞者。兵謂干戚也。帟列五采繒為之，有秉皆舞者。

所執。劉音弗。凡祭至舞者。釋曰：上文神祀社見卜神之事故云。凡祭祀百物之神也。云鼓兵舞帟舞者，天地之小神所舞，不過此兵舞帟舞二事。案下舞師山川用兵舞社稷用帟舞，今此小神等若義近山川者舞兵舞義近社稷者舞帟舞，故六舞之中唯言此二舞而已。

也者。案司兵云：祭祀授舞者兵鄭亦云：授以朱干玉戚必知兵舞是干戚者。見禮記樂記云：干戚之舞非備樂祭統又云：朱干玉戚竝是大武之舞。是知兵舞干戚也。又知帟舞列五采繒為之，有秉者案樂師帟五采繒，今靈星舞于持之，是舉今以曉古故知之。

也。凡軍旅夜鼓鑿。鑿夜戒守鼓也。司馬法曰：昏鼓四通為大鑿，夜半三通為晨戒，旦明五通為發响。千歷反，响本又作响，亦作煦。凡軍旅夜鼓鑿。釋曰：休具反，劉休武反，或况冢反。凡軍旅夜鼓鑿。夜故軍旅於夜鼓其鑿，鼓以警眾也。鑿夜至發响。釋曰：言鑿者聲同憂戚，取軍中憂懼之意，故名戒守鼓為鑿也。引司馬法曰：昏鼓四通為大鑿者，欲取從初夜即為警戒之意，故擊鼓四通使大憂戚也。云夜半三通為晨戒者，警眾使嚴備，侵早當行云。旦明五通為發响者，旦明五通晨响之時，當發故云發响也。

軍動則鼓其眾。動且行。釋曰：尋常在道欲行之時所擊之鼓，則上註五通發响是也。今別言軍動則據將臨陳之時，軍旅始動則擊鼓以作士眾之氣，故曹劌云：一鼓作氣，鄭云：田役亦如之。獵圍合動且行，謂行前向陳時也。

也。凡軍旅夜鼓鑿。鑿夜戒守鼓也。司馬法曰：昏鼓四通為大鑿，夜半三通為晨戒，旦明五通為發响。千歷反，响本又作响，亦作煦。凡軍旅夜鼓鑿。釋曰：休具反，劉休武反，或况冢反。凡軍旅夜鼓鑿。夜故軍旅於夜鼓其鑿，鼓以警眾也。鑿夜至發响。釋曰：言鑿者聲同憂戚，取軍中憂懼之意，故名戒守鼓為鑿也。引司馬法曰：昏鼓四通為大鑿者，欲取從初夜即為警戒之意，故擊鼓四通使大憂戚也。云夜半三通為晨戒者，警眾使嚴備，侵早當行云。旦明五通為發响者，旦明五通晨响之時，當發故云發响也。

也。凡軍旅夜鼓鑿。鑿夜戒守鼓也。司馬法曰：昏鼓四通為大鑿，夜半三通為晨戒，旦明五通為發响。千歷反，响本又作响，亦作煦。凡軍旅夜鼓鑿。釋曰：休具反，劉休武反，或况冢反。凡軍旅夜鼓鑿。夜故軍旅於夜鼓其鑿，鼓以警眾也。鑿夜至發响。釋曰：言鑿者聲同憂戚，取軍中憂懼之意，故名戒守鼓為鑿也。引司馬法曰：昏鼓四通為大鑿者，欲取從初夜即為警戒之意，故擊鼓四通使大憂戚也。云夜半三通為晨戒者，警眾使嚴備，侵早當行云。旦明五通為發响者，旦明五通晨响之時，當發故云發响也。

也。凡軍旅夜鼓鑿。鑿夜戒守鼓也。司馬法曰：昏鼓四通為大鑿，夜半三通為晨戒，旦明五通為發响。千歷反，响本又作响，亦作煦。凡軍旅夜鼓鑿。釋曰：休具反，劉休武反，或况冢反。凡軍旅夜鼓鑿。夜故軍旅於夜鼓其鑿，鼓以警眾也。鑿夜至發响。釋曰：言鑿者聲同憂戚，取軍中憂懼之意，故名戒守鼓為鑿也。引司馬法曰：昏鼓四通為大鑿者，欲取從初夜即為警戒之意，故擊鼓四通使大憂戚也。云夜半三通為晨戒者，警眾使嚴備，侵早當行云。旦明五通為發响者，旦明五通晨响之時，當發故云發响也。

之時必擊鼓象對敵故大救日月則詔王鼓

司馬職云鼓遂圍禁是也

月食王必親擊鼓者聲大異春秋傳曰非日月之青

不鼓。青生。領反。救日至王鼓。釋曰謂日月食時鼓

太僕職云軍旅田役贊王鼓鄭註云佐擊其餘面又

云救日月食亦如之太僕亦佐擊其餘面鄭既云佐

擊其餘面則非止兩面之鼓案上解祭日月與天神

同用雷鼓則此救日月亦宜用雷鼓八面故太僕與

戎右俱云贊王鼓得佐擊餘面也案莊二十五年左

氏傳夏六月辛未朔日有食之鼓用牲于社非常也

唯止月之朔慝未作日有食之於是乎用幣于社伐

鼓于朝若然此救日食用鼓惟據夏四月陰氣未作

純陽用事日又太陽之精於正陽之月被食為災故

有救日食之法他月似無救理尚書胤征季秋九月

日食救之者上代之禮不與周同諸侯用幣于社伐

鼓于朝退自攻責若天子法則伐鼓于社昭十七年

昭子曰月食天子伐鼓于社是也。救日至不鼓

。釋曰救日月食王必親擊鼓者聲大異者但日月

食始見其徵兆未有災驗故云異也引春秋傳者亦

莊二十五年傳辭彼傳云秋大水鼓用牲于社于門

亦非常也凡天災有幣無牲非日月之青不鼓譏其

為大水用鼓引之證其日月得有用鼓法春秋不記

救月食者但日食是陰侵陽臣侵君之象故記之月

大喪則詔大僕鼓

始崩及窆時也

釋曰

始崩及窆

時也。釋曰

案大僕職云大喪始崩戒鼓傳達于四方窆亦如之是鄭所據也

舞帥掌教兵舞帥而舞山川之祭祀教帔舞帥而舞社

稷之祭祀教羽舞帥而舞四方之祭祀教皇舞帥而

舞早暎之事。羽析白羽為之形如帔也四方之祭

八曰兵舞用于山川有捍衛之意義帳舞用于社稷有祓除之義羽舞用于四方有翼蔽之義皇舞用于早暵有陰陽相濟之義

禮記

卷之三

禮記

祀謂四望也早暵之事謂雩也暵熱氣也鄭司農去皇舞蒙羽舞書或為聖或為義玄謂皇析五采羽為之亦如帳。○**暵**呼但。○**聖**音皇。○**舞**帥至之事。○釋曰云掌教祭山川則舞師還帥領往舞山川之祀已下皆然案春官樂師有六舞并有旄舞施于辟雍人舞施于宗廟此無此二者但卑者之子不得武宗廟之耐祭祀之舞亦不得用卑者之子彼樂師教國子故有二者此教野人故無旄舞人舞。○**舞**羽析至如帳。○釋曰但羽舞用白羽旄舞用五色繒用物雖異皆有柄其制相類故云形如帳也云四方之祭祀謂四望也知者若以四方連百物則四方不止四望今單云四方四望五岳四瀆亦布在四方故知四方即四望也云早暵之事謂雩也者春秋所云雩者皆釋旱又祭法云雩祭祭水旱故知早暵謂雩祭也云暵熱氣也者以其早時多熱氣又此暵字以日為形以漢為聲者

故知暵熱氣也鄭司農云皇舞象羽舞者先鄭之意蓋見禮記王制有虞氏皇而祭皇是冕為首服故以此皇為鳳皇羽蒙于首故云蒙羽舞自古未見蒙羽于首故後鄭不從之矣云書或為聖或為義者禮本不同故或為聖或為義皆不從之矣玄為聖析五采羽為之亦如帳者鍾氏染鳥羽象翟鳥鳳皇之羽皆五采此舞者所執亦以威儀為飾言皇是鳳皇之字明其羽亦五采其制亦如帳舞若然帳舞羽舞皇舞形制皆同也。○**凡野舞則皆教之**。○**野**舞謂野人欲學舞者

同也。○**凡野至教之**。○釋曰案序官舞徒四十人其數有限今云皆教之者數雖四十餘者有能學皆教之

以待其。○**凡小祭祀則不與舞**。○**註**小祭祀王玄冕所祭

者與猶作也。○**疏**小祭至祭者。○釋曰案上文云凡

服云羣小祀則玄冕註云羣小祀林澤墳衍四方百物之屬如是則小祭祀有兵舞帳舞而云不與舞者

司禮記

卷之三

汲古閣

小祭祀雖同玄冕若外神林澤之等則有舞若宮中七舞之等則無舞此文是也

周禮註疏卷第十二

周禮註疏卷第十三

漢鄭氏註

唐賈公彥疏

牧人掌牧六牲而阜蕃其物以共祭祀之牲牲

六牲

謂牛馬羊豕犬雞鄭司農云牲純也玄謂牲體完具

○蕃音煩 牲音全 牧人至牲牲○釋曰云掌牧六牲而阜

使肥盛蕃息各有毛物謂五官各有牛人羊人犬人豕人之等擇取純毛物者以供牧人牧人又供與充

人芻之三月以祭祀故云以共祭祀之牲牲也○

六牲至完具○釋曰案爾雅所釋六畜有馬牛羊豕犬雞故鄭依而釋之案膳夫供六牲鄭註云始養之曰畜將用之曰牲則此云牲亦據將用為言也司農

云牲純也後鄭不從者尚書云犧牲對犧不得為純色其純下文毛之者是也故玄易之云牲體完具也

凡陽祀用騂牲毛之陰祀用黝牲毛之望祀各以其

方之色牲毛之註騂牲赤色毛之取純毛也陰祀祭

地北郊及社稷也望祀五嶽四鎮四瀆也鄭司農云

陽祀春夏也黝讀為幽幽黑也玄謂陽祀祭天於南

郊及宗廟○黝於糾反凡陽至毛之○釋曰言凡

目故云凡以廣之也註騂牲至宗廟○釋曰騂牲

知是赤色者見明堂位周人騂剛檀弓云周人牲用

騂周尚赤而云用騂故知騂是赤也云毛之取純毛

也者對下文云尾是雜色則此經云毛之者皆是取

純毛也云陰祀祭地北郊及社稷也并陽祀祭天於

南郊及宗廟者但天神與宗廟為陽地與社稷為陰

案大宗伯云蒼璧禮天黃琮禮地謂圜丘方澤下云

牲幣各放其器之色則昊天與崑崙牲用蒼用黃四

時迎五方天帝又各依其方色牲則非此騂牲黝牲

惟有郊天及宗廟社稷一等不見牲色在此陽祀陰

祀之中可知案郊特牲云郊之祭也大報天而主日

兆于南郊就陽位也牲用騂是南郊用騂也檀弓云

設尚白周尚赤是祭宗廟時赤也據此而言則祭天

於南郊及宗廟用騂也郊特牲云社祭土而主陰氣

也是社稱陰考經緯鉤命決云祭地於北郊就陰位

彼對郊天就陽位則是神州之神在北郊而稱陰以

是知陰祀中有祭地于北郊及社稷也不從先鄭陽

祀春夏者周祭宗廟四時同用騂夏至祭地方澤牲

用黃春夏迎氣牲各隨方之色明不得同用騂故不

從也又知望祀是四望者以其言望與四望義同故

知是四望五嶽等也云黝讀為幽幽黑也者以其幽

是北方故從幽為黑也後鄭先解陰祀後釋陽祀者

陽祀待先鄭釋訖

隨後破之故也

凡時祀之牲必用牲物註時祀四

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

及古鬲

時所常祀謂山川以下至四方百物

疏

凡時至牲物

凡者山川已下非一故亦言凡以廣之也必用牲物者對上方色是隨其方色不用龍虎是雜色則此牲物者非方非雜雖不得隨方之色要於一身之上其物色須純其體須完不得雜也假令東方或純黃純黑南方或純白純青皆得也。註時祀至百物。釋曰知時祀是山川以下至四方百物者案司服山川羣小祀林澤四方百物在四望下此文云天地四望此時祀又在四望下又四方山川之等亦依四時而祀故知時祀是山川至百物鄭唯據地之時祀若天之時祀日月已下亦在此時祀中也。凡外

祭毀事用龍可也

註

外祭謂表貉及王行所過山川

用事者故書毀為龍龍作廕杜子春云龍當為毀廕當為龍龍謂雜色不純毀謂副辜候禳毀除殃咎之

屬

○龍七江反貉莫霸反龍丘例反副普通反辜音孤禳如羊反

疏

凡外至可也。釋曰外祭毀事

其神非一故云凡以廣之也。註外祭至之屬。釋

曰知外祭中有表貉者據上文外神之中已云天地

至四方百物依時而祭者已盡此別言外祭則外祭中唯有表貉之等案大司馬田獵之時立表而貉祭

司几筵亦云貉。熊席又知外祭中有王行所過山

川用事者案按人云凡將事于四海山川則飾黃駒

大祝云大會同過大山川則用事焉亦是非常外祭

之事若然此云龍按人用黃駒者從地色黃亦據龍

中有黃色者用之不必純黃註云毀謂副辜候禳毀

除殃咎之屬者此文承子春之下不言玄謂當是子

春所解也案宗伯云副辜祭四方百物而引九門磔

禳又案小祝職云將事候禳皆是禱祈除殃咎非常

之祭用龍之類。凡祭祀共其犧牲以授充人繫之。註

故引以為證也。犧牲毛羽完具也授充人者當殊養之周景王時賓

起見雄雞自斷其尾曰雞憚其為犧○憚特凡祭

之○釋曰牧人養牲臨祭前三月授與充人繫養之

故云凡祭祀共其犧牲以授充人繫之○犧牲至

為犧○釋曰云犧牲毛羽完具也者云犧牲不云牲

則唯束純毛者而鄭云完具者祭祀之牲若直牲未

必純犧若犧則兼牲可知故鄭以完具釋犧云授充

人者當殊養之者牧人之牲未用祭者總在一處不

殊今將以祭者則殊別繫養之云周景王時者此春

秋左氏傳昭二十二年王子朝賓起有寵于景王王

與賓孟說之欲立之又云賓孟適郊見雄雞自斷其

尾問之侍者曰曰憚其犧也遽歸告王且曰雞其憚

為人用乎人異於是註犧者以喻人之有純德實宜

為君彼直云自憚其犧不云雞鄭以義增之耳引之

者證犧是純凡牲不繫者共奉之謂非時而祭祀

色之意也者謂非至祀者釋曰云不繫者謂若上文

者凡外祭毀事用尨可也是非時而祭祀者也

牛人掌養國之公牛以待國之政令公猶官也

至政令○釋曰云掌養國之公牛以待國之政令者

政令則諸侯所須牛及牧人之事則供送之也○

公猶官也○釋曰訓公為官者恐有公君之嫌但

王家之牛若公解之牛故須訓公為官是官牛也

祭祀共其享牛求牛以授職人而芻之鄭司農云

享牛前祭一日之牛也求牛禱於鬼神祈求福之牛

也玄謂享獻也獻神之牛謂所以祭者也求終也終

事之牛謂所以釋者也宗廟有釋者孝子求神非一

處職讀為機機謂之杙可以繫牛機人者謂牧人充

人與芻牲之芻牛人擇於公牛之中而以授養之職

戚音特或餘式反劉之式反註機同
釋音亦徐音夕杙餘式反劉餘則反
○釋曰云凡
祭祀者祭祀非一故亦言凡以廣之云享牛者謂正
祭之牛云求牛者謂釋祭之牛云以授職人而芻之
者謂授充人繫養者也○**註**鄭司至養之○釋曰先
鄭云享牛前祭一日之牛也者若以此為祭前一日
夕牲時而言仍是正祭牛則不應以正祭而云前祭
一日若不據祭祀以為齊時所食齊則十日不應惟
止一日而已其言無據故後鄭不從也云求牛禱於
鬼神祈求福之牛也者案上文凡牲不繫者共奉之
謂非時而祭則不繫之此經授職人繫之明非禱祈
非時祭者故後鄭亦不從也玄謂享獻也獻神之牛
謂所以祭者也者以其宗伯祭宗廟六者皆云享則
享是正祭可知破先鄭為前祭一日之牛也云求終
也終事之牛謂所以釋者也者今日正祭于廟明日
釋祭在門外之西室故鄭云孝于求神非一處以解
求牛為釋祭之牛也故郊特牲云祭于初尚曰求諸
遠者與是各釋祭為求也云職讀為機者凡官皆有

職直云職人無所指斥但職機聲相近誤為職故讀
從機充人置機入地之時機機然作聲故以聲名其
官也云機謂之杙者爾雅釋宮文郭註云槩也云機
人者謂牧人充人與者與疑辭疑之者凡牲堪祭祀
者則牛人選入牧人臨祭之前牧人乃授充人充人
乃繫養之今若即以機人為充人則隔牧人故連牧
人而言之明先鄭牧人乃至充人經據後而言之耳
云牛人擇於公牛之中而以授養之者鄭直言養之
者則養者之中還**凡賓客之事共其牢禮積膳之牛**
兼有牧人充人也

註牢禮殮養也積所以給賓客之用若司儀職曰主
國五積者也膳所以間禮賓客若掌客云殷膳太牢

○積子賜反**凡**賓至之牛○釋曰言凡賓客者謂
註同殮音孫**五**等諸侯來朝兼有臣來聘皆共牢
蓋積膳之牛也○**牢**禮至太牢○釋曰鄭知牢禮
養養者此一經皆謂致與賓客音下云饗食客走速
及古

賓之禮也案大行人掌客皆云上公殮五牢饗餼九牢五積侯伯殮四牢饗餼七牢四積子男殮三牢饗餼五牢三積積之多少各視殮牢其膳則五等諸侯皆大牢故云牢禮殮饗也云積所以給賓客之用者謂行道之用遺人所云者是也又引司儀職曰王國五積者據上公而言也云膳所以間禮賓客者謂賓客未去之間致禮也又引掌客云殷膳大牢饗食賓彼註云殷中也中間未去即是間禮賓客也

射共其膳羞之牛 **註** 羞進也所進賓之膳燕禮小臣

請執冪者與羞膳者至獻賓而膳宰設折俎王之膳

羞亦猶此 **○**食音嗣下文同冪 **註** 饗食至之牛 **○**釋

飲賓獻依命數食者亦亨太牢以食食禮九舉七舉

五舉亦依命數無酒獻酬耳皆在於廟以遠賓射者

謂大射及與賓客射丁朝天子諸侯射先行燕禮皆有殺俎故有牛也云共其膳羞之牛者謂獻賓時宰

夫所進俎是也 **○** **註** 羞進至猶此 **○** 釋曰引燕禮小

臣請執冪者與羞膳者至獻賓而膳宰設折俎者案

燕禮立賓後公卿大夫升就席小臣阼階下北面請

執冪者與羞膳者註云執冪者執瓦人之冪也方圓

壺無冪羞膳者羞於公謂庶羞云云至王人獻賓賓

西階上拜筵前受爵反位主人賓右拜送爵膳宰薦

脯醢賓升筵膳宰設折俎此王與賓饗及賓射設俎

時節及設人無文故云王之膳羞亦猶此也若然饗

食有牛俎至於射禮天子諸侯皆先行燕禮其牲猶

得有牛者但天子諸侯雖用燕禮直取一獻之禮未

旅而行射節其用牲則左傳云公當饗雖然燕禮亦

用牛與饗同若然云膳羞則庶羞也不言正俎之牛

者據庶羞而言 **軍事共其犒牛** **註** 鄭司農云犒師之

其實兼正俎矣 **註** 軍事共其犒牛 **○** 釋曰謂將師在軍

牛 **○** 犒苦報 **註** 犒犒之賜牛謂之犒牛也 **○** **註** 鄭司

反註同 **註** 至之牛 **○** 釋曰案左氏傳僖公三十三年秦師襲鄭

雖非已之軍師亦是犒
師之牛故引以為證也
喪事共其奠牛
謂殷奠遣

奠也喪所薦饋曰奠
○遺棄
凡會同軍旅行役共其兵車之牛與其

前無尸飲食宜奠停置于神前故謂之為奠朝夕之
奠無尊卑皆脯醢酒而已無牲體殷大也唯有小斂

大斂朔月月半薦新祖奠及遣奠時有牲體大遣奠
非直牛亦有馬牲耳故鄭云謂殷奠遣奠也鄭云喪

所薦饋曰奠
以無尸故也
凡會同軍旅行役共其兵車之牛與其

牽徬以載公任器
○牽徬在轅外輓牛也人御之居

其前曰牽居其旁曰徬任猶用也
○徬薄浪
凡會

器○釋曰會同軍旅兼言行役謂王行巡宇皆六軍
從也云共其兵車之牛者但兵車駕四馬之外別有

兩轅駕牛以載任器者亦謂之為兵車故云兵車之
牛也○釋曰云牽徬在轅外輓牛

也者上云兵車之牛據在轅內者別言與其牽徬故
云在轅外輓牛也若然轅外在前者曰牽在旁者曰

徬故鄭覆云人御之居其前曰牽居其旁曰徬言人
御之者以其在轅外將御為難故特言人御之也云

任猶用也者謂在軍
所須之器物皆是也

凡祭祀共其牛牲之互與其盆

簠以待事
鄭司農云互謂楅衡之屬盆簠皆器名

盆所以盛血簠受肉籠也玄謂互若今屠家縣肉格

○互劉音護徐音牙簠音奈
疏鄭司至肉格○釋

劉魯討反盛音成縣音玄
為一物後鄭已不從合以互與楅衡共一彌不可玄

謂互若今屠家縣肉格其義可知但祭祀殺訖即有

薦爛薦孰何得更以肉縣于互乎然當是始殺解體

未薦之時且縣于互待解訖乃薦之故得有互以縣

肉也故詩云或剝或亨或肆或

將註云肆陳也謂陳於互者也

周禮疏 卷之三十三 七 及古閣

充人掌繫祭祀之牲牲祀五帝則繫于牢芻之三月

牢閑也必有閑者防禽獸觸齧養牛羊日芻三月一

時節氣成疏充人至三月○釋曰云充人掌繫祭祀

牲言之也云祀五帝者上云掌繫祭祀之牲皆體牲具故以

養天地宗廟之牲下別言祀五帝則略舉五帝而已

其實昊天及地祇與四望社稷之等外神皆繫之也

○註牢閑至氣成○釋曰云牢閑也者校人養馬謂

之閑此養牛羊謂之為牢言閑見其閑衛言牢見其

牢固所從言之異其實一物也云必有閑者防禽獸

觸齧者案春秋有郊牛之口傷臄鼠食其角自外恐

更有禽獸觸齧故鄭總云焉云養牛羊日芻者此經

云繫于牢芻之惟據牛羊若犬豕則曰豢又不繫之

矣云三月一時節氣成者釋必以三月之意案宣二

年公羊云帝牲在于滌三月何休云滌宮名養帝牲

三年之處也三年者冬二一月取三月一時足以充

天牲是其三疏享先王亦如之疏享先王亦如之○釋

月之義也疏享先王亦如之疏享先王亦如之○釋

别于上故今以先王亦如疏凡散祭祀之牲繫于國門

之亦繫于牢芻之三月也疏凡散祭祀之牲繫于國門

使養之註散祭祀謂司中司命山川之屬國門謂城

門司門之官鄭司農云使養之使守門者養之○散

反註凡散至養之○釋曰云散祭之牲直言繫于

同疏國門使養之不言三月則或一旬之內而已

不必三月也案楚昭王問于觀射父曰芻豢牲則不

必三月其諸侯祭祀養牲幾何對曰遠不過三月近

不過浹日孔註云遠牛羊豕近犬雞之屬則諸侯祭

祀養牲亦得三月及旬則天子亦有浹日之義若然

此散祭祀亦可浹日而已○註散祭至養之○釋曰

鄭知散祭祀謂司中司命山川之屬者見上文陽祀

陰祀望祀皆云毛之社稷四望已入毛之科內下別

云凡時祀用牲物其中無社稷四望唯有天神司中

司命以上地神山川以下此散祭祀則上時祀之神也故知散祭祀是司中以下言之屬者其中兼有林澤百物之等也云國門謂城門司門之官者司門總主王城十二門而云司門之官者總官首而言之其養牲者實非司門自養則先鄭云使守門者養之是也

則告牲 **註** 鄭司農云展具也具牲若今時選牲也充

人主以牲牲告展牲者也玄謂展牲若今夕牲也特

牲饋食之禮曰宗人視牲告充舉獸尾告備近之

附近 **疏** 鄭司至近之。釋曰告鄭以為選牲時後之近 **疏** 鄭不從者若是選牲時應在牧人牧人選訖始付充人今既在繫養之下乃言展牲則告牲明非初選牲故不從玄謂展牲若今夕牲也者此舉漢法以况之又引特牲禮者以其天子禮亡故舉以言焉案彼宗人視牲告充亦謂祭前之夕夕牲時云舉獸

尾者士用兔腊言獸尾止謂兔也言近 **碩牲則贊** **註** 尾者士用兔腊言獸尾止謂兔也言近之者彼謂士禮引證天子法故云近之

贊助也君牽牲入將致之助持之也春秋傳曰故奉

牲以告曰博碩肥腍 **疏** 碩牲則贊。釋曰上經夕牲

謂君牽牲入廟卿大夫贊幣而從皆云博碩肥腍此

充人既是養牲之官當助持牛紉而牽之。 **註** 贊助

至肥腍。釋曰鄭知有君牽牲者見祭義云君牽牲

穆答君卿大夫序從天子亦當然又引春秋傳者此

春秋左氏傳楚武王侵隨隨少師請追楚師季良正

之曰天方授楚楚之羸其誘我也臣聞小之能敵大也小道大淫又云今民餒而君逞欲祝史矯舉以祭臣不知其可也公曰吾牲牲肥腍菜盛豐備何則不信對曰夫民神之主也是以聖王先成民而後致力於神故奉牲以告曰博碩肥腍謂民力之普存是其事也

地官司徒下

載師掌任土之灋以物地事授地職而待其政令

土者任其力勢所能生育且以制貢賦也物物色之

以知其所宜之事而授農牧衡虞使職之

釋曰此經與下經為目言任土之法者任謂任其力

勢所能生育即下經云墾里任國中之地以下是也

云以物色事者此文還於任其力勢而物色之知其

種植所宜何種云授地職者既知地勢所宜而授有

職事於地者云而待其政令者謂因其職事使其賦

貢即下經園廩二十而一以下是

釋曰云任土者任其力勢所能生育者力勢所能生

即下文物色是也云且以制貢賦也者地勢所能生

育本以字民但百姓足君孰與不足故因民以九職

制貢故云且以制貢賦也但地之所出唯貢而已口

率出錢及軍法乃名賦鄭并言賦者以民有地貢即

有錢賦及軍賦故鄭兼言賦也且禹貢地貢亦名賦

故云厥賦唯上上之等也云物物色之以知其所宜

之事者此言出於孝經緯故孝經緯援神契云五帝

藏神四瀆舍靈五土出利以給天下黃白宜種禾黑

墳宜種麥蒼赤宜種菽滂泉宜種稻所宜處多故鄭

云之屬也但草八所云物地者據觀形色布種所宜

故二處皆云物地也云而授農牧衡虞使職之者既

任

政令

國

以厘里

任國中之地以場圃任園地以宅田士田賈田任近

郊之地以官田牛田賞田牧田任遠郊之地以公邑

之田任甸地以家邑之田任稍地以小都之田任縣地以大都之田任疆地

釋

故書廛或作壇郊或爲高

稍或作削鄭司農云壇讀爲廛廛市中空地未有肆城中空地未有宅者民宅曰宅宅田者以備蓋多也士田者士大夫之子得而耕之田也賈田者吏爲縣官賣財與之田官田者公家之所耕田牛田者以養公家之牛賞田者賞賜之田牧田者牧六畜之田司馬法曰王國百里爲郊二百里爲州三百里爲野四百里爲縣五百里爲都杜子春云蒿讀爲郊五十里

爲近郊百里爲遠郊玄謂廛里者若今云邑里居與廛民居之區域也里居也圃樹果蓏之屬季秋於中爲場樊圃謂之園宅田致仕者之家所受田也士相見禮曰宅者在邦則曰市井之臣在野則曰草茅之臣士讀爲仕仕者亦受田所謂圭田也孟子曰自卿以下必有圭田圭田五十畝賈田在市賈人其家所受田也官田庶人在官者其家所受田也牛田牧田畜牧者之家所受田也公邑謂六遂餘地天子使大夫治之自此以外皆然二百里三百里其上大夫如

州長四百里五百里其下大夫如縣正是以或謂二
百里爲州四百里爲縣云遂人亦監焉家邑大夫之
采地小都卿之采地大都公之采地王子弟所食邑
也疆五百里王畿界也皆言任者地之形實不方平
如圖受田邑者遠近不得盡如制其所生育賦貢取
正於是爾以廛里任國中而遂人職授民田夫一廛
田百畝是廛里不謂民之邑居在都城者與凡王畿
內方千里積百同九百萬夫之地也有山陵林麓川
澤溝瀆城郭宮室涂巷三分去一餘六百萬夫又以

田不易一易再易上中下相通定受田者三百萬家
也遠郊之內地居四同三十六萬夫之地也三分去
一其餘二十四萬夫六鄉之民七萬五千家通不易
一易再易一家受二夫則十五萬夫之地其餘九萬
夫廛里也場圃也宅田也士田也賈田也官田也牛
田也賞田也牧田也九者亦通受一夫焉則半農人
也定受田十二萬家也食貨志云農民戶一人已受
田其家衆男爲餘夫亦以口受田如此士工商家受
田五口乃當農夫一人今餘夫在遂地之中如此則

日鄉遠之外其地既廣三等采地所受無多其餘地亦皆謂之公邑

士工商以事入在官而餘夫以力出耕公邑。甸稍縣都合居九十六同。八百六十四萬夫之地。城郭宮室差少。涂巷又狹。於三分所去六而存一焉。以十八分之十三率之。則其餘六百二十四萬夫之地。通上中下六家而受十三夫。定受田二百八十八萬家也。其在甸七萬五千家為六遂。餘則公邑。○廛直連反。場直良反。圃布古反。又音布。賈音古。註同。置居良反。吏為于。偽反。蕪力果反。州長丁丈反。後皆同。監古銜反。盡津忍反。者與音餘。麓音鹿。涂音徒。去起呂反。下**釋**曰。此一經論同。如此徐方二反。率音律。又音類。**釋**曰。此一經論任上之法。但天子畿內千里。中置國城。四面至置各五百里。百里為一節。封授不同。今則從近向遠發國

守為始也。但自遠郊百里之內。置六鄉。七萬五千家。自外餘地。有此廛里。以至牧田九等所任也。云以公邑之田。任甸地者。郊外曰甸。甸在遠郊之外。其中置六遂。七萬五千家。餘地既九等之人所受。以為公邑也。但自此以至畿疆四處。皆有公邑。故據此而言也。云以家邑之田。任稍地者。謂天子大夫各受采地。二十五里。在三百里之內也。云以小都之田。任縣地者。謂天子之卿。各受五十里。采地。在四百里。縣地之內也。云以大都之田。任置地者。謂三公及親王子母弟各受百里。采地。在五百里。置地之中也。各三百里。地為稍者。以大夫地少。稍稍給之。故云稍也。四百里。為縣者。以四百里。采地之外。地為公邑。主之者。尊卑如縣。正故司馬法亦名四百里。為縣也。五百里。為置者。以外畔至五百里。畿疆故以置言之。**釋**曰。故書至公邑。釋曰。云故書。廛或作壇。已下先鄭及子春等不從。故書者。以其壇與蒿。削義無所取。故也。鄭司農云。廛市中空地。未有肆。城中空地。未有宅。後鄭不從者。以其廛者。廛綿於中里。又訓為居。不得為空地。若空

地何因有二十而稅乎且司農又不釋里之與廛義
異故後鄭以為民居之區域與孟子五畝之宅及遂
人夫一廛一物解之也司農云民宅曰宅宅田以備
益多也者司農意以宅本一夫受一區恐後更有子
弟國中不容故別受宅田於近郊以備於後子弟益
多出往居之後鄭不從者依士相見禮致仕者有宅
在國宅在野二者依彼稱宅與此宅田文同故不從
先鄭依彼解之司農云士田者士大夫之子得而耕
之田也後鄭不從者以此士字言之不得兼大夫又
禮記士之子不免農大夫之子免農矣不得為大夫
子得而耕之田故後鄭破此士為仕仕謂卿大夫已
下仕宦得田依孟子圭田解之司農云賈田者吏為
縣官賣財與之田後鄭不從者依周禮之內云賈人
者皆仕在官府史之屬受祿於公家何得復受田乎
故後鄭以為賈人其家所受田也司農云官田者公
家之所耕田後鄭不從者下云近郊十一皆據此士
官田之等若官田是公家所耕何得有稅乎故後鄭
以為府史之等仕在官家人所受田也司農云牛田

者以養公家之牛後鄭不從者若是養公家牛何得
下文有稅故後鄭亦為牛人之家所受田也司農云
賞田者賞賜之田此即夏官司勳云賞田一也故後
鄭從之司農云牧田者牧六畜之田司農意此即牧
人掌牧六牲者也後鄭不從者若是牧人牧六牲則
是公家放牧之地何得下文有稅乎故後鄭亦云牧
人家人所受田也司農引司馬法已下者證經遠郊
百里四百里為縣五百里置置即都一也無取於州
與野之義連引之耳子春云五十里為近郊後鄭義
亦然故書序云周公既沒命君陳分正東郊成周鄭
註云天子之國五十里為近郊今河南洛陽相去則
然是近郊五十里之驗也子春又云遠郊百里此與
司馬法同故後鄭從之也玄謂里居也案爾雅釋言
云里邑也今云里居者但里居城邑之中故爾雅云
里邑不謂訓里為邑故鄭云里居也云圃樹果蒞之
屬者此謂田首之界家有二畝半以為井竈葱蒞者
故得種樹果蒞之屬云季秋於中為場者七月詩云
九月築場圃是也云樊圃謂之園者太宰九職有園

園毓草木并園言之詩折柳樊圃故云樊圃謂之園也引士相見者破先鄭以爲宅田爲民宅之義也云士讀爲仕者後鄭之意單士恐不兼卿大夫故破從仕官之仕云所謂圭田也者所謂王制夫圭田無征復是殷法故圭田無稅入天子法故言無征此是周法故有近郊十一而稅引孟子者證圭田卿大夫士皆有之義也云賈田已下至畜牧者之家所受田也者皆是不從司農之義云公邑謂六遂餘地者欲見六鄉之外有九等之田無公邑之意云天子使大夫治之者以其四等公邑非鄉遂又非采地不見有主治之以司馬法云二百里曰州四百里曰縣言之故知天子使大夫治之也云自此以外皆然者以太宰九賦有邦甸家稍邦都之賦非采地是公邑可知又三百里以外其地既廣三等采地所受無多故唯九十三國明自外皆是餘地爲公邑也若然是公邑之地有四處也云二百里三百里其大夫如州長四百里五百里其大夫如縣正者此約司馬法二百里曰州四百里曰縣而言則從二百里向外有四百里二

百里爲一節故二百里三百里大夫治之尊卑如州長中大夫也四百里五百里尊卑如縣正下大夫也云是以或謂二百里爲州四百里爲縣云者此還據司馬法而言無正文約與彼同故言或又言云以疑之也云遂人亦監焉者案遂人云掌野鄭云郊外野大總言之則自百里外置六遂爲野自百里外至五百里畿皆曰野莽以彼下又云夫間有遂云云而言以事于畿但鄉遂及公邑皆爲溝洫法是以遂人亦監焉云家邑大夫之采地小都卿之采地大都公之采地者此經有家邑小都大都之文小司徒有四丘爲甸四甸爲縣四縣爲都彼據稅入天子而言此總據采地大小而言則家邑二十五里大都百里通治溝洫及澮而言也云王子弟所食邑也者王子弟者據春秋之義兄言弟者皆王之同母弟則母弟與王之庶子與公同食百里地在疆稍疏者與卿同食五千里地在縣又疏者與大夫同食二十五里地在稍故在下別言王子弟所食邑云皆言任者地之形實不方平如圖者上經註任土者任其力勢所能生育

彼并言土故云任言任其生育此經皆單言任故以
任其曲直高下形實解之言任義得兩舍也云受田
邑者遠近不得盡如制者地既不可方平如圖明受
田受邑者不得盡如制制還是圖也云其所生育賦
貢取正於是耳者此鄭還釋任義非直任其形實兼
解任其生育貢賦取正也是以上註云任其生育且
以制貢賦也云以廛里任國中而遂人職受民田夫
一廛田百晦引之者覆破司農謂廛爲空地故云是
廛里下謂民之邑居在都城者與言正是民之邑居
在都城者并解之也云凡王畿內方千里者據大司
徒大司馬皆云王畿千里而言也云積百同者王畿
千里開方之方千里爲方百里者百里爲一同故
五積百同云九百萬夫之地也者一同百成九百
夫十成九千夫百成九萬夫百同故九百萬夫之地
也云有山陵林麓川澤溝瀆城郭宮室塗巷三分去
一餘六百萬夫者案大司徒註積石曰山大阜曰陵
注瀆曰川水鍾曰澤爾雅釋山山足曰麓此瀆非四
瀆其溝亦非田間廣深四尺之溝直是通水之溝瀆

也城謂方十二里郭謂郭宮室謂城郭之內宮民
宮室塗巷謂城內九經九緯及民間街巷之等三分
去一謂九百萬夫之中三分去一故云餘六百萬夫
也案洛邑千里之中山林之等多於平地而鄭以三
分去一據大較而言也云又以田不易一易再易上
中下相通者此相通三家受六夫之地也云定受田
者三百萬家也者亦據六百萬夫相通而言也云遠
郊之內地居四同三十六萬夫之地也者以其遠郊
百里內置六鄉四面相距二百里二而四故四同
每同有九萬夫四九三十六故知三十六萬夫之地
云三分去一其餘二十四萬夫者前文總據畿內方
千里三分去一此更據四同之內山陵之等三分去
一故其餘二十四萬夫也云六鄉之民七萬五千家
者鄉有萬二千五百家六鄉故七萬五千家云通不
易一易再易一家受二夫則十五萬夫之地者此亦
相通而言也云其餘九萬夫者據二十四萬夫除十
五萬夫故餘九萬夫也云廛里已下至半農人也鄭
意九者未必各整萬家以大抵九者各爲萬家解之

據整數而言耳云亦通受一夫焉者其中亦有不易
 一易再易相通而各受一夫焉云半農人也者農人
 相通各受二夫之地此受一夫故云半農人也云定
 受田十二萬家也者此鄭總計六鄉七萬五千家此
 九者二夫為一夫九萬為四萬五千四萬五千添七
 萬五千為十二萬夫據實受地為定數故云定也云
 食貨志云農民戶一人已受田其家眾男為餘夫亦
 以口受田如此引之者證六鄉七萬五千家以七
 夫為計餘子弟多三十壯有室其合受地亦與正夫
 同故遂人云夫一廬田百畝餘壯亦如之是其餘眾
 男為餘夫亦以口受田如正夫之比類若然案孟子
 云圭田五十畝餘夫二十五畝彼餘夫與正夫不同
 者彼餘夫是年二十九已下未有妻受口田故三十
 五畝若三十有妻則受夫田百畝故鄭註內則云三
 十受田給征役鄉大夫註亦云有夫有婦乃成家何
 休亦云一夫一婦受井田百畝云士工商家受田五
 口乃當農夫一人者此謂士與工商之家丈夫成人
 受田各受一夫則上云半農人者是也其家內無丈

夫其餘家口不得如成人故五口乃當農夫一人矣
 云今餘夫有遂地之中者謂百里內置六鄉以九等
 受地皆以一夫為計其地則盡至於餘夫無地可受
 則六鄉餘夫等並出耕在遂地之中百里之外其六
 遂之餘夫並亦打遂地之中受田矣故總云今餘夫
 在遂地之中也云如此則士工商以事入在官而餘
 夫以力出耕公邑者案食貨志士農工商四民有業
 學以居位曰士闢上殖穀曰農作巧成器曰工通財
 粥貨曰商聖王量能授事四民陳力授職故地無曠
 土又云農民戶一人已受田其家眾男為餘夫亦以
 口受田如此又云士工商家受田五口乃當農夫一
 人此謂平土可以為法又見齊語管子對桓公亦云
 昔者聖王處士以閑燕處工就官府處商就市井處
 農就田野皆云少而習焉其心安焉據此二文皆有
 四民但民農已於上鄉遂公邑受地故此唯說士工
 商三者也其身得祿免農其子不免農故禮記問士
 之子長曰能耕矣大夫已上之子則免農矣故禮運
 云大夫有田以處其子孫然士既有祿沾及子余故

其家田亦五口乃當農夫一人也其工商比農民為賤故其家人亦五口乃當農夫一人此工商則與上賈人別彼賈人仕在官若府史但異名耳此工商有事時復為官所使故云以事入在官云餘夫以力出耕公邑者還是五口之內有丈夫非士工商之身即曰餘夫百里內既置六鄉及九等無地可居故知亦出耕公邑也云甸稍縣都合居九十六同八百六十四萬夫之地者經有任甸稍縣都遠郊之內已入六鄉與九等故此特據甸地已外至五百里但王畿千里總計有百同已取四同為百里內故餘有九十六同同有九萬夫百同則九百萬夫其中除四同三十六萬夫故餘為百十六同八百六十四萬夫之地也云城郭宮室至差少涂巷又狹者鄭欲解於三分所去而存一之意但百里之外雖有公邑采地城郭宮室以十八分之內為狹少耳云於三分所去六而存一焉六不存一今於此三分所云之中六內而存取其一則十八分之十三率之是也言十八分之十三率之

者若去六而存一則十八分之三十六十八去一分有十二存今於所去六中存取其一以益十二則所去者五所存者十三故云十八分之十三率之也案張逸問註十八分之十三率之何謂鄭答曰六鄉之民上地不易家百畝一易家二百畝再易家三百畝相通三夫六百畝六遂之民上地家百畝萊五十畝中地家百畝萊百畝下地家百畝萊二百畝相通三夫而六百五十畝以三分去一之法當餘十二遂地以有五十分畝萊於三分去一乃得十三若據此而言則於三分所去六而存一唯據上地有萊五十畝而言而鄭云城郭宮室差少涂巷又狹者但六而存一指據六夫受十三夫地而言今言城郭少涂巷狹者鄭意遠郊外上地有萊五十畝故言於城郭少涂巷狹中出此萊地焉云則其餘六百二十四萬夫之地通上中下六家而受十三夫定受田二百八十八萬家也者三分所去六而存一之法即於同上計之先取九十同更別借取九十同添為百八十同是十八分之十三率之所得者百三十所去者五十向者借半

今於百三十中還半餘有六十五同存仍有六同未
 分於六同別借取十二同添六為十八同三分所去
 六而存一則得十三同所去者五同向借十二同是
 三分借二分今還他二分則十三同中取十二同還
 他八同得四同一同者分為九萬夫還他六萬夫得
 三萬夫將此四同三萬夫添前六十五同總為六十
 九同三萬夫矣一同九萬夫取六十同六九五十四
 為五百四十萬夫又有九同同有九萬夫九九八十
 一又為八十一萬夫通前三萬夫為八十四萬夫又
 添五百四十萬夫總為六百二十四萬夫之地故云
 十八分之十三率之則其餘六百二十四萬夫也云
 上中下者上地家百畝萊五十畝中地家百畝萊百
 畝下地家百畝萊二百畝云六家而受十三夫者以
 上地有萊五十畝故三夫受六夫半六夫受十三夫
 矣云定受田者二百八十八萬家也者以六家受十
 三大則六十萬家受百三十萬夫百二十萬家受二
 百六十萬夫之地又倍之二百四十萬家受五百二
 十萬夫之地餘有四十八萬家於上借十二萬家為

六十萬家是五分借一整數計之則六十萬家受百
 三十萬夫之地向五分借一今還五分除一六十除
 十二餘有四十八萬家在在亦五分除一百三十除
 二十六萬夫餘有一百四萬夫地在將此四十八萬
 家添前二百四十萬為二百八十八萬家又將此一
 百四萬夫地添前五百二十萬夫總為六百二十四
 萬夫矣云其在甸七萬五千家為六遂餘則公邑者
 鄭總計畿內遠郊之外說別更計二百里之中者以
 三百里已外封三等采地采地多少不定不可計其
 六遂與六鄉相對故特計之以其六遂家數與六鄉
 相似但六鄉之內餘地有九等所居六遂餘地無九
 等故以餘地為公邑也但邦畿千里唯民所止若東
 都地中言之東面雖有平地至於三面山林雜有今
 鄭所計雖三分去一豈有二分平土乎且六鄉之民
 猶可以數計之其九等之地豈各萬夫為定凡任地
 乎但鄭欲以開悟後人聊以整數為算法耳

國宅無征園廬二十而一近郊十一遠郊二十而三

漆林自然所生非人力所作
稅特重亦以抑末作

甸稍縣都皆無過十二唯其漆林之征二十而五

征稅也言征者以共國政也鄭司農云任地謂任土

地以起稅賦也國宅城中宅也無征無稅也故書漆

林為漆林杜子春云當為漆林玄謂國宅凡官所有

宮室吏所治者也國稅輕近而重遠近者多役也園

廩亦輕之者廩無穀園少利也古之宅必樹而置場

有瓜○漆本又凡任地至十而五○釋曰上經言

之事云國宅無征者征稅也謂城內官府治處無稅

也云園廩至任國中之一者園即上經場圃任園地廩即

上經廩至任國中之一者園即上經場圃任園地廩即

云近郊十一者即上經宅田上田賈田任在近郊者

同十一而稅也云遠郊二十而三即上經官田牛田

賞曰牧田行遠郊之地同二十而稅三也云甸稍縣

都皆無過十二者即上經公邑之田任甸地已下至

任置地四處皆無過十而稅二但此四處出稅不同

據上文直言公邑之田任甸地則甸地之中兼有六

途矣其稍縣都上文推言家邑小都大都三等采地

為井田助法不見公邑則三者之中皆有公邑故上

計云自此已外皆然若然則此云十二者除三等采

地而言以其鄉遂公邑皆為夏之貢法故也云漆林

之征二十而五者上之三等為輕近重遠法此漆林
之稅特重以其漆林自然所生非人力所作故也○
征稅至有瓜○釋曰司農云國宅城中宅也無征
無稅也者先鄭意廩既為空地非民宅則此國宅城
中宅謂民宅也後鄭意以廩里既為民
宅則此國宅非民宅是以為官府治事處解之玄謂
國宅凡官所有宮室吏所治者也者吏即卿大夫等
則匠人云外有九室九卿治之是也故無征也云周
稅輕近而重遠近者多役也者以其城內及城外近

城者給公家使役多於稅上輕而優之遠城者役少故於稅上重而苦之故不依十一而稅唯近郊之內當十一耳云園廩亦輕之者廩無穀園少利也若以其廩則五畝之宅在國中則孟子云五畝之宅樹之以桑麻是廩無穀也園少利者此園則百畝田畔家各二畝半以為井竈種葱韭及瓜是園少利故亦輕之云古之宅必樹者即孟子桑麻是也云壘場有瓜者是信南山詩云中田有廬壘場有瓜鄭云中田田中作廬以便其事於其畔種瓜瓜成又入其稅天子剝削淹漬以為菹獻之皇祖是其園廩皆有稅之事也異義第五田稅今春秋公羊說十一而稅過於十大桀小桀減於十一大貉小貉十一稅天子之正十一行而頌聲作故周禮國中園廩之賦二十而稅一近郊十二稅一遠郊二十而稅三有軍旅之歲一井九夫百畝之賦出禾二百四十斛芻秉二百四十六金米十六斗案公羊十一稅遠近無差漢制收租田有上中下與周禮同義玄之聞也周禮制稅法輕近而重遠者為民城道溝渠之役近者勞遠者逸故

也其授民田家所養者多與之美田所養者少則與之薄田其調均之而足故可以為常法漢無授田之法富者貴美且多貧者賤薄且少美薄之收不通相倍從而上中下也與周禮同義未之息也又周禮六篇無云軍旅之歲一井九夫百畝之稅出禾芻秉金米之事何以得此言乎若然周禮稅法據王畿公羊稅法據諸侯邦國諸侯邦國無遠近之差者以其國地狹少役賦事暇故無遠近之差也

毛者有里布凡田不耕者出屋粟凡民無職事者出

夫家之征鄭司農云宅不毛者謂不樹桑麻也里

布者布參印書廣二寸長二尺以為幣貿易物詩云

抱布買絲抱此布也或曰布泉也春秋傳曰買之百

兩一布又廩人職掌斂市之次布儻布質布罰布廩

布謂口率出泉漢法曰
夫三為屋屋粟三夫
之稅粟也

不閭師四業畜也耕也樹
也

布孟子曰廬無夫里之布則天下之民皆說而願為
 其民矣故曰宅不毛者有里布民無職事出夫家之
 征欲令宅樹桑麻民就四業則無稅賦以勸之也故
 孟子曰五畝之宅樹之以桑則五十者可以衣帛不
 知言布參印書者何見舊時說也玄謂宅不毛者罰
 以一里二十五家之泉空田者罰以三家之稅粟以
 其吉凶二服及喪器也民雖有間無職事者猶出夫
 稅家稅也夫稅者百畝之稅家稅者出土徒車輦給
 繇役

繇役

○僂劉音讒徐才鑿反皆說音悅今力呈反以衣於既反下同間音閉

疏

凡宅至之征○

釋曰以草木為地毛民有五畝之宅廬舍之外不樹
 桑麻之毛者罰以二十五家之稅布謂口率出泉漢
 法口百二十也云凡田不耕者出屋粟者夫三為屋
 民有百畝之田不耕墾種作者罰以三大之稅粟云
 凡民無職事者出夫家之征者此則大宰間民無常
 職轉移執事之人雖不事當家田宅無可賦稅仍使
 出夫稅家稅之征以勸之使樂業也○鄭司至繇
 役○釋曰先農云不毛者謂不樹桑麻據孟子為說
 也云里布至抱此布此說非故先鄭自破之也云或
 曰布泉以下至廬布此說合義也云春秋傳曰買之
 百兩一布此昭公二十六年左氏傳文案彼文齊侯
 以師欲納昭公申豐從女賈以幣錦二兩以適齊師
 謂子猶之人高齋能貨子猶為高氏後高齋以錦示
 子猶子猶欲之齋曰魯人買之百兩一布杜註云言
 魯人買此甚多布陳之以百兩為數杜以為布為陳
 不為布泉此先鄭以彼布與此布及外府邦布皆為
 泉與杜義異也云廬人職掌斂市之次布已下彼註
 先鄭云次布列肆之稅布總布後鄭云總謂如租稔

之穗穗布謂守斗斛銓衡之布質布謂質人所罰犯
質劑者之布罰布者謂犯市令者之泉塵布者質賄
諸物邸舍之稅彼諸布皆是泉故引以為證也引孟
子塵無夫里之布亦謂口率出泉宅不毛無一里之
罰布天下民願為之民矣云欲令民就四業則無稅
賦以勸之者案閭師四業畜也耕也樹也蠶也或說
以四時之業也玄謂宅不毛者罰以一里二十五家
之泉者此就足司農之義空田者罰以三家之稅粟
者以夫三為屋以三夫解屋也云以共吉凶二服及
喪器也者案鄉師職云比共吉凶二服閭共祭器族
共喪器黨共射器州共賓器但射器賓器等為國行
禮故出官物為之惟吉凶二服及喪器是民自共用
不可出官物比族主集此罰物為之故鄭唯據此
二事而云夫稅者百畝之稅知者以家稅為士
徒故夫之田所稅粟也云家稅者出土徒車
庶及馬牛車輦故知家稅是士徒車輦也趙商問載
師職凡宅不毛乃罰以一里布田不耕者罰屋粟商

以田不耕其罪莫重宅不毛其罰當輕宅不毛乃罰
以二十五家之布田不耕則罰之三夫之稅粟未達
罰之云為之旨輕重之差鄭答此法各當以時徵其
罰其事於當其有故何以假他輕重乎以時徵其
賦疏以時徵其賦○釋曰閭師徵斂六卿之賦貢遂
師旅師斂六遂已外之賦貢自有常官但徵斂
事重以載師既掌畿內地事因亦徵其賦相左右也
案下閭師註賦謂九賦及九貢則此賦貢含有也至
於里布屋粟及閭民夫家之征亦可徵之

閭師掌國中及四郊之人民六畜之數以任其力以待
其政令以時徵其賦
註國中及四郊是所主數六鄉

之中自廛里至遠郊也掌六畜數者農事之本也賦

謂九賦及九貢
疏閭師至其賦○釋曰閭師徵斂百
里內之賦貢故云掌國中及四郊

之人民及六畜之數以其人民是出賦之數其六畜是營作之本故須知數也云以任其力者謂以人民六畜任使其力也云以待其政令者政令謂賦役皆是也○以時徵其賦者賦貢所徵當順其四時故云以時也○**註**國中至尤貢○釋曰云國中及四郊是所主數者以其六鄉之民居在國中及四郊其政教自有鄉大夫以下施之今閭師主徵斂直知其人數而已故云是主數也云六鄉之中自廛里至遠郊也者此鄭重解國中及四郊之義據上文廛里至任遠郊之地其中含有六鄉七萬五千家故鄭指六鄉而言也云掌六畜數者農事之本也者六畜謂馬牛羊豕犬雞則惟牛可為農事而鄭總云農事之本者羊馬犬雞雖不用為農事皆是人之相資藉以為用故總入農事之中是以閭師主徵斂亦總知其數也云賦謂九賦者案下文陳貢故知賦中兼有貢經直言賦者以賦為主耳賦謂口率出泉若然案太宰九賦從邦中以至幣餘為九等此國中及四郊於九賦之中惟有二賦而言九賦者亦大總而言也其九貢又與

圖其地產而貢之

太宰別彼九貢者與小行人春入貢為一謂諸侯之九貢即太宰九職之貢與小文貢九穀之等是一也
凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物

任虞以澤事貢其物

註貢草木謂葵韭果蔬之屬飭○

音勅以畜許

疏

凡任至其物○釋曰案太宰以九職六反下同

事必有功有功即有貢故此論貢之法也言凡任民謂任使萬民使出貢與下為目云任農以耕事貢九穀者案太宰職云一曰三農生九穀故此還使貢九穀九穀之數太宰已註訖云任圃以樹事貢草木者太宰云二曰圃毓草木故還使貢草木謂菜蔬果蔬之屬云任工以飭材事貢器物者太宰云五曰百

工飭化八材故八材飭治以為器物故此還使貢之也云任商以市事貢貨賄者太宰云六曰商賈阜通貨賄故還使貢貨賄也云任牧以畜事貢鳥獸者太宰云四曰數牧養蕃鳥獸故還使貢鳥獸也云任嬪以女事貢布帛者太宰云七曰嬪婦化治絲枲故還使貢布帛女即彼嬪婦也云任衡以山事貢其物者太宰云三曰虞衡作山澤之材材即物也以其山澤所出物多故云物若禹貢云海物然也序官山澤稱虞川林稱衡此文云任衡以山事山不稱虞者欲見山中可以兼川林亦貢物故互見為義也此文次第與大宰不同者彼依事大小為次此不依彼為次者欲見事無常故也且彼有九職仍并山澤為一此文分山澤為二唯有八者任九職有臣妾及間民此無者以周公設經任之則有臣妾使得自生若貢稅則無以其聚斂疏材無可稅故也其間民載師已見出夫家之征故於此不言之矣其分山澤為二者以山澤山貢不同故分為二以充八通間民為九耳○**註**貢草至之屬○**釋**曰案大宰註疏材百草根實與此

計不同者但百草根實即葵**凡無職者出夫布****註**獨非果蕨百草中可以兼木矣**凡無職者出夫布****註**獨言無職者掌其九賦**疏**凡無至夫布○**釋**曰無職非民無常職轉移執事者也轉移執事即是有職而言無職者為有職者執事當家塵地不事即無職也云出夫布者亦使出一夫口稅之泉也○**註**獨言至九職○**釋**曰云獨言無職者掌其九賦者上皆論貢不言賦惟此無職之人言夫布夫布即賦也以其掌九賦者上雖直云貢九賦亦掌之故云掌其九賦案劉琰問載師職云凡民無職事者出夫家之征閭師職云凡無職者出夫布夫家之征與夫布其異如何鄭答云夫家之征者田稅如今租矣夫布者如今算斂在九賦中者也以此言之若今租即夫布征不得兼言家鄭連言家挾句耳劉琰又問閭師職云屯任民任農以耕事貢九穀下至任虞凡八貢不道九賦下言凡無職者出夫布註云獨言無職者掌其九賦若此者豈上八貢者復出八賦與無職所出夫布凡為九

將自布賦不同重計八貢未之能審也鄭答曰讀天宮冢宰職則審矣無職在九賦中今此不言其餘獨言此者此官掌斂賦嫌無職者不審出算故言耳鄭云讀天官冢宰則審者案冢宰職九賦九賦別九賦自邦中以至邦都六也加以關市山澤及幣餘為九九職不言服數或一服之中而有職安得八賦依八貢出之乎言審矣者審八賦不依九職為九可知故云審矣若然無職在賦中其句下讀為義不連於上也欲明無職之人非直在九職中亦在九賦中故云無職在九賦中也

凡庶民不畜者

祭無牲不耕者祭無盛不樹者無棹不蠶者不帛不

績者不衰註掌罰其家事也盛黍稷也棹周棺也不

帛不得衣帛也不衰喪不得衣衰也皆所以恥不免

○衰七回註凡庶至不衰○釋曰云庶人不畜者祭反無牲者案孟子云庶人五母雞二母彘

無失其時是以不畜者當罰之故死後祭無牲也庶人用牲之法若王制云韭以卵麥以魚黍以豚稻以鴈註云庶人無常牲取以新物相宜而已是也云不耕者祭無盛者黍稷曰盛耕者所以殖黍稷今情農自安不殖黍稷故死後祭之無盛也云不樹者無棹者庶人五畝之宅樹以桑麻今宅不毛非直罰以里布死後又無五之棹也云不蠶者不帛者蠶則得帛孟子云五十可以衣帛以不蠶故身不得衣帛云不績者不衰者緝績者得布其衰裳以布為之其婦人不績其麻者死則不為之著衰裳以罰之也

縣師掌邦國都鄙稍甸郊里之地域而辨其夫家人民

田萊之數及其六畜車輦之稽三年大比則以攷羣

吏而以詔廢置註郊里郊所居也自邦國以及四郊

之內是所主數周天下也萊休不耕者郊內謂之易

郊外謂之萊善言近○此毗志**疏**縣師至廢置○釋

外諸侯言都鄙據畿內五百里四百里大都小都言

稍據三百里家邑言甸據二百里六遂言郊里據從

遠郊至國中六鄉之民也從外向內而說之言地域

者從邦國至六鄉各有地域廣狹云而辨其夫家人

民田萊之數者夫家猶言男女人民謂奴婢田萊見

田及荒不耕者之萊其數皆知故云之數也云及其

六畜車輦之稽者六畜馬牛羊豕犬雞車所以駕馬

輦人挽行之稽計也謂所計之數皆知之云三年大

比則以攷羣吏而以詔廢置者古云亦三年一大案

且戶口則考按民之羣吏按其功過以詔告在上

有功者置之以進爵位有過者廢退之○詔郊里至

言近○釋曰云郊里郊所居也者謂六鄉之民布在

國中外至遠郊故有居在郊者也案遺人云鄉里之

委積又云郊里之委積彼云鄉里據國中云郊里據

在郊與此同也必知鄉民有居在郊者見比長公徙

于國中及郊則從而授之若徙于他則為之旌節而

行之國中及郊不云他郊與國中同是鄉民也云

自邦國以及四郊之內是所主數者其義若閭師耳

云周天下也者邦國則六服四郊則兼國中故云周

徧天下也云萊休不耕者詩云田卒汗萊註云下者

汗高者萊是萊謂草萊之萊若上地萊五十畝之類

也云郊內謂之易郊外謂之萊善言近者郊外言萊

即此經田萊據郊而言遂人亦云萊五十畝百畝之

類是萊是草萊穢污之稱也郊內謂之易無文案大

司徒云凡造都鄙制其地或云上地不易中地一易

下地再易司徒主六鄉則六鄉之地從易可知不言

萊直言易者善言近也若將有軍旅會同田役之戒則受灋于

司馬以作其衆庶及馬牛車輦會其車人之卒伍使

皆備旗鼓兵器以帥而至受灋于司馬者知所當

徵衆寡○卒子**疏**若將至而至○釋曰云若將有軍

旅者言若謂若有若無不定之辭

將有謂事未至軍旅謂征伐會同謂時見殷見田役謂四時田獵之戒者謂有此數事則豫戒令之云受法于司馬者司馬主將事故先於司馬處受出軍多少及法式也云以作其眾庶者謂於司馬處得法乃作起其庶眾已下云會其車人之卒伍者謂會合車人則百人為卒五人為伍車亦有卒伍云使皆備旗鼓兵器者旗謂若司馬云秋辨旗物王載大常已干鼓謂司馬云春辨鼓鐸王執路鼓已下兵器謂弓矢及矛戈戟也以帥而至者鄉師云以旗致萬民此云而至者謂帥而至鄉師也

凡造都邑

量其地辨其物而制其域註物謂地所有也名山大

澤不以封音良**凡造**其域釋曰言造都謂大

家邑二十五里大都百里小都五十里也云辨其物者三等之地所有不同云制其域者域即疆域大小是也釋曰云物謂地所有也若若地物無所有不得耕墾若山澤者不授之故引王

制云名山大澤不以封也**以歲時徵野之賦貢**註野謂甸稍縣都

也所徵賦貢與閭師同疏以歲至賦貢釋曰以郊

野所有賦貢縣師徵之遂師旅師斂之故云徵野之賦貢註野謂至師同釋曰知野含有甸稍縣都

者以其縣師并掌天下既邦國與畿內不同明野中唯含有此四者也云所徵賦貢與閭師同者但閭師徵六鄉賦貢并斂之此縣師所征四處賦貢與閭師同若徵野之賦貢是遂師旅師也故直云徵之同明斂則異也

遺人掌邦之委積以待施惠鄉里之委積以恤民之難

阨門關之委積以養老孤郊里之委積以待賓客野

鄙之委積以待羈旅縣都之委積以待凶荒註委積

者廩人倉人計九穀之數足國用以其餘共之所謂
餘法用也職內邦之移用亦如此也皆以餘財共之
少曰委多曰積鄉里鄉所居也難阨猶困乏也門關
以養老孤人所出入易以取饋廩也羈旅過行寄止
者待凶荒謂邦國所當通給者也故書難阨作攢阨
羈作寄杜子春云攢阨當爲難阨寄當作羈
音遂施惠式鼓反後施惠皆同廩遺人至凶荒○
良甚反易以鼓反攢音難又音謹釋曰此官主施
惠故掌邦之委積以待施惠此與下爲總目也云鄉
里之委積以恤民之難阨者此下數者皆謂當年所
稅多少總送帳於上在上商量計一年足國用外則
隨便留之以爲恤民之難阨之等也難阨謂年穀不

○遺唯
李反劉

熟民有困乏則振恤之云門關之委積以養老孤者
門謂十二國門關十二關門出入皆有稅所稅得者
亦送帳多少足國用之外留之以養老孤故司門云
以其財養死政之老與其孤註云財所謂門關之委
積也是其所留之財也云鄉里之委積以待賓客者
里居也郊民所居即六鄉之民所居郊者其委積留
之以待賓客者其賓客至郊與主國使者交接因即
與之廩餼使欲以待賓客也云野鄙之委積以待羈
旅者上既言郊里據遠郊則此野鄙據六遂在郊外
曰野六遂中有五百家鄙故以鄙表六遂耳則野鄙
中可以兼得公邑在甸地者也旅客也謂客有羈繫
在此未得去者則於此惠之但羈旅處處皆有獨於
此見惠者但甸地在二百里中於外內有羈旅皆得
取之故獨見於此也云縣都之委積以待凶荒者縣
謂四百里都謂五百里不見稍三百里則縣都中可
以兼之凶荒謂年穀不熟則曲禮云歲凶年穀不登
是也特於此三處見凶荒者凶荒則畿內畿外皆有
若畿外凶荒則入向畿內取之畿內凶荒則向畿外

取之是以鄭君通給解之故於近畿三百里之外言待凶荒之事也。○**註**委積至為羈。○釋曰倉人主藏穀廩人主藏米自計九穀之物以待邦用若穀不熟則止文案倉人云辨九穀之物以待邦用若穀不熟則止餘法用有餘則藏之以待凶而頒之註止猶殺餘法用委道路之委積所以豐優賓客之屬又案廩人云掌九穀之數以待國之分頒謂若委人之職諸委積以稍聚待賓客以旬聚待羈旅是廩人亦云委積若然穀不足止餘法用則此鄉里已下皆無入委積之事故云止餘法用也雖無新物以入委積其舊委積所藏者則給糶阨老孤之等故倉人云藏之以待凶而頒之掌客云凶荒則殺禮者謂除道路委積之外也云職內邦之移用亦如此也者職內所云亦謂本司所用有餘乃移於他處故云亦如此也云少曰委多口積者據此文三十里言委五十里言積相對而言若散文則多亦曰委委人所云薪蒸亦曰委是也云糶阨猶困乏也者案書傳云行而無資為之乏居而無食謂之困**凡賓客會同師役**

掌其道路之委積凡國野之道十里有廬廬有飲食三十里有宿宿有路室路室有委五十里有市市有候館候館有積**註**廬若今野候徒有序也宿可止宿

若今亭有室矣候館樓可以觀望者也一市之間有

三廬一宿。○序劉**疏**凡賓至有積。○釋曰上經委積

陳委積據會同師役行道所須故分布於道路遠處須多故有積近處須少故有飲食及委也。○**註**廬若

至一宿。○釋曰云廬若今野候徒有序也者此舉漢法以况義漢時野路候迎賓客之處皆有房舍與廬

相似云宿可止宿若今亭有室矣者案漢法十里有亭亭有三老人皆有宮室故引以為况也云一市之

間有三廬一宿者十里二十里有廬三十里有宿四

十里又有一廬五十里有市是其一市之間三廬一

宿凡廬有四義十里有廬一也中田有廬二也易剝之上九云君子得輿小人剝廬註云小人傲狠當剝徹廬舍而去三也公劉詩云於待廬旅鄭云廬舍安民館舍施教令四也

凡委積之事巡

而比之以時頒之疏 凡委積至頒之。釋曰言凡委積上二文委積之事是也以時

頒之則以... 待者是也

昔今亭... 亦今亭... 亦今亭... 亦今亭...

三十里... 亦今亭... 亦今亭... 亦今亭...

周禮註疏卷第十三

周禮註疏卷第十四

漢鄭氏註

唐賈公彥疏

均人掌均地政均地守均地職均人民牛馬車輦之力

政

政讀為征地征謂地守地職之稅也地守衡虞

之屬地職農圃之屬力征人民則治城郭涂巷溝渠

牛馬車輦則轉委積之屬

○政音征 疏 均人至力政 出註下同 ○釋曰均人

所均地政已下總均畿內鄉遂及公邑云均地政者謂均地守地職二者之稅使皆十一而出稅又均人

民已下力征之事○政讀至之屬○釋曰鄭破政為征者以經政是政教之政非征稅之征故破之也

鄭又知地征是地守地職之稅者以其出稅無過地
守地職二者故知之也云地守衡虞之屬者亦謂畿
內川衡林衡山虞澤虞皆遣其地之民守護之及其
入山林川澤取之者使出稅以當邦賦云地職農圃
之屬者此即大宰九職云一曰三農二曰園圃之屬
以九職任之因使出稅也云力征已下并車輦並是
力征之稅若然土均云掌平地之政以均地守以均
地事以均地貢註云所平之稅邦國都鄙也與此鄉
遂及公邑別彼又云地貢鄭云謂諸侯之九貢與此
九職之貢又不同也 凡均力政以歲
上下豐年則公旬用三日焉中年則公旬用二日焉
無年則公旬用一日焉 豐年人食四鬴之歲也人
食二鬴為中歲人食一鬴為無歲歲無贏儲也公事
也旬均也讀如營營原隰之營易坤為均今書亦有

作旬者 〇上時掌反鬴房甫反營音均 凡均至日
又舒均反又音旬聃氏常純反 焉 〇釋曰
此所均力政者即上人民之力征不通牛馬車輦故
禮記王制云用民之力歲不過三日是此亦據人而
言也云以歲上下者上即豐年下即儉年也豐年則
公旬用三日者公事也旬均也謂為事均用三日也

〇豐年至旬者 〇釋曰鄭知豐年人食四鬴已下
者案廩人云人四鬴上也人三鬴中也人二鬴下也
而知之彼又云不能人二鬴則令邦移民就穀此時
則無力征矣若然此食二鬴而言無年無年者鄭云
無贏儲仍令移民就賤此無年與彼不能人二鬴之
歲不同彼不能人二鬴自然無贏儲也云公事也者
此天子之法非諸侯之禮不得為公君解之故從公
事而釋也云旬均也者王制既云用民歲不過三日
明不得為旬十日解之故破從均恐不平故云均也
云讀如營營原隰之營者彼詩營營是均田之意故
讀從之云易坤為均今書亦有作旬者彼易坤為地
地德均平是以均為義今書今易書有作旬字者旬

與均俱有均平之意故引為證也 **凶札則無力政無財賦** 無力政

恤其勞也無財賦恤其乏困也財賦九賦也 凶札

賦○釋曰凶謂年穀不熟札謂天下疫病則無此力

征及財賦二事此即廩人云不能人二賦之歲○

無力至賦也○釋曰云財賦九賦也者此即大宰九

賦謂口率出泉知賦中惟是九賦者以下文有地守

地職故此惟有九賦也若然上均 **不取地守地職不**

均地政 不取山澤及地稅亦不平計地稅也非凶

札之歲當收稅乃均之耳三年大比則大均 有年

無年大平計之若久不脩則數或闕 有年至或

既云大均明知有年及無年皆須大平均計之也云

久不脩則數或闕者三年一闕是其久久不脩謂不

大平計則其中間不知其數不知其數則是數闕也

師氏掌以媿詔王

告王以善道也文王世子曰師也

者教之以事而諭諸德者也 音美 師氏至詔王

氏掌以前世美善之道以詔告於王庶王行其美道

也○ 告王至者也 釋曰引文王世子者彼是師

氏教世子禮引為詔王者但詔王以道無文彼教世

子與教王同故取以為證也諭曉也諸於也彼謂教

世子以君臣父子長幼之事而曉 **以三德教國子一**

曰至德以為道本二曰敏德以為行本三曰孝德以

知逆惡教三行一曰孝行以親父母二曰友行以尊

賢良三曰順行以事師長 德行內外之稱在心為

德施之為行至德中和之德覆燾持載含容者也孔子曰中庸之為德其至矣乎敏德仁義順時者也說命曰敬孫務時敏厥脩乃來孝德尊祖愛親守其所以生者也孔子曰武王周公其達孝矣乎夫孝者善繼人之志善述人之事者也孝在三德之下三行之上德有廣於孝而行莫尊焉國子公卿大夫之子弟師氏教之而世子亦齒焉學君臣父子長幼之道行○

下孟反下及註同知音智稱尺證反

燾徒報反說音悅孫音遜夫音扶

二德教國子王太子已下至元士之適子也云一曰至德以為道本者至德謂至極之德以為行道之本

也二曰敏德以為行本者謂敏達之德以為行行之本也三曰孝德以知逆惡者善父母為孝以孝德之孝以事父母則知逆惡不行也此上三德皆在心而行不見故鄭云在心為德也云一曰孝行以親父母者行善事父母之行則能親父母冬溫夏清昏定晨省盡愛敬之事也云二曰友行以尊賢良者此行施於外人故尊事賢人良人有德行之士也云三曰順行以事師長者此亦施於外人行遜順之行事受業之師及朋友之長也○德行至之道○釋曰云德行內外之稱在心為德施之為行者案禮記云恥有其德而無其行則德在內行在外也又見經至德敏德道行為本道行是施之於外之名又孝德云知逆惡亦是在外之事則知三德皆在內與外行為本又三行云親父母之等故云施之為行也云至德中和之德者案禮記中庸云致中和天地位焉故知至德是中庸之德也云覆燾持載含容者也者此至德即中庸所云至誠一也彼說至誠無息不息則久久則徵徵則悠遠悠遠則博厚博厚則高明博厚所以載

物高明所以覆物是至德若天地覆燾持載含容者也云孔子口中庸之為德其至矣乎者此是論語雍也之文引之者證此至德與中庸之德為一之意云敏德仁義順時者也者人君施政春夏行賞為仁秋冬行罰為義是仁義順時敏疾為德者也又引說命曰敬遜務時敏厥脩乃來者尚書說命之篇傳說告高宗以學問之事遜順也敏疾也厥其也為君之法當恭敬順道務在順時疾而行之則其德之脩乃從學而來引之者證仁義順時之義也云孝德尊祖愛親守其所以生者也者孝德不如上二德直能善父母為孝施德於親而已故云守其所以生者也又引孔子曰武王周公其達孝矣乎至之事是禮記中庸文言二人通達行孝者也云夫孝者善繼人之志善述人之事者案中庸上文云無憂者其惟文王乎父作之子述之則善繼人之志據周公以武王時未大平不得制禮作樂周公攝政六年大平乃制作禮樂為善繼文王之志則尚書云考朕昭予刑乃單文祖德是也善述人之事者據武王能述父以伐紂之事

則尚書序云惟十有一年武王伐殷是也云孝在三德之下三行之上德有廣於孝而行莫尊焉者欲見至德敏德五帝已上所行直明在心為德而已不見其行孝德是三王已下所行德行兼見之矣故三德以孝德為下故云德有廣於孝則至德敏德是二德廣於孝德也而行莫尊焉者三行之中孝行施於父母為上順行友行施於外人為下故云而行莫尊焉莫無也無尊於事父母也云國子公卿大夫之子弟者此經直言國子案禮紀王制云春秋教以禮樂冬夏教以詩書下文云王大子王子羣后之太子卿大夫元士之適子皆造焉故知國子之中有卿大夫之子也鄭不言王太子及元士之適子者略言之其實皆有也王制惟言太子適子不言弟鄭知兼有弟者大司樂及此下文皆云教國子弟連弟而言故鄭兼言弟也云師氏教之而世子亦齒焉學若臣父子長幼之道者此約文王世子文也案彼云行一物而三善皆得者惟世子而已其齒於學之謂也故世子齒於學國人觀之曰將君我而與我齒讓何也曰有父

在則禮然然而衆知父子之道矣其二曰將君我而與我齒讓何也曰有君在則禮然然而衆著於君臣之義矣其三曰將君我而與我齒讓何也曰長長也然而衆知長幼之節矣是世子與國人學生齒焉之事案此經有至德敏德孝德老子亦有三等之德案老子道經云道可道非常道河上公云謂經術政教之道非是然長生之道常道當以無爲養神無事安民舍光藏曜滅跡匿端不可稱以道又案德經云上德不德是以有德河上公註云上德大古無名號之君德大無上故言上德不德言不以德教民因循自然其德不見故言不德是以有德者也又云下德不失德是以無德註云下德謂號謚之君德不及上德故言不失德以其德見其功稱是以謂之無德又云失道而後德失德而後仁失仁而後義失義而後禮註云道衰德化德衰而仁愛見仁衰而忿爭明義衰而聘行玉帛又案握河紀堯曰皇道帝德非朕所專又中候義明云洞五九禮闕郵註云闕止郵過言五帝後洞三王之世其治各九百歲當以禮止過也案

此諸文言之此至德覆燾持載含容之德同於天地與老子常道及上德不德爲一物皆是燧皇已上無名號之君所行故河上公云上德無名號之君所行也此敏德則老子云可道之道非常道下德不失德之德亦一也故河上公云政教經術有名號之君所行以其三皇五帝爲政皆須仁義順時故鄭云敏德仁義順時也若然老子云失道而有德失德而有仁者是三皇行可道之道五帝行下德不失德之德卽堯云皇道帝德亦謂此道德於此經同爲敏德也其二王同行考德耳其老子又云失德而有仁失仁而有義失義而有禮禮專據三王之時故云洞五九禮闕郵若然仁義在禮前德後則五帝與三王俱有仁義故禮記云堯舜率天下以仁而民從之又云禹立三年百姓以仁遂焉是以仁義關在五帝三王之間者也若然禮記云生乎今之世反古之道謂不行今之法全行古之道故非之也

居虎門之

左司土朝 虎門路寢門也王日視朝於路寢門外

畫虎焉以明勇猛於守宜也司猶察也察王之視朝

若有善道可行者則當前以詔王○朝直遙反**疏**居

至王朝○釋曰言師氏之官既知三德三行故居路

門之左畫虎之處司察王朝若有善事可行者則前

告王有所改爲也○註虎門至詔王○釋曰鄭知虎

門是路寢門者其路寢庭朝及庫門外之朝非常朝

之處司士所掌路門外是常朝日所朝之所經云司

王朝明據此朝故鄭以路寢門外解之此即上文以

美詔王**掌國中失之事以教國子弟**註教之者使識

之義也

舊事也中中禮者也失失禮者也故書中爲得杜子

春云當爲得記君得失若春秋是也○中鄭下仲反

得村音**疏**掌國至子弟○釋曰以其師氏知德行識其

善惡得失故掌國家中禮生八禮之事以教國

之子弟國之子弟即上太子已下言弟即上庶子以

其諸侯已下皆以適子入國學庶子不入故知也○

註教之至是也○釋曰云教之使識舊事也者即中

失之事是也云中中禮也又引子春之義從古書中

爲得謂得禮者中與得俱合於義故兩從之言若春

秋者玉藻云動則左史書之言則右史書之是記君

得失之事故云若春秋也此春**凡國之貴遊子弟學**

秋即魯史是也謂記君之事也

焉註貴遊子弟王公之子弟遊無官司者杜子春云

遊當爲猶言雖貴猶學凡國至學焉○釋曰言凡

子弟言遊者以其未仕而在學游暇習業○註貴游

至猶學○釋曰云王公之子弟者此即王制云王大

子王子羣后之大子卿大夫元士之適子公即三公

羣后卿大夫元士之子略言之也云遊無官司者官

司則事繁不得爲遊故鄭以無官司解之鄭既以遊

爲無官司又引子春遊當爲猶言雖貴猶學者亦義

三行則從故朝夕納誨也

得兩通故引 **凡祭祀賓客會同喪紀軍旅王舉則從**

註 舉猶行也故書舉為與杜子春去當為與謂王與

會同喪紀之事 **疏** 凡祭至則從 **釋** 曰

社稷總是也賓客謂諸侯及卿大夫來朝聘或在朝

或在廟會同亦或在畿內或在畿外軍旅謂出畿外

征伐王舉者舉行也此數事王行之時帥氏則從以

王所在皆須詔王以美道故也 **註** 舉猶至之事 **釋** 曰

與者亦義得兩通故亦引之在下也 **疏** 聽治亦如之

註 謂王舉於野外以聽朝 **疏** 治直吏 **疏** 聽治亦如之

數事王所在皆有朝以聽治之故從 **疏** 聽治亦如之

上亦如上虎門之左同故云亦如之 **疏** 聽治亦如之

之隸各以其兵服守王之門外且蹕 **註** 兵服旃布弓

劔不同也門外中門之外蹕上行人不得迫王宮也

故書隸或作肆鄭司農云讀為隸 **音** 蹕 **疏** 使其至且

云使其屬者屬即序官師氏中大夫之下有屬官上

士二人并有府史胥徒之等使此人率四夷之隸若

秋官蠻隸之等 **疏** 使四夷隸以其本國之兵器及其

服以守王之門外以衛王并使蹕止行人故云且蹕

也 **註** 兵服至為隸 **釋** 曰云兵服旃布及弓劔者

東方南方其服布其兵劔西方北方其服旃其兵弓

矢云門外中門之外者案闔人掌中門之 **朝在野外**

則守內列 **註** 內列蕃營之在內者也其屬亦帥四夷

之隸守之如守王宮 **疏** 朝在至內列 **釋** 曰云朝在

內列至王宮 **釋** 曰云內列蕃營之在內者言蕃營

東方南方其服布其兵劔 北方其服旃其兵弓矢

則守內列 **註** 內列蕃營之在內者也其屬亦帥四夷

之隸守之如守王宮 **疏** 朝在至內列 **釋** 曰云朝在

內列至王宮 **釋** 曰云內列蕃營之在內者言蕃營

云守野舍之厲禁上文云使其屬帥四夷之隸則二處皆帥四夷隸守之故云其屬亦帥四夷之隸守之如守王宮也

保氏掌諫王惡

註 諫者以禮義正之文王世子曰保也

者慎其身以輔翼之而歸諸道者也

疏 保氏掌諫王惡釋曰掌

諫工惡者師氏掌三德三行以美道詔上保氏以師

氏之德行審喻王王有惡則諫之故云掌諫王惡○

釋 諫者至者也○釋曰云諫者以禮義正之者君臣

亦是教世子法以禮義諫正王也引文王世子者彼

其保者是保安之義故使王謹慎其身而歸於道

而養國子以道乃教之六藝一曰五禮二曰六樂三

曰五射四曰五馭五曰六書六曰九數乃教之六儀

一曰祭祀之容二曰賓客之容三曰朝廷之容四曰

喪紀之容五曰軍旅之容六曰車馬之容 **註** 養國子

以道者以師氏之德行審諭之而後教之以藝儀也

五禮吉凶賓軍嘉也六樂雲門大咸大韶大夏大濩

大武也鄭司農云五射白矢參連剡注襄尺井儀也

五馭鳴和鸞逐水曲過君表舞交衢逐禽左六書象

形會意轉註處事假借諧聲也九數方田粟米差分

少廣商功均輸方經贏不足旁要今有重差夕桀句

股也祭祀之容穆穆皇皇賓客之容嚴恪矜莊朝廷

之容濟濟蹠蹠喪紀之容涕涕翔翔軍旅之容闕闕
 仰仰車馬之容顛顛堂堂玄謂祭祀之容齊齊皇皇
 賓客之容穆穆皇皇朝廷之容濟濟翔翔喪紀之容
 纍纍顛顛軍旅之容暨暨謖謖車馬之容匪匪翼翼
 ○馭音御德行下孟反下文及註同剡羊甚反注之
 樹反下同襄音讓本作讓諸音非差初佳反又初宜
 反下同重直龍反夕祭音的沈祥易反此二字非鄭
 註嚴如字又音藏濟子禮反蹠七良反闕呼檻反仰
 本又作印五剛反濟皇上子禮反又音齊下于况反
 又音往纍顛上律悲反下音田又如字暨其器反謖
 五格反匪而養至教之○釋曰此道也師氏三
 乃教之六藝已下此乃保氏所專教也○釋曰養國至
 翼翼○釋曰案文王世子云大傅審父子君臣之道

以示之少傅奉世子以觀太傅之德行而審喻之師
 也者教之以事而喻諸德者也保也者慎其身以輔
 翼之而歸諸道者也不云保氏以師氏之德行審喻
 之者鄭以義約之少傅既以大傅之德審喻之明保
 氏亦以師氏之德行審喻之可知故鄭言之耳云五
 禮吉凶賓軍嘉大宗伯文六樂雲門已下大司樂文
 先鄭云五射白武已下無正文或先鄭別有所見或
 以義而言之云白矢者矢在侯而貫侯過見其鏃白
 云參連者前放一矢後三矢連續而去也云剡注者
 謂羽頭高鏃低而去剡剡然云襄尺者臣與君射不
 與君竝立襄君一尺而退云井儀者四矢貫侯如井
 之容儀也云五馭者馭車有五種云鳴和鸞者和在
 式鸞在衡案韓詩云升車則馬動馬動則鸞鳴鸞鳴
 則和應先鄭依此而言云逐水曲者無正文先鄭以
 意而言謂御車隨逐水勢之屈曲而不墜水也云過
 君表者謂若毛傳云褐纏旃以為門表纏質以為櫜
 間容握驅而入擊則不得入穀梁亦云艾蘭以為防
 置旃以為轅門以葛覆質以為禁流旁握御擊者不
 司禮疏
 卷之十四
 及古

得入是其過君表即褐纏旃是也云舞交衢者衢道也謂御車在交道車旋應於舞節云逐禽左者謂御驅逆之車逆驅禽獸使左當人君以射之人君自左射故毛傳云故自左膺而射之達於右膺為上殺又禮記云佐車止則百姓田獵是也云六書象形之等皆依許氏說文云象形者日月之類是也象日月形體而為之云會意者武信之類是也人言為信止戈為武會合人意故云會意也云轉註者考老之類是也建類一首文意相受左右相註故名轉註云處事者上下之類是也人在一上為上人在一下為下各有其處事得其宜故名處事也云假借者令長之類是也一字兩用故名假借也六曰云諧聲者即形聲一也江河之類是也皆以水為形以工可為聲但書有六體形聲實多若江河之類是左形右聲鳩鴿之類是右形左聲草藻之類是上形下聲婆娑之類是上聲下形圃國之類是外形內聲闐闐衡街之類是外聲內形此聲形之等有六也依鄭義案孝經緯援神契三皇無文則五帝已下始有文字故說者多以

蒼頡為皇帝史而造文字起在黃帝於後滋益而多者也云九數者方田以下皆依九章算術而言云今有重差夕祭句股也者此漢法增之馬氏註以為今有重差夕祭夕祭亦足算術之名與鄭與案今九章以句股替旁要則旁要句股之類也云祭祀之容穆穆皇皇至堂堂者皆是先鄭以意所釋不依經典故後鄭不從後鄭云祭祀之容齊齊皇皇賓客之容穆穆皇皇朝廷之容濟濟翔翔已上皆禮記少儀文喪紀之容纍纍顛顛軍旅之容暨暨諮諮禮記玉藻之文車馬之容匪匪翼翼亦少儀文故鄭少儀註還引此六儀以凡祭祀賓客會同喪紀軍旅王舉則從聽證彼也

治亦如之使其屬守王闈
闈 闈宮中之巷門
疏 音韋

凡祭至王闈○釋曰言亦如之已上與師氏同從王之事其屬守王闈者亦謂在國其師氏守中門外此

保氏守王闈門

司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而可任

於國事者國朋友相切磋以善道也強猶勸也學記

曰強而弗抑則易巡問行問民間也可任於國事任

吏職○強其丈反註疏司諫至事者○釋曰以時書

習即大司徒所云以鄉三物教萬民一曰六德知仁

聖義忠和二曰行孝友睦婣任恤此德行也彼又

云三曰六藝禮樂射御書數即此道藝也云辨其能

而可任於國事者案鄉大夫職云與賢者能者賢謂

德行能謂道藝彼則賢能俱與此直云辨其能可任

於國事不言賢者既辨其能則賢者自然亦辨而舉

之可知也○國朋友至吏職○釋曰案鄭註論語同

門曰朋同志曰友則彼其共在學者切磋以道義此

勸萬民為友朋則若孟子所云守望相助出入相友

者同故鄭云切磋以善道也云任吏職者案鄉大夫

所舉者謂鄉民之有德行道藝云辨其能為吏職者

亦謂以人治之若然任吏職者謂使為比長閭胥族

師之類是也以致鄉里之治以詔廢置以行赦宥國因巡

問勸強萬民而考鄉里吏民罪過以告王所當罪不

○行下孟疏因巡至罪不○釋曰司諫考鄉里之

反註同疏治者由上文巡問即察官民善不也云

司救掌萬民之衰惡過失而誅讓之以禮防禁而救之

註衰惡謂侮慢長老語言無忌而未麗於罪者過失

亦由衰惡齟齬好訟若抽拔兵器誤以行傷害人麗

於罪者誅誅責也古者重刑且責怒之未即罪也救

如字劉音拘衷似嗟反註作邪同
疏 司救至救之○

也則云衷惡謂坐嘉石之罷民不入園土者過失謂

不坐嘉石入園土者也云而誅讓之者即下文三

讓是也云以禮防禁而救之者此衷惡及過失皆去

而令改惡從善是救之也**○**釋曰

衷惡云未麗於罪者謂未附於園土之罪也云

者孔註尚書曰以酒為凶曰酌此據字酒旁為凶是

因酒為凶者也若然營者榮下作酉小人飲酒一醉

日富亦因酒為榮俱是酒之省水之字也云麗於罪

者謂附園土罪者也云古者重刑且責怒之未即罪

也者鄭云古者重刑者據周時為古云責解經誅怒

之解經罰也云未即罪者各有所對此園土對五刑

之刑人則是未即罪也以其未入五刑之罪且役之

耳鄭必知過失亦由衷惡者司寇職云以嘉石平罷

民又云園土收教罷民二者同名罷民以其為惡大

者皆因小以致大故知過**凡民之有衷惡者三讓而**

失之重亦因衷惡之輕也**罰三罰而士加明刑恥諸嘉石役諸司空****註**罰謂撻

擊之也加明刑者去其冠飾而書其衷惡之狀著之

背也嘉石朝士所掌在外朝之門左使坐焉以恥辱

之既而役諸司空使事官作之也坐役之數存於司

寇**○**去起呂反莖直**疏**凡民至司空**○**釋曰此一經

略反一音丁略反**疏**論衷惡嘉石之罷民也云三

讓而罰者凡欲治罰人者皆先以言語責讓之乃行

治罰云三罰而士加明刑三罰既訖乃送司空使朝

士於外朝坐嘉石恥之也云役諸司空者坐訖乃送

司空使役之也**○**註罰謂至司寇**○**釋曰云加明刑

及古蜀

卷之十四 十三

者去其冠飾者案司圜云凡害人者弗使冠飾彼據過失入圜土者使冠尊不居肉袒之體豈嘉石之罷民而著冠乎明其去冠飾也知書其罪狀者以其稱明刑既不虧體明知書其罪狀著於背為明刑也云嘉石朝士至外朝之門左並朝士職文故彼云左嘉石平罷民也云役諸司空使事官作之也者以其司空主事故也云坐役之數存於司寇者司寇云重罪旬有三日坐替役其次九日坐九月役其次七日坐七月役其次五日坐五月役其下罪三日坐三月役是其坐役之數也

讓而罰三罰而歸於圜土註圜土獄城也過失近罪

晝日任之以事而收之夜藏於獄亦加明刑以恥之

不使坐嘉石其罪已著未忍刑之近附其有至

釋曰此經論圜土之刑人云三讓而罰者亦如上二度責讓乃治罰之三罰訖乃歸與司寇使納之圜土

也註圜土至刑之釋曰云過失近罪者謂對家

惡未近罪此圜土之刑人近五刑之罪故入圜土也

云晝日任之以事者亦使司空使之云收之者以其

罪重使人收斂之不使漫游云夜藏於獄者此與嘉

石者異云亦加明刑者亦如嘉石以書其罪狀著於

背以恥之云不使坐嘉石其罪已著者彼坐嘉石者

罪輕未著須坐嘉石使眾人知之此等罪重已著不

須坐嘉石也云未忍刑之者此五刑之罪又輕故未

忍刑之也

凡歲時有天患民病則以節巡國中及郊野而

以王命施惠註天患謂裁害也節旌節也施惠賙恤

之註天患至恤之釋曰天患謂裁害也者謂天

與人物為裁害謂水旱之裁及疫病之害也知

節是旌節者道路用旌節此經巡國及郊野是道路之事故知旌節也

調人掌司萬民之難而諧和之註難相與為仇讎諧猶

調也。疏言萬人至和之。釋曰此一經與下經為總目。難相與為仇讎。釋曰言仇讎者案左氏桓公傳云。怨耦曰仇則仇是怨也。讎謂報也。即下文父之讎已下皆是怨當報也。凡過而殺傷人者以民成之。疏過無

本意也。成平也。鄭司農云以民成之謂立證佐成其

罪也。一說以鄉里之民共和解之。春秋傳曰惠伯成

之之屬。疏凡過至成之。釋曰此謂非故心是過誤

鄉里之民共和解之。疏過無至之屬。釋曰先鄭

雖為兩說後鄭以後說為是故下註云上說立證佐

成其罪似非也。此過失即司刺云再宥曰過失是也

引春秋者左氏文七年傳曰魯穆伯娶於莒曰戴已

其姊聲已戴已卒又聘於莒莒人以聲已辭則為襄

仲聘焉又云且為仲迎及鄆陵登城見之美自為娶

之仲請攻之公將許之叔仲惠伯諫曰臣聞兵作於
 勺為亂於外為寇寇猶及人亂自及也今臣作亂而
 君不禁以啓寇讎若之何公止之惠伯成之註云平
 二子使仲舍之公孫敖反之復為兄弟如初是其事
 也。鳥獸亦如之。疏過失殺傷人之畜產者。又反。疏

鳥獸亦如之。○釋曰亦謂過誤殺傷人之鳥獸若鷹
 隼牛馬之屬亦以民平和之案今殺傷人牛馬之等
 償其價直耳和之使辟。凡和難父之讎辟諸海外兄
 於此不得就而仇之。

弟之讎辟諸千里之外從父兄弟之讎不同國君之

讎抵父師長之讎抵兄弟主友之讎抵從父兄弟。註

和之使辟於此不得就而仇之九夷八蠻六戎五狄

謂之四海主大夫君也春秋傳曰晉荀偃卒而視不

此殺人者或是八議三宥之
 法所不加而孝子仁人之
 情所當原故立為辟讎多
 為仇人者當辟復仇之人

可舍宜子盥而撫之曰事吳敢不如事主○辟音避下同從才

用反眡音凡和至兄弟○釋曰云父之讎辟諸海

視盥音管外已下皆是殺人之賊王法所當討即

合殺之但未殺之間雖以會赦猶當使離鄉辟讎也

是以父之讎不同國別國即得云君之讎眡父者謂

父兄弟之讎不同國別國即得云君之讎眡父者謂

司國人殺君眡猶比比父亦辟之海外云師長之讎

眡兄弟者師長謂見受業師與兄弟同云主友之讎

眡從父兄弟者註云主大夫君也此經略言其不言

者皆以服約之伯叔父母姊妹女子在室及兄

弟子衆子一與兄弟同其祖父母曾祖父母高祖父

母其孫承後皆斬衰皆與父同其不承後者祖與伯

叔同曾祖高祖齊衰三月皆與從父兄弟同以其同

繩屨故也自外不見者據服為斷也其兄弟及從父

兄弟師長主友皆為無子復無親於已者故據已親

疎為遠近若有子及親於已則自從親為斷○和

之至事主○釋曰云和之使辟於此者此謂海外千

里外之等云九夷之等據職方明堂位而言案漢時

徐州刺史荀文若問玄周禮父之讎辟之海外今青

州人讎在遼東可以王法縱不討乎當問之時玄已

年老昏耄意忘九夷入蠻六戎五狄謂之四海然則

周禮在四海之外辟之如是亦是遠矣近則青州遼

海故今辨之然離近東夷之人當辟之西戎餘皆放

此引春秋者襄十八年左氏晉荀偃伐齊十九年反

荀偃癰疽生瘍於頭濟河及著雍病目出士句請見

不納請後曰鄭甥可也寅卒而視不可舍宜子盥而

撫之曰事吳敢不如事主是也趙商問詢人職稱父

之讎辟諸海外君亦然註使辟於此不得就而讎之

商以春秋之義子不復讎非子臣不討賊非臣楚勝

之徒猶言鄭人在此讎不遠矣不可以見讎而不討

於是伐之臣感君恩孝子思其親不得不報和之而

已子夏曰居父母之仇如之何孔子曰寢苫枕干不

仕不與共天下遇諸市朝不反兵天下尚不反兵海

內何為和之豈宜不達二禮所趣小子曰惑少蒙解

及古

說鄭答曰讎在九夷之東八蠻之南六戎之西五狄之北雖有至孝之心能往討不乎子之所云偏於此義案楚勝平王之孫子木之子平王爲子木聘女於秦而自納之子木奔鄭子木爲鄭人殺之案哀十六年云子木其子勝在吳子西召之使處境爲白公請伐鄭子西曰楚未節也不然吾不忘也他日又請許之未起師晉人伐鄭楚救之與盟勝怒曰鄭人在此讎不遠矣又云秋七月殺子西子期于朝是其事也若然鄭云雖有至孝之心能往討之不乎者欲明孝子雖會救恒有復讎之心故逆之海外使絕忠臣孝子心使無往之緣其孔子云寢苦枕干不仕者可通之會救之後恒然其君亦然恐來入中國則殺之也復讎之法依異義古周禮說復讎可盡五世之內五世之外施之於已則無義施之於彼則無罪所復者惟謂殺者之身乃在被殺者子孫可盡五世得復之鄭從之也

以執之

註

瑞節玉節之刺圭也和之而不肯辟者是

不從王命也王以刺圭使調人執之治其罪

註弗辟

之○釋曰此經使辟者其人戀鄉不肯辟是違王命之人則在上與調人瑞節執而付秋官與之罪也○

註瑞節至其罪○釋曰鄭知瑞節是刺圭者案典瑞云刺圭以和難故知是刺圭也鄭又知使調人執瑞

節不使死家執之者此王法凡殺人有反殺者使邦

治之明使調人之官執之也

國交讎之 反復也復殺之者此欲除害弱敵也邦

國交讎之明不和諸侯得者即誅之鄭司農云有反

殺者謂重殺也○重直用反

註凡殺至讎之○釋曰云有

人其有子弟復殺之恐後與已爲敵而害已故鄭云欲除害弱敵也云邦國交讎之者其殺人者或逃向鄰國所之之國得則讎凡殺人而義者不同國令勿之故云邦國交讎之也

殺者之子弟既殺其仇矣
仇之子弟復殺其人是往
不報復無已時故使邦國交
之而不宥也

讎讎之則死義宜也謂父母兄弟師長嘗辱焉而

殺之者如是為得其宜雖所殺者人之父兄不得讎

也使之不同國而已義宜至而已○釋曰論語

此有義者也故云義宜也謂父母兄弟師長三者嘗

辱焉子弟及弟子則得殺之是得其宜也云雖所殺

者人之父兄不得讎也者直言父兄不言子弟略之也古者質故三者被辱即得殺之也

怒者成之不可成者則書之先動者誅之凡有鬪

訟者也不可成不可平也書之記其姓名辯本也鄭

司農云成之謂和之也和之猶今二千石以令解仇

怨後復相報移徙之此其類也玄謂上言立證佐成

其罪似非○復扶又反○凡有至誅之○釋曰言鬪

擊故成之若相毆擊則當罪之也故鄭云鬪怒謂辯

訟也○玄謂至似非○釋曰云上言立證者即經

云過而殺傷人者以民成之司農於彼註兩解之初

解成謂立證佐成其罪復一解成為和平之義此註

先鄭復云成之謂和之以和解成則上

文云立證佐成其罪似非取以破前也

媒氏掌萬民之判判半也得耦為合主合其半成夫

婦也喪服傳曰夫妻判合鄭司農云主萬民之判合

疏判半至判合○釋曰云得耦為合者始雖以萬

民為主上至天子皆得耦為合主於萬民而言但

士以上兼妾媵為異耳引凡男女自成名以上皆書

喪服傳者證判為合義

年月日名焉鄭司農云成名謂子生三月父名之

及古

○上時凡男至名焉○釋曰此經論媒氏之官合

掌反男女必先知男女年幾故萬民之男女自

三月父名之以後皆書年月日及名以送與媒氏媒

氏官得之以勘男三十女二十配成夫婦也○成

名至名之○釋曰子生三月父名之禮記內則文案

內則三月之末父執子右手孩而名之又云夫告宰

名宰辯告諸男名書曰某年某月某日某生令男三

而藏之註引桓六年九月丁卯子同生是也

十而娶女二十而嫁註二三三者天地相承覆之數也

易曰參天兩地而奇數焉或奇於豈反本

○釋曰云二三者天地相承覆之數也者比二十女

三十男法天地相承覆之數也云易曰參天兩地而

奇數焉者案易繫辭云天一地二天三地四地五地

六是就奇數之中天三度生地二度生象天一覆地

二故云天地相承覆之數也凡娶判妻入子者皆書之

註書之者

以別未成昏禮者鄭司農云入子者謂嫁女者也云

謂言入子者容媵姪娣不聘之者別彼列

之○釋曰云凡者以其此經總說天子已下娶妻及

媵之事故云凡以廣之○書之至之者○釋曰媒

氏以男女既有未成昏之藉書其已成昏者以別未

昏以待後昏也先鄭云入子者謂嫁女後鄭不從者

經判妻已嫁女後更言入子明非嫁女也故後鄭

云玄謂言入子者容媵姪娣不聘之者也案成公九

註云判妻謂出妻再嫁
入子謂媵妾不聘者

司禮

卷之四十九

及古

媵又云姪婦故知別且媵與姪婦相對則姪婦無媵
 稱故莊公十九年秋公子結媵陳人之婦于鄆公羊
 云媵者何諸侯娶一國則二國往媵之以姪婦從是
 其義也媒氏掌萬民之判得有媵與姪婦者庶人或
 無妾亦容有者且媒氏所掌雖以萬民為主亦容有
 尊者娶法故鄭云容媵姪婦不聘也知不聘者見內
 則云聘則為妻奔則為妾故也王肅曰周官云令男
 三十而娶女二十嫁謂男女之限嫁娶不得過此也
 三十之男二十之女不待禮而行之所奔者不禁娶
 何三十之限前賢有言丈夫二十不敢不有室女子
 十五不敢不有其家家語魯哀公問於孔子男子十
 六精通女子十四而化是則可以生民矣聞禮男三
 十而有室女二十而有夫豈不晚哉孔子曰夫禮言
 其極亦不是過男子二十而冠有為人父之端女子
 十五許嫁有適人之道於此以往則自昏矣然則三
 十之男二十之女中春之月者所謂言其極法耳昭
 禮記本命曰中男三十而娶女二十而嫁尚書大傳曰孔
 子人古男五十而有室女三十而嫁

子曰男三十而娶女二十而嫁通於織紉紡績之事
 黼黻文章之美不若是則上無以孝於舅姑而下無
 以事夫養子穀梁傳曰男子二十而冠冠而列丈夫
 三十而娶尹更始云男三十而娶女十五許嫁笄二
 十而嫁曲禮三十曰壯有室盧氏云三十盛壯可以
 取女內則三十而有室始理男事女子十五笄二十
 而嫁有故二十五而嫁經有夫婦之長殤舊說三十
 而娶而有夫婦長殤者何關盛衰一說關畏歛溺而
 殤之盧氏以為衰世之禮也張融從鄭及諸家說又
 春秋外傳越王勾踐蕃育人民以速報吳故男二十
 而娶女子十七而嫁如是足明正禮
 男不二十娶女不十七嫁可知也

男女

中春陰陽交以成昏禮順天時也



中春至男女

釋曰王肅論云吾幼為鄭學之時為謬言尋其義乃
 知古人可以於冬自馬氏以來乃因周官而有二月
 詩東門之楊其葉牂牁毛傳曰男女失時不逮秋冬
 三星參也十月而見東方時可以嫁娶又云時尚暇

務須合昏因萬物閉藏於冬而用生育之時娶妻入室長養之母亦不失也孫卿曰霜降逆女冰泮殺止詩曰將子無怒秋以為期韓詩傳亦曰古者霜降逆女冰泮殺止士如歸妻迨冰未泮為此驗也而玄云歸使之來歸於已謂請期時來歸之言非請期之名也或曰親迎用昏而曰旭日始旦何用哉詩以鳴雁之時納采以感時而親迎而尚官中春令會男女之無夫家者於是時奔者不禁則昏姻之期非此日也孔子家語曰霜降而婦功成嫁娶者行焉冰泮而農業起昏禮殺於此又曰冬合男女秋班時位也詩曰有女懷春吉士誘之春日遲遲女心傷悲綢繆束芻三星在隅我行其野蔽芾其樗倉庚于飛熠燿其羽詩殷頌曰天命玄鳥降而生商月令仲春玄鳥至之日以太牢祠于高禘天子親往玄鳥生乳之月以為嫁娶之候天子重之而祀焉凡此皆與仲春嫁娶為候者也夏小正曰二月冠子嫁女娶妻之時秋以為期此淫奔之詩夏小正曰二月冠子嫁女娶妻之時春易泰卦六五帝乙歸妹以祉元吉鄭說之五爻辰

在卯春為陽中萬物以生生育者嫁娶之貴仲春之月嫁娶男女之禮福祿大吉易之咸卦柔上剛下二氣感應以相與皆說男女召南草蟲之詩夫人待禮從從在塗見采芡者以詩自興又云士如歸妻迨冰未泮舊詩云士如歸妻我尚及冰未定納其篇義篇時令云春以令男女融謹案春秋魯送夫人嫁女四時通用無譏文然則孔子制素王之法以遺後世男女以及時盛年為得不限以日月家語限以冬不附於春秋之正經如是則非孔子之言嫁娶也以仲春著在詩易夏小正之文且仲春為有譏之言秋冬春三時嫁娶何自違也家語冬合男女窮天數之語詩易禮傳所載咸泰歸妹之卦國風行露綢繆有女懷春倉庚于飛熠燿其羽春日遲遲樂與公子同歸之歌小雅我行其野蔽芾其樗之歎此春娶之證也禮諸侯越國娶女仲春及冰未散請期乃足容往反也秋如期往淫奔之女不能待年故設秋迎之期標有梅之詩嚴糾暴亂娶失其盛時之年習亂思治故

說若猶及也于是時而男
相奔與無故而不用令者
原氏皆得罰之

戒文王能使男女得及其時陳晉棄周禮為國亂悲
傷故刺昏姻不及仲春女說云嫁娶以仲春既有羣
證故孔晁曰有女懷春毛云春不服待秋春日遲遲
夫翬耀其羽喻嫁娶之盛飾三星在隅孟冬之月參
見東方舉正昏以刺時此雖用毛義未若鄭云用仲
春為正禮為密也是以詩云匏有苦葉濟有深涉箋
云匏葉苦而渡處深謂八月時特陰陽交會始可以
為昏禮納采問名又云士如歸妻迨冰未泮箋云婦
妻使之來歸於已謂請期冰未散正月中以前二月
可以為昏然則以二月為得其
實惟為有故者得不用仲春
於是時也奔者不禁

註重天時權許之也
疏是時謂是仲春時此月既足

娶女之月若有父母不娶不嫁之者自相奔就亦不
禁之但人而無禮胡不適死以當禮乃可得為配言
奔者不禁者鄭云權
許之其實非正禮也
若無故而不用令者罰之
註無

故謂無喪禍之變也有喪禍者娶得用非中春之月

雜記曰已雖小功既卒哭可以冠子娶妻
疏冠古
疏與反

註無故至娶妻
釋曰言令者即上中春之月令會
男女男女有喪禍之故得不用中春令無故不用令
則罪罰之也
註引雜記者證喪禍之故於月數滿雖
非中春可以嫁娶也云已雖小功者彼上文有父小
功之未可以冠娶
司男女之無夫家者而會之
註司
故云已雖小功也

猶察也無夫家謂男女之鰥寡者
疏司男至會之
釋曰上文已云

令會男女謂無夫家者也今又言司察男女無夫家
是嘗已有匹配故鄭云無夫家謂男女之鰥寡者也

凡嫁子娶妻入幣純帛無過五兩
註純實緇字也古

繼以才為聲納幣用繼婦人陰也凡於娶禮必用其

類五兩十端也必言兩者欲得其配合之名十者象

五行十日相成也士大夫乃以玄纁束帛天子加以

穀圭諸侯加以大璋雜記曰納幣一束束五兩兩五

尋然則每端二丈○純側其反**疏**釋曰凡嫁子娶妻

含尊卑但云緇帛文主庶人耳註純實緇字也古緇

以才為聲者緇以絲為形才為聲故誤為純字但古

之緇有二種其緇布之緇系旁留後不誤故禮有緇

布冠緇布衣行古字若以絲帛之緇則系旁才此字

諸處不同絲理明者即破為色此純帛交祭義蠶事

以為純服故論語云麻冕禮也今也純儉如此之類

皆絲理自明即為色解之昏禮云女次純衣鄭云純

衣絲衣以昏禮直云純衣絲理不明故為絲衣解之

也云五兩十端者古者二端相向卷之共為一兩五

兩故十端也云十者象五行十日相成者左傳云天

有六氣降生五行行各有二口東方木為甲乙南方

火為丙丁中央土為戊己西方金為庚辛北方水為

壬癸是十日言相成者水八為金九為火七為水六

妻十十為木八妻金九為火七妻水六為土五妻所

尅者為妻是夫妻相成之數云士大夫乃以玄纁束

帛者案士昏禮玄纁束帛大夫昏禮而有改娶者依

士禮用玄纁故云士大夫用玄纁云天子加以穀圭

諸侯加以大璋者玉人謂加於玄纁束帛之上以

行禮引雜記者證五兩兩五尋四尺之意云納幣

一束束五兩兩五尋八尺則一兩四尺五兩

四五二十總二百尺故鄭玄云然則每端二丈若條

行禮則用制幣丈八尺取儉易共此昏禮每端二丈

取誠實之義故以**禁遷葬者與嫁殤者**遷葬謂生

二丈整數為之也

時非夫婦死既葬遷之使相從也殤十九以下未嫁

而死者生不以禮相接死而合之是亦亂人倫者也

鄭司農云嫁殤者謂嫁死人也今時娶會是也

疏 遷禁

至殤者。釋曰遷葬謂成人無寡生時非夫婦死乃嫁之嫁殤者生年十九已下而死死乃嫁之不言殤娶者舉女殤男可知也

凡男女之陰訟聽之于勝國之社其附

于刑者歸之于士 **注** 陰訟爭中冓之事以觸法者勝

國亡國也亡國之社奄其上而棧其下使無所通就

之以聽陰訟之清明不當宣露其罪不在赦宥者直

歸士而刑之不復以聽士司寇之屬詩云牆有茨不

可掃也中冓之言不可道也所可道也言之醜也 **冓**

古侯反棧士板反劉才產 **注** 陰訟至醜也。釋曰反或士諫反茨音疾私反 **注** 陰訟爭中冓之事者

謂若詩之中冓以觸法也云勝國亡國也者此社有四名若此往勝得彼國將社來謂之勝國即此文是也若據彼國喪亡則謂之亡國之社引公羊傳者是也又名喪國之社郊特牲云喪國之社必屋之是也據其地則曰亳社則左傳云亳社裁是也故云勝國亡國也故鄭引公羊傳云勝國亡國也云亡國之社

者公羊傳文云奄其上者即郊特牲屋之不受天陽者是也云棧其下者謂於下著柴以棧之使不通陰故也故云使無所通也云就之以聽陰訟之情明不當宣露者以其勝國社上下不通是不宣露中冓之言亦不宣露故就而聽之也若然案詩召伯聽男女

之訟於甘棠之下不在勝國社者彼謂周公未制禮前此據制禮之後故不同云其罪不在赦宥者直歸士而刑之不復以聽釋經附於刑者歸於士若然赦宥者媒氏聽之云士司寇之屬者案司寇有士師之

等屬司寇故云之屬是以鄭註詩亦云士師所當審也詩者邶詩刺衛宣公之詩引之者證經所聽者是中冓之言也

司市掌市之治教政刑量度禁令

註 量豆區斗斛之屬

度丈尺也

○治直吏反下及大治小治同區鳥侯反

疏

司市至禁令○釋曰此經與下文為

總目云掌市之治者下文云聽大治小治是也教即此下文以次敘分地之等謂教之處置貨物是也政者即下文云以政令禁物靡等是也刑者即下文云以刑罰禁醜是也量度即下文云以量度成賈是也禁令者即下文云以賈民禁偽是也○**註** 量豆至尺也○**釋** 曰豆區斗斛之屬者豆區即昭三年晏子云齊舊四量豆區釜鍾是也云斗斛即律歷志云籥合升斗斛是也此不言釜鍾與籥升者之屬中兼之也

以次敘分地而經市

註

次謂吏所治舍息次介次也

若今市亭然敘肆行列也經界也

○行戶剛反

疏

以下

至經市○**釋** 曰司市之官以次敘二事分地而置之而以經界其市使各有處所不相雜亂也○**註** 次謂

至界也○**釋** 曰云次謂吏所治舍者吏即下文司市賈師泄息次介次者是也云若今市亭然者舉漢法而言云敘肆行列也者以其言敘即行肆之列故為行列解之案內宰職云設其次置其敘正其肆**註** 云次思次序介次不為行列與此註違者彼云次與敘下更云正其肆則肆為行列故分次為思次以敘為介次也此文不共直有次敘無言正其肆故并思以次同名為次敘為釋列此鄭望文為義故註不同

陳肆辨物而平市

註

陳猶列也辨物物異肆也肆異

則市平

疏

以陳至平市○**釋** 曰陳列也謂行列其塵肆而辨其物物異則市賈平故云平市也

以政令禁物靡而均市

註

物靡者易售而無用禁之

則市均鄭司農云靡謂侈靡也

○易以豉反下之

疏

釋曰司市出政令而禁其物貨細靡者但物貨細靡人買之者多貴而無用令使麤物買之者少而賤使

市賈不平令禁之則市物均平故云均市也

以商賈阜貨而行布

註 通物

曰商居賣物曰賈阜猶盛也鄭司農云布謂泉也

音古註曰賈下疏以商至行布○釋曰鄭知通物曰商賈賈師皆同疏商者易云至日閉關商旅不行除

至之日商旅則行故鄭註太宰云行曰商行商則是通物者也鄭知居賣物曰賈者商既通物明賈則在

市而居賣物者也故鄭註太宰云處曰賈也由此二

等商賈或通貨或在市賣之故貨賄阜盛而布泉得

行故云阜貨疏以量度成賈而徵債註徵召也債買也

物有定價則買者來也疏○成賈音嫁註下不音者皆同聶氏及沈云成賈定價與

物賈其賈平大賈小賈賈賤恒賈而故賈凡十二疏音嫁餘音古債劉音育聶氏音笛字林他竺反

以量至徵債○釋曰量以量穀梁之等度以度布絹之等成定也二物以量度以定物價徵召也債買之

物價定則召買者來故云徵債也註徵召也債買也物有定價則買者來也○釋曰知債為買者以言

徵召買者故以債為買此字所訓不定案下文所云貴債者鄭註貴賣之鄭亦望文為義故註不同也

以質劑結信而止訟註質劑謂兩書一札而別之也

若今下手書言保物要還矣鄭司農云質劑月平劑

子隨反平皮命疏以質至止訟○釋曰質劑謂券書反下月平同疏恐民失信有所違負故為券書結

之使有信也民之獄訟本由無信既結信則無訟故云止訟也註質劑至月平○釋曰下質人云大市

以質小市以劑故知質劑是券書是以鄭云兩書一札而別之古者未有紙故以札書小宰職註云兩書

一札同而別之此不云同明亦有同義也鄭云若今下手書者漢時下手書即今畫指券與古質劑同也

先鄭云質劑月平小宰先鄭註亦如此解以為月平若今之市估文書亦得為一義故後鄭每引之在下

同書疏

卷之六 二十六 及古

也。以賈民禁偽而除詐。賈民胥師賈師之屬必以

賈民為之者知物之情偽與實詐。沈音古註賈民同

實詐。釋曰知賈民是胥師賈師之屬者案下胥師

職云察其詐偽飾行僨愚者而誅罰之故知此賈民

禁偽是胥師賈師之屬謂屬胥師賈師受其役使也

云知物之情偽與實詐者直依經解之情則真也情

偽既據物而言則實以刑罰禁毆而去盜。刑罰憲

實詐據人而說也。以刑罰禁毆而去盜。釋曰刑

狗扑。反扑普十反下文同。期於無刑以殺止殺故

以刑罰禁毆亂之人又去其相盜竊也。刑罰憲

狗扑。釋曰知刑罰是憲狗扑者司市所施惟施於

市中者故下云小刑憲罰中刑徇罰大刑扑。以泉府

罰其附於刑者歸於士故知惟有此三者也。以泉府

同貨而斂賒。同共也。同者謂民貨不售則為斂而

買之民無貨則賒貫而予之。干偽反下為以同貫音

世貸也。劉傷夜。職掌於市之罰布之等藏之今司

反一時夜反。職掌於市之罰布之等藏之今司

市之官以泉府所藏之布物與民同行其貨而民無

財者賒而予之。後斂取其直故云同貨而斂賒也。○

而市商賈為主。夕市夕時而市。販夫販婦為主。日

廼朕中也。市雜聚之處言主者謂其多者也。百族必

日過中也。大市交易眾

容來去商賈家於市城販夫販婦朝資夕賣因其便

而分爲三時之市所以物極衆鄭司農云百族百

姓也○販音側本又作晏疏大市至爲主○釋曰案

步就百步而分爲三時之市恐不可若然則一夫者

據市亭置次與敘司市及賈師胥師聽事之處取其

列行肆之處則居地多矣今經有三時之市不先言

朝市夕市而先言日昃者據向市人多而稱大市故

先言之此三市皆於一院內爲之大市於中朝市於

東偏夕市於西偏郊特牲所云是也○日昃至姓

也○釋曰云日昃中也是以尚書無逸云文王至於

日中昃不遑暇食是中後稱昃也云市雜聚之處言

主者謂多者也者謂言百族爲主則兼有商賈販夫

販婦云商賈爲主則兼有百族販夫販婦云販夫販

婦爲主則兼有百族與商賈也云百族必容來去者

百族或在城由或在城外者容其來往故於日昃以

後主之云商賈家於市城者行曰商居曰賈即賈家

於市今并言者其商雖行通物亦容於市也云朝資

夕賣者資若冬資綿夏資絺之類則資者朝買資之

至夕乃賣故以資言之云所以物極衆者以分爲

三市者欲了其所賣之物極盡其衆也先鄭云百族

百姓也者欲見此百姓異於秋官司寇戒於百姓彼

百族是府史以下聽據市人稱百族明據天下百姓

亦非百官百姓對則正姓與氏族異通凡市入則胥

而言之氏族則庶姓故以百姓爲百族凡市入則胥

執鞭度守門市之羣吏平肆展成奠賈上旌于息次

以令市市師涖焉而聽大治大訟胥師賈師涖于介

次而聽小治小訟凡市入謂三時之市市者入也

也。因刻丈尺耳。羣吏胥師以下也。不肆平賣物者之
 行列使之正也。展之言整也。成平也會平成市物者
 也。奠讀為定。整勅會者使定物也。防誑豫也。上旌者
 以為眾望也。見旌則知當市也。息次若今市亭也。市
 師司市也。介次市亭之屬別小者也。故書泚作立杜
 子春云奠當為定。鄭司農去息辭也。次市中候樓也。

立當為泚。泚視也。玄謂息當為司字聲之誤也。○奠音定

又田見反。上時掌反。註凡市至誤也。○釋曰鄭
 同。受音殊。誑九况反。知凡市入是上三時之市
 者以其言凡明總三時之市云。胥守門察偽詐也。者
 以其執度之故也。云必執鞭度以威正人眾也。者鞭

以威人眾度以正人眾故并言之也。云度謂及也。者
 案下文廬人云。數兵同。彈註云。改句言數容及無亦
 此文鞭度連言則一物以為二。片若以繫鞞於上。則
 為鞭以長丈二。因刻丈尺則為度。知羣吏胥師以下
 者見下司稽職云。執鞭度而巡其前。此亦執鞭度故
 知是胥師以下。敘官云。胥師二十肆。則一人胥二肆
 則一人鄭云。胥師領羣胥。則胥師已下。非直巡行肆
 亦更來守門。故鄭總云。胥師已下。知平肆是平賣物
 者之行列使之正者。以是經直云。平肆肆是行列。恐
 其行肆不正。以正之也。云展之言整也。成平也會平
 成市物者也。云奠讀為定者。鄭以為平成市。整敕會
 者使定物價。恐有豫為誑欺。故云防誑。豫先鄭云。息
 辭也。後鄭以為為息。則司字聲之誤也。者下云。介次不
 為辭。明思不得為辭。直是思司聲同。故誤為思也。此
 思司聲同。不得為字。誤今有本云。字聲之誤。兼有凡
 字者。讀得云。思當為司。字字絕讀之。乃合義也。凡

萬民之期于市者。辟布者。量度者。刑戮者。各於其地。

之叙謂諸物行肆之所也

之叙 **註** 期謂欲賣買期決于市也量度者若今處斗

斛及丈尺也故書辟為辭鄭司農云辭布辭訟泉物

者也玄謂辟布市之羣吏考實諸泉入及有遺忘 **疏**

凡萬至之叙。釋曰云凡萬民之期于市有此已下

三事有辟布者量度者刑戮者各於其地之叙則諸

物行肆之所也。 **註** 期謂至遺忘。釋曰云期決於

市也者謂人各自為期限使市事於市也云若今

處斗斛及丈尺者謂斗斛處置於米粟之肆處置丈

尺於絹布之肆案前註量豆區斗斛此中不云豆區

前註廣解量名此略云市所用故註不同案律歷志

度量衡皆起於黃鐘之律故彼云以子穀秬黍中者

黍一分九十分黍黃鐘之長則一黍為一分十黍為

十寸為尺十尺為丈十丈為引五度審矣又云子

穀秬黍中者十二黍其實一籥合籥為合十合為

一斗升為斗十斗為斛五量審矣先鄭從故書辟布

為辭訟之布後鄭不從而為羣吏考實諸泉入者若

辭訟之布當歸其本主何得各有地之叙乎明不得

為辭訟之布也云考實諸泉入者辟法也謂民將物

來於肆賣者肆長各考量物數得實稅入於市之泉

府知民將物來於市有稅者案下文云國凶荒市無

證明不凶荒有征矣其實者則宜置於地之叙欺者

没入官是其法也云及有遺忘者謂羣吏考實泉之

處有遺忘者便歸令本主識認之下文得貨賄六畜

之等是依列肆失 **凡得貨賄六畜者亦如之三日而**

舉之 **註** 得遺物者亦使置其地貨於貨之肆馬於馬

之肆則主求之易也三日而無識認者舉之没入官

疏 凡得至舉之。釋曰此謂在列肆遺忘

關失者使各歸本肆使主識認取之 **凡治市之**

貨賄六畜珍異亡者使有利者使阜害者使亡靡者

使微

利利於民謂物實厚者害害於民謂物行苦

者使有使阜起其賈以徵之也使亡使微抑其賈以

卻之也侈靡細好使富民好奢微之而已鄭司農云

亡者使有無此物則開利其道使之有○物行遐孟

胡剛反若音古卻起略反好呼報反者總釋經亡者利者云起其賈

者謂增起其賈引物自然來故使有使阜盛也云微

之而已謂少抑其賈使微少不絕而已先鄭云亡者

使有無此物則開利其道使之有與後鄭起其

賈義異引之者義得兩通故後鄭亦從之也

貨賄以璽節出入之凡通璽節印章如今斗檢封矣使

人執之以通商以出貨賄者王之司市也以內貨賄

者邦國之司市也凡通至入之○釋曰金玉曰貨

直云通貨賄者以物之貴及民之所用多者莫過貨

賄故舉以言之無妨餘物亦通之○璽節至市也

○釋曰云璽節印章如今斗檢封矣者案漢法斗檢

封其形方上有封檢其內有書則周時印章上書其

物識事而已云使人執之以通商者以其商旅主通

貨賄故知執璽節者是通商也云出貨賄者王之司

市也者以其商旅買貨賄於市以出向邦國故知是

王之司市給璽節也云內貨賄者邦國之司市也者

以其貨賄從邦國來當入王畿故知還是邦國之司

市給璽節也此經直云入之鄭雖云內貨賄者邦國

月示政 卷之四 漢古閣

司禮 卷之四 三十一 及古閣

為民乏困也金銅無凶年因物貴大鑄泉以饒民

國凶至作布。釋曰凶荒謂年穀不熟札謂疫病喪謂死喪恤其乏困故市無征也。金銅無凶年。

釋曰以其凶年穀則貴金銅凶年亦賤故云無凶年是以諺云豐年粟儉年玉因云物貴者其物止謂米穀餘物

茲賤也凡市偽飾之禁在民者十有二在商者十有

二在賈者十有二在工者十有二鄭司農云所以

俱十有二者工不得作賈不得粥商不得資民不得

畜玄謂王制曰用器不中度不粥於市兵市不中度

不粥於市布帛精麗不中數幅廣狹不中量不粥於

市姦色亂正色不粥於市五穀不時果實未熟不粥

於市木不中伐不粥於市禽獸魚鱉不中殺不粥於

市亦其類也於四十八則未聞數十二焉賈音古註同粥音

育下同中丁仲反下同狹音洽數色主反

目故云凡以廣之。鄭司至二焉。釋曰先鄭云所以俱十有二者工不得作以下云云謂民與商賈

及工四者皆同十二云工不得作者工匠主營作故云不得作云賈不得粥者以其處曰賈賈主賣粥故

云不得粥云商不得資者商主通貨賄貨賄皆當豫資貯故云不得資云民不得畜者萬民非作非粥非

資故以畜聚而言也玄謂王制曰用器不中度不粥於市者案彼鄭註云用器弓矢耒耜耜長六尺弓

長六尺六寸之等矢長三尺之類皆有長短度數也云兵車不中度不粥於市者案考工記輪人為兵車

乘車之輪崇六尺六寸或出草車一乘出於民間故民亦有粥兵車之法云布帛精麗不中數廣狹不中

及古制

量不粥於市布之精麓謂若朝服十五升斬衰三升
 齊衰有三等或四升或五升或六升大功已下有七
 升八升九升小功有十升十一升十二升總麻有十
 五升抽去半其帛之升數禮無明文云廣狹不中量
 者布幅則廣二尺二寸其繒幅則依朝貢禮廣二尺
 四寸云姦色亂正色不粥於市者論語孔子惡紫之
 奪朱則朱是南方正色紫是北方姦色紫奪朱色是
 姦色亂正色故孔子惡之若然自餘四方皆有姦色
 正色若紅綠及碧等皆有亂正色之義也云五穀不
 時果實未熟不粥於市鄭彼註云皆謂不利人云木
 不中伐不粥於市者鄭彼註引山虞職云仲冬斬陽
 木仲夏斬陰木以爲證是非此時則木不中伐云禽
 獸魚鼈不中殺不粥於市者案鼈人職云秋獻鼈蜃
 冬獻龜魚案禮記王制云獺祭魚鼈然後虞人入澤梁
 豺祭獸然後殺是殺禽獸魚鼈之時得粥於市非此
 時則不可也云亦其類也者王制所云不中度之類
 是在工者不中數不中量姦色亂正色是在商者不
 時及未熟是在農者此等亦兼有在賈者故云亦其

類也云於四十八則未聞數十二者王制之文從用
 器爲一兵車爲二布三帛四姦色五五穀六果實七
 木八禽九獸十魚十一鼈十二是聞之十二也市刑
 於四十八則未聞三十六故云未聞數十二也

小刑憲罰中刑徇罰大刑扑罰其附于刑者歸于士

註 徇舉以下其地之衆也扑撻也鄭司農云憲罰播

其肆也故書附爲柎杜子春去當爲附 ○柎劉方符
 反沈音附

疏 市刑至于士○釋曰附于刑者歸于士者此刑各
 有所對言之市刑雖輕亦各爲刑若對五刑則五

種者爲刑故云附於刑歸於士士謂秋官士師鄉士
 遂士之屬其人屬彼者各歸之使刑官斷之也○

徇舉至爲附○釋曰徇舉以示其地肆之衆也者徇者
 徇列之名故知舉其人以示其地肆之衆使衆爲戒

也云扑撻也者大射云司射撻扑尚書云扑作反刑
 皆是答撻爲撻故云扑撻也先鄭云憲罰播其地也

者憲是表顯之名徇既將身以示之則此國君過市憲是以文書表示於肆若布憲之類也

則刑人赦夫人過市罰一幕世子過市罰一幣命夫

過市罰一蓋命婦過市罰一帷謂諸侯及夫人世

子過其國之市大夫內子過其都之市也市者人之

所交利而行刑之處君子無故不遊觀焉若遊觀則

施惠以為說也國君則赦其刑人夫人世子命夫命

婦則使之出罰異尊卑也所罰謂憲徇扑也必罰幕

幣蓋惟市者眾也此四物者在眾之用也此王國之

市而說國君以下過市者諸侯之於其國與王同以

其足以互明之○幕劉音莫幣音亦觀古亂反下同或音官為說如字解說也亦如鏡反

疏謂諸至明之○釋曰云大夫內子者大夫中含

婦註云內子也若然此經大夫命婦是諸侯糾中不

見天子卿大夫則天子卿大夫與諸侯卿大夫及命

婦亦是互見為義也云所罰謂憲徇扑也者其憲徇

刑之輕者而赦之使出帷幕難備之物者出物雖重

而無恥憲徇雖輕而有愧故以出物為輕也案幕人

云掌供帷幕幄帟綬帷幕用布幄帟用繒在上曰幕

在旁曰帷帟承塵其蓋當是於眾中障暑雨之蓋未
必是輪人所作蓋弓二十有八在車者也云諸侯之
於國與王同以其足以互明之者此王國之市若直
見王后世子過市則不見諸侯已下今以王國之市
而見諸侯已下過市足得互見凡會同師役市司帥
王已下過市故云互明之也

賈師而從治其市政掌其賣債之事市司司市也

債買也會同師役必有市者大眾所在來物以備之
凡會至之事○釋曰王與諸侯行會同及師役征
伐之等或在畿內或在畿外皆有市則市司帥賈
師而從以其知物賈故使從不帥胥師
者胥師不知物賈於事緩故不從也

周禮注疏卷第十四

周禮注疏卷第十五

漢鄭氏註
唐賈公彥疏

質人掌成市之貨賄人民牛馬兵器珍異成平也會

者平物賈而來主成其平也人民奴婢也珍異四時

食物質人至珍異○釋曰此質人若今市平準故

物○釋曰云會者平物價而來主成其平也者會謂

市人會聚買賣止為平物而成質人主為平定之則

有常估不得妄為貴賤也此知人民奴婢也者以其

在市平定其賈故知非良人是奴婢也云珍異四時
食物者見下塵人云凡珍異之有滯者斂而入凡賣
于膳府即果實及諸食物依四時成熟者也

債者質劑焉大市以質小市以劑鄭司農云質劑

月平賈九質大賈劑小賈玄謂質劑者為之券藏之

也大市人民馬牛之屬用長券小市兵器珍異之物

用短券如字**疏**鄭司至短券釋曰先鄭以質劑

註小宰聽賣買以質劑亦如此解後鄭以為券書先鄭

上文成市之貨賄之等已是市平文書則此經云大

市以質小市以劑及小宰云聽賣買以質劑文勢不

得為月平故以券書可知也玄謂大市人民馬牛已

下鄭以意分之為大小就大者而言若人民則掌稽

未成亂已下牛馬未著齒已前亦得為小者也

市之書契同其度量壹其淳制巡而攷之犯禁者舉

而罰之稽猶考也治也書契取于市物之券也其

券之象書兩札刻其側杜子春云淳當為純純謂幅

廣制謂匹長也皆當中度量玄謂淳讀如淳尸盥之

淳○其淳音淮廣光曠反長直亮反**疏**稽猶至之

稽猶考也治也者并取治質劑并解之故兼云治也

書契取于市物之券者并案小宰職云聽取予以書

契經既云書契故知與彼同非上質劑之市買者也

云其券之象書兩札刻其側者小宰註云兩書一札

同而別之云刻其側者今畫指也杜子春云淳當為

純純謂幅廣制謂匹長也者即丈八尺後鄭從之後

鄭不從杜子春純者純止可為絲為緇不得為幅廣

狹故讀從士虞禮淳尸盥之淳故內宰註依巡守禮

淳四咫鄭答志咫八寸四當凡治質劑者國中一旬

為三三咫謂二尺四寸也郊二旬野三旬都三月邦國朞期內聽期外不聽

謂齋券契者來訟也。以期內來則治之，後期則不治。所以絕民之好訟，且息文書也。郊遠郊也，野甸稍也。

都小都大都。○暮如字，本或作都。○釋曰：謂齋至大都。○

者來訟也者云：此經總上質劑與書契來訴者，知郊是遠郊者，以其內有國中，外云野野遠郊之外，明知

郊是遠郊也。知野是甸稍者，郊外曰野，是大總之言。下有都都是四百五百里，明此是二百里甸三百里

稍可知。又知都中舍大都小都者，此質人總聽畿外明都兼大小二都可知。

廛人掌斂市絜布總布質布罰布廛布而入于泉府。

布泉也。鄭司農云：絜布列肆之稅，布杜子春去總當為儻，謂無肆立持者之稅也。玄謂總讀如租，總之總。

穉布謂守斗斛銓衡者之稅也。質布者質人之所罰。犯質劑者之泉也。罰布者犯市令者之泉也。廛布者

貨賄諸物邸舍之稅。○絜音次，本或作次。總劉依杜音儻，鄭音摠，儻音讒，摠音摠。

疏 泉府故知泉布舍也。是以外府云掌布註云：取其

水泉流通無不徧也。先鄭云：絜布列肆之稅，布者謂

肆立持者之稅也。者後鄭不從，為守斗斛銓衡者之

稅也。者此經廛人掌依行肆者，故不得為無肆立持

故破從租。總之總摠布是守斗斛銓衡之稅。下肆長

云斂其總布是無肆立持，故註從子春總當為儻也。云質布者質人所罰犯質劑者之泉也。者謂犯質劑

出稅故云

凡屠者斂其皮角筋骨入于玉府

註以當

稅給作器物也其無皮角及筋骨不中用亦稅之

註

凡屠至玉府○釋曰云屠者謂屠殺豕羊之類其人

亦有地稅因其屠即取皮角筋骨堪飾器物者使入

玉府也○**註**以當至稅之○釋曰知以當稅者謂若

山虞澤虞之等所出稅皆云以當邦賦邦賦即地稅

之類是也云無皮角及筋骨不中用亦稅之謂若羊

牛有皮角及筋骨其豕則無之類是不中用亦使出

物之稅以當邦賦之處

凡珍異之有滯者斂而入于膳府

註故書滯或作塵鄭司農云謂滯貨不售者官為居之貨

物沉滯於塵中不決民待其直以給喪疾而不可售

賈賤者也塵謂市中之地未有肆而可居以畜藏貨

物者也孟子曰市塵而不征法而不塵則天下之商

皆說而願藏於其市矣謂貨物皆藏於市中而不租

稅也故曰塵而不征其有貨物久滯於塵而不售者

官以法為居取之故曰法而不塵玄謂滯讀如沉滯

之滯珍異四時食物也不售而在塵久則將瘦臞腐

敗為買之入膳夫之府所以紓民事而官不失實官
為于偽反下同畜勅六反說音悅諸知呂反本或作
貯又作褚皆同藏如字劉本作葬音同瘦本又作腴
所又反臞其俱反又作臞凡珍至膳府○釋曰云
音稍紓音舒劉常汝反**註**凡珍異之有滯者謂四
時珍美異味買者遂少沈滯不售者也云斂而入于
膳府者謂官以泉府之財買取之入於膳夫之府以

供官食。○**註**故書至失實。○釋曰先鄭云謂滯貨不
 售者官為居之經直為珍異非貨物先鄭以貨物解
 之故後鄭不從也先鄭又云塵謂市中之地未有肆
 而可居以畜藏貨物者但塵雖非肆是官之邸舍不
 得為空地故後鄭不從引孟子市塵而不市者周則
 塵有征上文塵布是也云不征者非周法又云法而
 不塵則與此經同故先鄭引之後鄭增成其義也云
 久則將瘦臞腐敗者考工記梓人云大冑臞後臞是
 細小之義故云瘦臞
 腐敗是以為買之

胥師各掌其次之政令而平其貨賄憲刑禁焉**註**憲表

縣之。○縣音玄。胥師至禁焉。○釋曰案序官云胥師二
 十肆則一人故云各掌其次之政令云

憲刑禁焉者刑謂市中之刑憲狗扑禁謂市中之禁
 謂市司當時設禁令非士師五禁也鄭云憲謂表縣
 之則經憲非為憲狗扑之憲
察其詐偽飾行儂慝者而誅罰之**註**

鄭司農云儂賣也慝惡也謂行且賣姦偽惡物者玄

謂飾行儂慝謂使人行賣惡物於市巧飾之令欺詐

買者。○行下孟反慝他得反巧若教。○**註**鄭司至買

反又如字令力呈反下文同。○**註**者。○釋曰鄭

云儂賣也者此經云飾行儂慝明儂為賣不得為買

上文每云賣儂儂不得為賣故為買是鄭望文為義

故不定也先鄭云謂行且賣姦偽惡物以且間之則

行是行步之行不為行濫之行故後鄭不從以為行

濫解。○**聽其小治小訟而斷之**。○治直吏反下之。○**註**聽

至斷之。○釋曰上司市已云胥師賈師涖於介次。○**註**其

賈師各掌其次之貨賄之治辨其物而均平之展其成

而奠其賈然後令市。○**註**辨別也。○賈音古下註賈師

同奠音定別彼列反

人豫於賤時買之而保貴
貴之使民重困故禁之也

師 賈師至今市。釋曰案序官云賈師二十肆則一人與胥師數同故云各掌其次之貨賄之治也云辨其物而均平之者此與胥師所掌同云展其成而與其賈者則與胥師異以其知物價故也 **凡天**

患禁貴債者使有恒賈 恒常也謂若諸米穀棺木而睹久雨疫病者貴賣之因天災害阨民使之重困

○重直 **棺** 恒常至重困。釋曰鄭云謂若諸米穀用反 **棺** 棺木者以其天患無過凶荒札喪故鄭知

富人豫諸米穀以擬凶荒豫諸棺木以擬死而睹久雨疫病賣之也 **四時之珍異亦如**

之 薦宗廟之物 **之** 四時至如之。釋曰此珍異亦是富人賤時豫諸而後貴時賣

之物。釋曰案月令四時有珍異之物皆云先薦寢廟故鄭以為薦宗廟舉重而言也

凡國之賣債各帥其屬而嗣掌其月 債買也故書

賣為買鄭司農云謂官有所斥令賣賈師帥其屬而

更相代直月為官賣之均勞逸 **疏** 更音庚為官于偽反 **疏** 買至

勞逸。釋曰先鄭云謂官有所斥賣者斥謂指斥出之故鄭註大宰亦云幣餘謂占賣國之斥幣義與此

同也云賈師帥其屬而更相代者賈師之下 **凡師役**

會同亦如之 凡師至如之。釋曰此亦從行所在當直為官賣買也

司聽掌憲市之禁令禁其鬪蹠者與其蹠亂者出入相

以犯者以屬遊飲食于市者 蹠謹也鄭司農云以

屬遊飲食羣飲食者 **疏** 蹠五羔反又 **疏** 蹠謹至食

者禁之若不羣遊則得飲 **若不可禁則搏而戮之**

○搏音博下同

司稽掌巡市而察其犯禁者與其不物者而搏之

物衣服視占不與衆同及所操物不如品式

○釋曰案大司徒民當同衣服今

有人衣服不與衆人同又視占亦不與衆人同及

所操物不如品式此皆

違禁之物故搏之也

掌執市之盜賊以狗且刑之

○狗辭過憲狗扑附於刑者歸於士此掌執市之

胥各掌其所治之政執鞭度而巡其前掌其坐作出入

盜賊以狗且刑之亦無過小盜狗扑而已故云以狗

且刑之若直狗者不必有刑其刑者必狗故狗刑兩

言之也

之禁令襲其不正者

作起也坐起禁令當市而不

得空守之屬故書襲為習杜子春云當為襲謂掩捕

其不正者

胥各至正者○釋曰案序官胥二肆則

一人故亦云各掌其所治之政則一人

掌二肆者也云執鞭度而巡其前者此鞭度亦如上

文守門者謂以笏為鞭而量物也

○釋曰杜子春從襲不從古書習者習是習學之習

襲是掩襲之義故從襲是以左氏公羊皆有不聲鐘

鼓為襲是掩其不備也

不

○操七曹反

今

及

同

刑

之

以

狗

且

刑

之

盜

賊

以

狗

且

刑

之

所

操

物

不

惡者遠善善自相近鄭司農云謂若珠玉之屬俱名
為珠俱名為玉而賈或百萬或數萬恐農夫愚民見

欺故別異令相遠使賈人不得雜亂以欺人○近附

遠千萬反註同數色主疏肆長至正之○釋曰此肆

反令方呈反賈音古疏長謂一肆立一長使之檢

技一肆之事若今行頭者也○註爾亦至欺人○釋

曰云俱是物也者即司農云俱名為珠俱名為玉之

類是也云使惡者遠善者釋經名相近者相遠也云

善自相近者釋經實相近者相爾也先鄭云謂若珠

玉之屬已下直釋經名相近者相遠不釋實相近者

其義可知故也先鄭雖舉珠玉貴者而餘物亦爾

斂其總布掌其戒禁註杜子春云總當為儵疏杜

為儵○釋曰此肆長各主一肆故詞其

無肆立持之布故後鄭引而從之也

布即屋人所斂五布也
其賈買之使民不喪本
抵即下本主有司也

泉府掌以市之征布斂市之不售貨之滯於民用者以

其賈買之物揭而書之以待不時而買者買者各從

其抵都鄙從其主國人郊人從其有司然後予之註

故書滯為痺杜子春云痺當為滯鄭司農云物揭而

書之物物為櫛書書其賈揭著其物也不時買者謂

急求者也抵故賈也主者別治大夫也然後予之為

封符信然後予之玄謂抵實抵字抵本也本謂所屬

吏主有司是也○揭音竭抵音帝又都禮反痺音止
又丁左反櫛音牋又倉廉反著直略
反治直疏泉府至予之○釋曰云掌以市之征布者
吏反疏即上塵人斂布已下之布並入泉府而藏

民喪祭之事無所乞貸
給其物以應之立期取償
無息也

說還本泉之後使服後
于國中各有日教以為息
所謂以國服為息也

之故總云征布也云各從其抵者抵謂本主所屬之
吏乃付之即都鄙從其主國人郊人是也云都鄙者
可兼大小都及家邑云國人者謂住在國城之內即
六鄉之民也云郊人者即遠郊之外六遂之民也○
註故書至是也○釋曰先鄭云抵故賈也後鄭不從
者假令官前賈時貴後或賤今依故賈與之即損民
故不得依故賈以解抵也先鄭云主者別治大夫也
者義或然以其公卿大夫常在王朝其都鄙則遣人
治之若季氏費宰公山弗擾之輩天子都鄙蓋亦然
先鄭云為封符信然後予之者封符信謂有符信文
書皆封題之計賈者得主及有司然後賣不須封信
文書但於埋無告故後鄭不破之也後鄭破抵從抵
者經是抵欺之抵故破從木傍抵得為本義也云
本為所屬吏主有司是者鄭欲解抵與主有司為一
云主有司是也 **凡賒者祭祀無過旬日喪紀無過三月**
註司農云賒賁也以祭祀喪紀故從官賁買物 **疏**
註司至鄭

買物○釋曰先鄭之意以祭祀喪
系二者事大故賒與民不取利 **凡民之貸者與其**

有司辨而授之以國服為之息
註有司其所屬吏也

與之別其貸民之物定其賈以與之鄭司農云貸者

謂從官借本賈也故有息使民弗利以其所賈之國

所出為息也假令其國出絲絮則以絲絮償其國出

絺葛則以絺葛償玄謂以國服為之息以其於國服

事之稅為息也於國事受園廛之田而貸萬泉者則

其出息五百王莽時民貸以治產業者但計贏所得

受息無過歲什一 ○之貸音特註不出者同別彼列

反貸民音吐代反本賈音嫁一音

服為息王莽行之于前
介南青苗行之於後此
不善讀經之過也而胡
堂父子遂詆周禮非周
之書豈其然哉

古所賈音古令力
呈反償時亮反
其有司辨而授之者謂別其所授之物以與之云以
國服為之息者所出之利各以國服而為息也
有司至什一也若然此經不言都鄙主者有司中兼之
文有司一也若然此經不言都鄙主者有司中兼之
故上註亦云本所屬吏是抵本中兼二者云與之別
其貸民之物者但泉府中所藏之物種類不同欲授
民之時先當分別又當定其賈數以與之先鄭以所
賈之國所出為息已下後鄭不從者凡言服者服事
為名此經以民之服事唯出稅是也則載師云二十
而一已下是也足以鄭引載師受園廩之田而貸萬
泉者則莽出息五百萬泉出息五百計當二十而取
一若然近郊十一者萬泉莽出息一千遠郊二十而
三者萬泉莽出息一千五百甸稍縣都之民萬泉莽
出息二千鄭直云園廩者略舉以言之也云王莽時
民貸以治產業者但計贏所得受息無過歲什一者
此則與周少異周時不計其贏所得多少據本徵利

王莽時雖計本多少為定及其徵利唯據所贏多少
假令萬泉歲還贏萬泉徵一千贏五千徵五百餘皆
據利徵
什一也
凡國事之財用取具焉歲終則會其出入而
納其餘

註會計也納入也入餘於職幣
○會古外
反後放此

凡國至其餘
○釋曰云凡國事之財用取具焉者言
事謂有司為國家之事與作用財物者皆來向泉府
取財為具焉泉府財盡乃於餘府別取焉云歲終則
會其出入出謂出府會計用財入謂於廩人斂取歛
布已下云納其餘者若國家來取財不盡而有餘
則納與天官職幣職幣別出與人故云納其餘也

司門掌授管鍵以啓閉國門
鄭司農云鍵讀為蹇管

謂籥也鍵謂牡
○鍵其展反又其偃反司
農音蹇居免反籥羊略反
司門至

釋曰云掌授管鍵以啓閉國門者謂用管籥以啓門
用鍵牡以閉門故雙言以啓閉國門則王城十二門

者也。○**註**鄭司至謂牲。○釋曰先鄭讀鍵為蹇者欲取其蹇澀之意云管謂籥也者即月令註管籥博鍵器是也云鍵謂牲者以入為牲容者為牝者若爾雅走曰牝也

其貨賄凡財物犯禁者舉之**註**不物衣服視占不與

衆同及所操物不如品式者正讀為征征稅也犯禁

謂商所不資者舉之沒入官。○正其**疏**官。○釋曰鄭

知不物是衣服之等者見王制云鬪執禁以幾禁異

服識異言鬪人云潛服賊器不入官奇服怪民不入

官明此司門亦然故鄭以不物衣服之等解之但鄭

釋不物之中有三事一者衣服二者占視皆不與眾

同三者手所操持不如尋常品式以其特異於人此

三者皆須訶問所以也云正讀為征征稅也者下文

云國凶札無關門之證明無凶札之時有征稅故讀

從征稅之字也云犯禁者謂商所不資者商所資者

謂若國語云冬資絺夏資綿之類是商所豫資待時

而賣者乃不為犯其商所不資謂非民常用之物則

舉之沒入官也**以其財養死政之老與其孤****註**財所謂門關

之委積也死政之老死國事者之父母也孤其子

註財所至其子。○釋曰云財所謂門關之委積也者

即上遺人云門關之委積以養老孤云死政之老死

國事者之父母也孤其子者即外**祭祀之牛牲繫焉**

養云邦養者老孤子義與此同

監門養之**註**監門門徒。○繫音計本又作**疏**門徒。○

釋曰牧人六牲至祭前三月則使充人繫而養之若

天地宗廟則繫於牢芻之三月若其散祭祀之牲則

不在牢遣此監門門**凡歲時之門受其餘****註**鄭司農

總之若月令秋祭門者是祭廟門此門亦謂國門十
二者除四時祭外仍有為水祈禱故左傳莊公二十
五年秋大水有**凡四方之賓客造焉則以告**造猶

至也告告於王而止客以侯逆造七到凡四至

釋曰謂四方諸侯來朝觀至關關人告王至郊郊人
告王至國門門人告王王得告皆遣人往迎故先鄭

云止客以
侯逆也

司關掌國貨之節以聯門市貨節謂商本所發司市

之壘節也自外來者則案其節而書其貨之多少通

之國門國門通之司市自內出者司市為之壘節通

之國門國門通之關門參相聯以檢猾商音滑

節至猾商。釋曰案下文掌節云貨賄用壘節則壘
節主通貨賄若然壘節亦可先從王司市而出鄭今
解經壘節先從邦國向內而言者以其司關在境而
先云掌國貨之節後云以聯門市是從外向內之言
故鄭亦順經先從邦國司市解之也云案其節而書
其貨之多少通之國門國門通之司市者將送商人
而執節者別有過所文書若下文節傳當載人年幾
及物多少至關至門皆別寫一通入關家門家乃案
勘而過其自內出者義亦然云參相連以檢猾商者
司市與關及門三處相連恐姦猾商人或以多為少
或隱而不出而避稅故相連以檢括之也其遠郊近
郊雖不置官掌之亦應有人幾問但無稅法故不言
耳

司貨賄之出入者掌其治禁與其征塵征塵者

貨賄之稅與所止邸舍也關下亦有邸客舍其出布

如市之塵治直司貨至征塵。釋曰司主也主
貨賄出入謂上經以聯門市者

如市之塵治直司貨至征塵。釋曰司主也主
貨賄出入謂上經以聯門市者

是也云與其征塵者征謂稅塵謂邸舍二事雙言也
 ○**註**征塵至之塵。釋曰云關下亦有邸舍其出
 布如市之塵者案上文塵人有塵布鄭云塵邸舍此
 關亦有邸舍商人於關停止則有稅故云如市之塵
 也
凡貨不出於關者舉其貨罰其人**註**不出於關謂

從私道出辟稅者則沒其財而撻其人
○辟音避一音芳益反

註不出至其人。釋曰註云沒其財者解經舉其
 貨撻其人者解經罰其人案上憲罰之等皆是撻

但舉其貨已是罰物故知**凡所達貨賄者則以節傳**
 罰其人是撻之可知也

出之**註**商或取貨於民間無璽節者至關關為之璽
 節及傳出之其有璽節亦為之傳傳如今移過所文

書。傳張戀反
註下皆同
註凡所至出之。釋曰此文重釋上
 國貨之節上直云璽節此經兼有

傳傳則過所文書○**註**商或至文書○釋曰鄭云商
 或取貨於民間無璽節者至關關為之璽節者若本
 由王市而出則司市為之璽節商或於民間者或在
 郊內關內民間買得物貨不得向司市取璽節故因
 向關外則便於關取節而出若在城內民間資貨
 者司關為璽節以出之授節節者即授傳與之**國**

凶札則無關門之征猶幾**註**鄭司農云凶謂凶年饑

荒也札謂疾疫死亡也越人謂死為札春秋傳曰札

瘥天昏無關門之征者出入關門無租稅猶幾謂無

租稅猶苛察不得令姦人出入孟子曰關幾而不征

則天下之行旅皆說而願出於其塗
○札側入反又音截瘥才何反

病也苛呼多反又音**疏**國凶至猶幾○釋曰此司關
 何令力呈反說音悅**疏**所掌兼言門者門關同類無

征是同司門既不言故於關并言門也。○**註**鄭司至其塗。○釋曰上註札為疫病此司農以札為死則札因病而死義得兩兼是以引越人謂死為札也。云春秋傳者昭十九年左氏云鄭駟偃卒其父兄立子瑕子產曰寡君之二三臣札瘥天昏。註云大死曰札小疫曰瘥短折曰天未名曰昏又洪範云六極一曰凶短折。註云未齒曰凶未冠曰短未昏曰折。並無正文望經為說耳。引春秋者證札為大疫也。引孟子者案孟子云尊賢使能俊傑在位則天下之士皆說而願立於朝矣。市廛而不征法而不廛則天下之商皆說而願出於其塗矣。耕者助而不稅則天下之民皆說而願耕於其野矣。廛無夫里之布則天下之民皆說而願為之民矣。信能行此五者則鄰國之民仰之如父母矣。率其子弟以攻其父母自有生民已來未有能濟者也。如是則無敵於天下無敵於天下然而不王者未之有也。此陳正法與周異引之者彼正法不征商旅則有說此經有故不征亦所以說民故取一邊

為證也。凡四方之賓客。敝關則為之告。**註**謂朝聘者也。敝關猶謁關人也。鄭司農說以國語曰周之秩官有之曰敵國賓至關尹以告行理以節逆之。○**敝音叩**。于偽反。朝。凡四至之告。○釋曰敝猶至也。○畿外直遙反。**註**諸侯來朝使卿大夫來大聘小聘但至關門皆先謁關人。關人止客則奔告王。王使小行人逆勞於畿也。○**註**謂朝至逆之。○釋曰案小行人云凡諸侯入王則逆勞於畿。聘禮使者至謁關人。此經亦總云賓客。敝關則為之告。是以鄭云謂朝聘者也。云叩關猶謁關人者。猶聘禮關人也。先鄭說以國語曰周之秩官有之者。案國語定王使單襄公聘於宋遂假道於陳以聘楚侯不出疆司空不視塗。單于歸告於王曰陳侯不有大咎國必亡矣。又云周之秩官有之曰敵國賓至關尹以告行理以節逆之。韋昭註云理吏也行理小行人掌國賓客禮以待四方使

也。為證也。凡四方之賓客。敝關則為之告。**註**謂朝聘者也。敝關猶謁關人也。鄭司農說以國語曰周之秩官有之曰敵國賓至關尹以告行理以節逆之。○**敝音叩**。于偽反。朝。凡四至之告。○釋曰敝猶至也。○畿外直遙反。**註**諸侯來朝使卿大夫來大聘小聘但至關門皆先謁關人。關人止客則奔告王。王使小行人逆勞於畿也。○**註**謂朝至逆之。○釋曰案小行人云凡諸侯入王則逆勞於畿。聘禮使者至謁關人。此經亦總云賓客。敝關則為之告。是以鄭云謂朝聘者也。云叩關猶謁關人者。猶聘禮關人也。先鄭說以國語曰周之秩官有之者。案國語定王使單襄公聘於宋遂假道於陳以聘楚侯不出疆司空不視塗。單于歸告於王曰陳侯不有大咎國必亡矣。又云周之秩官有之曰敵國賓至關尹以告行理以節逆之。韋昭註云理吏也行理小行人掌國賓客禮以待四方使

逆賓客候人為導卿出郊勞司里授館引之者國語云關尹以告則此經司關為之告一也云行理以節逆之者證關尹告王王有外內之送令則以節傳出使小行人以節逆之也

內之有送令謂奉貢獻及文書以常事往來環人之職所送迎通賓客來至關則為之節與傳以通之

節有外至內之釋曰此雙言之云有外之送令者則以節傳內之謂從諸侯之國畿外而入者則關人以節及傳內之至王又云有內之送令則以節傳出之者謂主王命從王國而出則亦以節傳出之送至畿上也

節有送至通之釋曰案秋官環人職云掌送逆邦國之通賓客以路節達諸四方註云路節旌節也四方圻上與此義同故引以言之

掌節掌守邦節而辨其用以輔王命邦節考珍圭牙

璋穀圭琬圭琰圭也王有命則別其節之用以授使

者輔王命者執以行為信別彼列反下相別同使所吏反下之使註使節使

節文邦國是諸侯故此王國文單言邦也

節至為信釋曰云邦節者珍圭之等皆約典瑞言之案典瑞云珍圭以徵守以恤凶荒牙璋以起軍旅

以治兵守穀圭以和難以聘女琬圭以治德以結好

琰圭以易行以除慝是其邦節也不數自外璧羨以

起度之等以其彼是王國所用非使者之節故不言

之云王有命則別其節之用以授使者此釋經而辨

其用故典瑞註亦皆

云王使之瑞節也

守邦國者用玉節守都鄙者用

角節謂諸侯於其國中公卿大夫王子弟於其采

邑有命者亦自有節以輔之玉節之制如王為之以

角節

謂諸侯於其國中公卿大夫王子弟於其采

邑有命者亦自有節以輔之玉節之制如王為之以

命數為小大角用犀角其制未聞



○釋曰云謂諸

侯於其國中者釋經守邦國者用玉節云公卿大夫
王子弟於其采邑者釋經守都鄙者用角節畿內公
卿大夫亦是畿內之國但對畿外諸侯為尊故公卿
已下言都鄙也云有命者亦自有節以輔之者亦如
上文王有命有節以輔之者玉節之制如王為之以
命數為小大者以邦國與王同稱玉節故知邦國亦
有數等之節亦皆以玉為之以其諸侯國內亦有徵
守好難起軍旅之等故知與王同知以命數為小大
者以其命圭之等依命數故知亦以九以七以五為
節也其天子玉節自以大小為數故琬圭瑋圭俱同
九寸穀圭牙璋俱七寸唯有珍圭無文鄭云大小當
與琬瑋相依云角用犀角者案釋獸云犀似豕註云
角在鼻上犀角是角中之貴故知不得用玉者當用
犀角云其制未聞者以其邦國之玉節可以約王之
玉節都鄙之角節無可依約既無舊制故云其制未
聞此云都鄙用角節註謂公卿大夫王子弟於其采

邑是都鄙之主案小行人都鄙用管節註謂公之子
弟及卿大夫之采地之吏也故用管節與此不同彼
諸侯采地亦同用管節亦異外內也若天子
公卿大夫采邑之吏下註約入道路用旌節 凡邦國
之使節山國用虎節土國用人節澤國用龍節皆金
也以英蕩輔之



使節使卿大夫聘於天子諸侯行

道所執之信也土平地也山多虎平地多人澤多龍
以金為節鑄象焉必自以其國所多者於以相別為
信明也今漢有銅虎符杜子春云蕩當為帑謂以函

器盛此節或曰英蕩畫函

○蕩如字又吐黨反盛音成



節至畫函○釋曰云使節使卿大夫聘於天子諸侯
行道所執之信也者大聘使卿小聘使大夫或於天

此節也或以竹為函加以函

子或於諸侯故竝言之也云土平地也者對山澤非平地也云山多虎者若晉國之類也云平地多人者若衛國之類也云澤多龍者若鄭國之類也云以金為節鑄象焉者釋經皆金也云必自以其國所多者於以相別為信明也者山澤與平地人虎龍皆雜有今言山國用虎澤國用龍土國用人皆據多者相別為信以自明也引漢有銅虎符者證周時節用銅之意也杜子春云蕩當為帑者音以湯蕩反之今人猶言帑也帑則函故云謂以函器盛此節也云或曰英蕩畫函者其函猶是蕩但以英華有畫義故更云畫函也經云輔之者以函輔此節使不壞損也案昭二十九年公在郵賜公衍羔裘使獻龍輔於齊侯註龍輔玉名所以輔節與此別也

門關用符節貨賄用璽節道路用旌節皆有期以反節
門關司門司關也貨賄者主通貨賄之官謂司市也道路者主治五涂之官謂鄉遂

大夫也凡民遠出至於邦國邦國之民若來入由門者司門為之節由關者司關為之節其商則司市為之節其以徵令及家徙則鄉遂大夫為之節唯時事而行不出關不用節也變司市言貨賄者璽節主以通貨賄貨賄非必由市或資於民家焉變鄉遂言道路者容公邑及小都大都之吏皆主治五涂亦有民也符節者如今宮中諸官詔符也璽節者今之印章也旌節今使者所擁節是也將送者執此節以送行者皆以道里日時課如今郵行有程矣以防容姦擅

有所通也凡節有法式藏於掌節

○郵音尤字從垂作御誤

關至掌節○釋曰鄭知門關是司門司關者以其人

之出入必由門由關而授節者非門關之官不可輒

授故知主守門及關者故以司門司關解之也云貨

賄者主通貨賄之官謂主市也者以其貨賄所得皆

由於市乃得通之於外亦非官不可輒授故知貨賄

用璽節必是王之司市也云道路者主治五溝五涂

之官謂鄉遂大夫也謂以其授節非官不可言路即

遂人徑畛涂道路之涂也鄉之田制與遂同故知旌

節是鄉遂大夫所授也云凡民遠出至於邦國邦國

之民若來入由門者司門為之節由關者司關為之

節者據此註凡民出至邦國若宅在國城中先由門

司門授之節若宅在關內者則由關司關授之節也

若邦國之民來入則先由關司關授之節若然邦國

之民入其節直由關不由門亦云由門者因王國之

民出由門故總言之於義無妨也云其商則司市為

之節者此王之掌節而言貨賄用璽節明是王之司

市非邦國之司市其實商徒從邦國來即邦國司市

為節故上司關註云貨節謂商本所發司市之璽節

自外來者即案其節是邦國之璽節也云其以徵令

及家徙則鄉遂大夫為之節者知徵令有節者見鄉
大夫云國有大故以旌節輔令則達之註云民雖命
行其將之者無節不得通是徵令有節之事又知家
徙有節者見比良云若徙於他則為之旌節而行之
是家徙有節也又云唯時事而行不出關不用節也
者時事行若比長云徙於郊徙於國當鄉徙及非徵
令皆不須節兼言不出關者關內當都當邑當行不
出關皆不須節也云變司市言貨賄者司市本出璽
節授商今不言市而變言貨賄故鄭云璽節主以通
貨賄貨賄非必由市或資於民家則由門者司門與
之節由關者司關授之節故變言貨賄也云變鄉遂
言道路者容公邑及小都大都之吏皆主治五涂亦
有民也者鄉遂公邑為溝洫法三等采地為井田法
井田與溝洫雖俱為溝洫稀稠有異皆有五涂以官
主當其民出入皆受旌節故變鄉遂而言道路以容

此等之官云之吏者以其都鄙之主在王朝唯吏在都鄙故以吏言之也云符節已下周法無文故皆約漢法况之案太史公本紀漢文帝二年九月初與郡國守相為銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹使符者皆以竹箭五枚長五寸鐫刻篆書第一至第五張晏曰符以代古之圭璋從簡易也凡通達於鄭引之者欲明漢時銅虎符本出於此也

天下者必有節以傳輔之必有節言遠行無有不

得節而出者也補之以傳者節為信耳傳說所齋操

及所適凡通至輔之釋曰此經總解上經門闕

有傳無節或節傳俱無諸有節并有傳輔成信驗或有節無傳或

則不得通達於天下也無節者有幾則不達釋曰此亦總解上門闕已下

內之應有節傳今無節者非直被幾又不通達前

所也釋曰知園土內之者見比長云無節無授園土內之故也

遂人掌邦之野郊外曰野此野為甸稍縣都

縣都釋曰遂在遠郊百里之外即遂人所掌之野在郊外曰野之中故鄭云郊外曰野鄭又知此野謂甸稍縣都者從二百里至五百里皆名野者此遂人不言掌遂又見下文云以達于畿明遂人掌野通至畿疆也但遂人雖專掌二百里之中乃兼掌以土地三百里以外其有溝洫井田之法皆知之也

之圖經田野造縣鄙形體之灋五家為鄰五鄰為里

四里為鄣五鄣為鄙五鄙為縣五縣為遂皆有地域

溝樹之使各掌其政令刑禁以歲時稽其人民而授

之田野簡其兵器教之稼穡經形體皆為制分界

有馬車大小是之謂
井邑有左右前後是
謂體

註云鄉之田制與遂同
遂之軍法如六鄉義

也鄰里鄰鄙縣遂猶郊內比閭族黨州鄉也鄭司農
云田野之居其比伍之名與國中異制故五家為鄰

玄謂異其名者示相變耳遂之軍法追胥起徒役如

六鄉制同比毗志反後同分扶問反又如字下分 **疏** 以

至稼穡釋曰遂人以土地之圖據圖以經界其田

野田野謂田在百里之外野中所經界者即造都鄙

已下是也云造縣鄙者此與下五家為鄰之等為總

目五家以下有六等略言者耳云皆有地域溝樹

之者從五家已下據地境界四邊營域為溝溝上而

樹之也云使各掌其政令刑禁者五家則鄰長施政

令五鄰則里宰施政令已上皆施之云以歲時稽其

人民者稽計也人民猶言夫家夫家男女也以歲之

四時計其所管男女多少而損益之云授之田野者

若下文一廛田百畝云簡其兵器者若族師旗鼓兵

章云教之稼穡者亦若計耦耕事 **疏** 經形至六鄉

鄙云造形體之法明是為田野云經緯為縣鄙云形

體二者同實而異名明俱為分界處所也云鄰里鄰

鄙縣遂猶郊內比閭族黨州鄉以家數相對是同故

云猶郊內也先鄭云田野之居其比伍之名與國中
異制者田野之居釋經中言五皆是也名與國中異
田百畝也言比五則經中言五皆是也名與國中異
制亦異以其六遂之內上地有萊五十畝并下劑致
畔並異也玄謂異其名者示相變耳者此後鄭直增
成先鄭家數雖同其各異之意云遂之軍法追胥起
徒役如六鄉者案小司徒云乃會萬民之卒伍而用
之五人為伍五伍為兩四兩為卒五卒為旅五旅為
師五師為軍以起軍旅以作田役以比追胥以令貢
賦註云鄉之田制與遂同但彼鄉中唯見出軍無田
制此遂人唯見田制無出軍法故鄭彼註云鄉之制
與遂同此遂之軍法追胥起役如彼六鄉互見其義
明彼此皆有也但彼此雖相如據大較而言細論之

任者家二下割民
皆以下地為率一為正卒
以羨卒自外並為餘夫

仍少有少異以其六鄉上劑致民六遂下劑致民六凡
鄉上地無萊六遂上地有萊有萊是其稍異也

治野以下劑致民以田里安民以樂昏擾民以土宜

教民稼穡以興勸利民以時器勸民以疆予任民以

土均平政變民言民異外內也民雖受上田中田下田及會之以下劑

也致猶會也民雖受上田中田下田及會之以下劑

為率謂可任者家二人樂昏勸其昏姻如媒氏會男

女也擾順也時器鑄作耒耜錢鏹之屬疆予謂民有

餘力復予之田若餘夫然政讀為征土均掌均平其

稅鄭大夫讀耒為藉杜子春讀耒為助謂起民人令

相佐助○畔亡耕反勸音助李又音鉏疆其良反情

外反下一字同率音律又音類錢凡治至平政○

致畔者對六鄉之中其家一人為正卒已下皆為羨

卒此六遂之中家一人為正卒第二者為羨卒自外

者田則為百畷之田里則五畷之宅民得業則安故

云安民也以樂昏擾民者男女人所樂故云樂昏飲

土宜教民稼穡者高田種黍稷下田種稻麥是教之

是與民為利故云利也○變民至佐助○釋曰

此案大司徒小司徒主六鄉皆云民不言畔此變民

者詩云疇乃錢罇仍有茲基之等故云之屬鄭大夫
讀耨為藉藉借也謂借民力所治之田民相於無此
事故後鄭謂相佐助從子春也辨其野之土上地中地下地以頒田

里上地夫一廛田百畷萊五十畷餘夫亦如之中地
夫一廛田百畷萊百畷餘夫亦如之下地夫一廛田
百畷萊二百畷餘夫亦如之

註

萊謂休不耕者鄭司

農云戶計一夫一婦而賦之田其一戶有數口者餘
夫亦受此田也廛居也楊子雲有田一廛謂百畷之
居也玄謂廛城邑之居孟子所云五畷之宅樹之以
桑麻者也六遂之民奇受一廛雖上地猶有萊皆所

以饒遠也王莽時城郭中宅不樹者為不毛出三夫

之布

○令力呈反畷音畷萊音

註

熱其至如之○釋

中為野故以野言之并上地中地下地以頒其田里
此皆與已下為總目也此直言上中下地亦當如小
司徒云上地家七人中地家六人下地家五人也○

註

萊謂至之布○釋曰案詩云田卒汚萊註高者萊

下者汚是萊謂休不耕者也先鄭引楊子雲有田一
廛謂百畷之居也後鄭不從以為廛與孟子五畷之
宅同者此經上中下地皆云夫一廛田百畷百畷與
一廛別言之則此廛與廛人皆謂廛綿於其中則此
乃是廛里任國中之地一也不得同為百畷之田詩
所云三百廛今者自是三百家之稅故亦廛表稅也
云六遂之民奇受一廛者釋經餘夫亦如之則餘夫
皆有田有廛是餘夫奇別更受廛備後離居之法故
奇受一廛也云雖上地猶有萊者對六鄉不言餘夫
之廛上地又無萊故云皆所饒遠也引王莽時事者

證塵是城郭中言

凡治野夫間有遂遂上有徑十夫有溝溝

上有畛百夫有洫洫上有涂千夫有澮澮上有道萬

夫有川川上有路以達于畿註十夫二隣之田百夫

一鄰之田千夫二鄰之田萬夫四縣之田遂溝洫澮

皆所以通水于川也遂廣深各二尺溝倍之洫倍溝

溝廣二尋深二仞徑畛涂道路皆所以通車徒於國

都也徑容牛馬畛容大車涂容乘車一軌道容三軌

路容三軌都之野涂與環涂同可也萬夫者方三十

三里少半里九而方一同以南畝圖之則遂從溝橫

洫從澮橫九澮而川周其外焉去山陵林麓川澤溝

瀆城郭宮室涂巷三分之制其餘如此以至於畿則

中雖有都鄙遂人盡主其地○畛之忍反劉音真洫

證反從子容反下同凡治至于畿○釋曰遂人所

去起呂反盡津忍反遂地在外野之中故云凡治野云夫間有遂已

下五溝所以通水入川五涂所以通道向都及國城

也○註十夫至其地○釋曰云十夫二鄰之田已下

以遂之中有鄰里鄭鄙縣遂故十夫以下還以鄰鄙

鄙縣地當之鄭知遂廣深各二尺溝倍之洫倍溝澮

廣二尋深二仞者此雖溝洫法與井田異制其遂溝

車一軌軌廣八尺自然徑不容車軌而容牛馬及人之步徑是以春秋有牽牛蹊蹊即徑也云都之野涂與環涂同可也者案匠人云環涂以為諸侯徑涂野涂以為都徑涂鄭註云徑亦謂城中道諸侯環涂五軌其野涂及都環涂皆三軌彼註亦與此註同皆以為都之野涂與環涂同依內則云道有三涂男子由右女子由左車從中央是以鄭解川上之路及都之野涂皆容三軌也云萬夫者方三十三里少半里者此解經萬夫有川之意從西北隅北畔至東頭有十洫一洫百夫十洫千夫千夫萬步萬步有三十三里百步百步是少半里以九澮總而言之則萬夫矣故言萬夫者三十三里少半里矣云九而方一者案匠人云廣尺深尺謂之畧以至方百里為同同間廣二尋深二仞彼井田法溝澮稀少而云同此雖溝洫法溝澮稠多與彼井田相準擬而言也云以南晦圖之遂從溝橫洫從澮橫九澮而川周其外焉者案詩有今適南畝又云南東其畝故以南畝圖之其田南北細分者是一行隔為一夫十夫則於首為橫溝十

溝即百夫於東畔為南北之洫十洫則於南畔為橫澮九澮則於四畔為大川此川亦人造雖無丈尺之數蓋亦倍澮耳此川與匠人澮水所注川者異彼百里之間一川謂大川也云去山林之等其餘如此者鄭註載師亦以此等三分去一皆大判而言之耳是以田之法一成凡百夫亦三分去一以其餘通計出稅故每云三百家也云以至於畿則中雖有都鄙遂人盡主其地者遂人主六遂與司徒主六鄉同唯在二百里以內今經云以達於畿明畿以內之中雖有都鄙作井田之法遂人亦盡主其地明不可細主井田尚主公邑之中為溝洫之法與鄉遂人盡主之可知也

寡及其六畜車輦辨其老幼癯疾與其施舍者以頒

職作事以令貢賦以令師田以起政役

定也夫家猶言男女也施讀為弛職謂民九職也分

其農牧衡虞之職使民為其事也載師職云以物地
事授地職互言矣貢九貢也賦九賦也政役出土徒
役。○施式氏反下施舍。○**疏**以歲至政役。○釋曰云以
皆同政音征註同。○如族師所云以歲之四時成定男女之等。○**國**不
至徒役。○釋曰云施讀為弛者以其文承老幼癯疾
之天下又別云以起政役明此不得為施政役破施
為弛謂弛捨其政役也云職謂民力職也者以其頒
職而作事是民之九職使之作事而遣出九貢也云
分其農牧衡虞之職者農即三農牧即數牧衡虞即
虞衡作山澤之材不言商賈孳婦臣妾之等者略之
也云載師職云以物地事授地職互言矣者彼云物
地事不云貢此云令貢賦不云物地事地事貢賦當
相互皆有也云貢九貢也者即九職之九貢非諸侯
之九貢也賦者即亦太宰九賦一曰邦中之賦二曰
四郊之賦之等是也云政役出土徒役者即上註遂

之軍法如六鄉者是也。若起野役則令各帥其所治之民而至

以遂之大旗致之其不用命者誅之。○**國**役謂師田若

有功作也遂之大旗熊虎。○**國**若起至誅之。○釋曰此

起徒役毋過家一人之類也云則令各帥其所治之

民而至者謂令縣正已下縣正云若將用野民師田

行役移執事則帥而至治其政令是縣正受遂人之

令也云以遂之大旗致之者以其遂人雖是大夫合

用鳥隼之旗致眾今遂人掌眾與大司徒同故致眾

得用熊虎為旗也。○**國**役謂至熊虎。○釋曰知役謂
師田若功作也者以其縣正所云用野民師田行役
移執事為此事致之明此役與彼同其云功作則移
執事之等是也云大凡國祭祀共野牲令野職。○**國**共
旗熊虎者司常職文。○**國**凡國祭祀共野牲令野職。○**國**共
野牲入於牧人以待事也野職薪炭之屬。○**國**共野
至之屬。○**國**及古閣

○釋曰云共野牲入於牧人以待事也者謂牛羊豕
 在六遂者故曰野牲牧人云掌牧六牲以待祭祀故
 知此野牲牧人云掌牧六牲以待祭祀故知此野牲
 亦入牧人以待事也云野職薪炭之屬者此官令之
 委人斂之故下委人云掌斂野之賦又云斂薪芻
 疏材木材凡畜聚之物言之屬者兼此諸物也

賓客令脩野道而委積

註 委積於廬宿市

疏 凡賓至委積。

釋曰案大司徒云令脩野道委積彼謂總令遺人此
 於百里外野道又令之故註云委積於廬宿市是亦
 遺人也 **大喪帥六遂之役而致之掌其政令及葬帥而**

屬六綽及窆陳役

註 致役致於司徒給墓上事及窆

也綽舉棺索也葬舉棺者謂載與說時也用綽旁六
 執之者天子其千人與陳役者主陳列之耳匠師帥

監之鄉師以斧涖焉大喪之正棺殯啓朝及引六鄉

役之載及窆六遂役之亦即遠相終始也鄭司農云

窆謂下棺時遂人主陳役也禮記謂之封春秋謂之

塋皆葬下棺也聲相似

○屬音燭綽音弗窆劉昌緝反穿也本作窆戚彼驗反與

註相應與說始銳反人與音餘朝直 **疏** 致役至相

遙反之封彼驗反或如字塋補鄧反 **疏** 似○釋曰鄭

知致役致於司徒給墓上事及窆也者以其殯及引

皆六鄉役之其墓上事及窆等六遂役之故知致役

給墓上墓上則說載下棺之等窆謂穿壙之等不言
 在廟載事亦六遂役之不言者略也必致於司徒者
 司徒雖主六鄉以其地官之卿掌徒庶之役亦兼掌
 六遂之役故也云綽舉棺索者以其據在棺則曰綽
 據在道則曰引六遂之役不在道故據在棺而言綽
 也云葬舉棺者謂載與說時也者以其經云屬六綽

不據在道故知在廟載時及在壙說時也云用綽旁
 六執之者天子其千人與者案雜記諸侯執綽五百
 人大夫三百人以此約之天子千人無正文故云與
 以疑之云陳役者主陳列之耳者以其經云及窆窆
 謂下棺下棺之時千人執綽背碑負引須陳列其人
 故知謂陳列之也云匠師帥監之鄉師以斧泣焉者
 案其鄉師職知之云大喪之正棺殯啓朝及引六鄉
 役之載及窆六遂役之知義然者案大司徒職云大
 喪帥六鄉之衆庶屬其六引此遂人云帥六遂之役
 屬六綽及窆陳役鄭據此二文言之以六鄉近使主
 殯及啓朝為始在祖廟之中將行載棺於屨車屬六
 綽則六遂為終也至於在道言引則還使六鄉為始
 至壙窆之下棺則還使六遂為終以二處合自共為
 終始故云即遠相終始也是以大司徒註云六鄉主
 六引六遂主六綽也云禮記謂之封者據檀弓云庶
 人縣棺而封及喪大記下棺亦云封是也春秋謂之
 塋者左氏葬鄭簡公有司墓之室當道毀之則朝而
 塋是也窆塋封三者字雖不同皆是下棺也云聲相

似者窆封塋皆以去聲
 言之故云聲相似也
凡事致野役而師田作野民
 ○治直吏反
 ○釋曰此居

帥而至掌其政治禁令
 ○治直吏反
 ○釋曰此居

職未總結
 之言也

遂師各掌其遂之政令戒禁以時登其夫家之衆寡六

畜車輦辨其施舍與其可任者經牧其田野辨其可

食者周知其數而任之以徵財征作役事則聽其治

訟
 施讀亦弛也經牧制田界與井也可食謂今年

所當耕者也財征賦稅之事
 遂師至治訟○釋曰

所掌六遂亦如鄉師主六鄉亦二人共主三遂故云
 各掌其遂之政令戒禁并以時登其夫家衆寡六畜

已下皆如鄉師之職但鄉師云輦又云老幼貴賤廢疾此不言之此云經牧其田野之等彼不言之皆是互換為義故設文不同也云周知其數而任之以徵財征者謂周徧知其夫家六畜及田野之等任之據人民之數徵財征據田野之數也云作役事則聽其治訟者役事中可兼軍役田獵功作之等皆聽其治訟○**註**施讀至之事○釋曰云施讀亦弛也者此註與鄉師同以其與其可任者對而言明施不得為施功之事故讀為弛與舍同為捨放之事云經牧制田亦與井也者但六遂制溝洫法上文所云者是令以為制界與井也又為井田法者以其遂人兼掌采地故上云掌野鄙兼言稍縣都以采地有井田法故此經云經牧其田野與小司徒文同故鄭亦兼言井也云可食謂今年所當耕者也者六遂以外上地亦有菜中下之地自然皆有菜不耕者故云今年所當耕者也云財征賦稅之事也雖以地稅為巡其稼穡而移用其正其中亦兼有口率出泉也

民以救其時事

註移用其民使轉相助救特急事也

四時耕耨斂艾芟地之宜晚早不同而有天期地澤

風雨之急○**釋**奴豆○**疏**巡其至時事○**釋**曰遂師各

地有宜早種早收有宜晚種晚收故云晚早不同者其

而有天期地澤風雨之急者山出雲雨大風有隧皆

由天期而有故以天期而言此並須移用其民救其

時事故并**凡國祭祀審其誓戒共其野牲****註**審亦聽

言之也**凡國至野牲**○**釋**曰祭冢宰職云大祭祀掌百

也**官之誓戒大司寇蒞誓百官并戒百族此官主**

審其戒戒遂之**入野職野賦于玉府****註**民所入貨賄

以當九職九賦中玉府之用者**註**釋曰云野職謂民

九職之貢野賦謂民九賦自邦甸家稍縣都之等口
 率出泉以其在遠郊之外故皆以野言之也云中玉
 府之用者亦自遂師自當徵其穀稅泉以入大府分
 之衆府也若然案大府職云式貢之餘財以共玩好
 之用入於玉府彼入玉府者是民貢之餘財財之美
 者由大府乃入玉府此經入玉府者非財之美不堪
 王之玩**賓客**則巡其道脩**庀**其委積**註**巡其道脩行
 好者也

治道路也故書庀爲比鄭司農云比讀爲庀庀具也

○庀又作庇匹爾反具也劉副**註**賓客至委積○釋
 美反一音芳米仄脩行下孟反**註**曰巡其道脩者大

司徒云野脩道委積據國外曰野**大喪**使帥其屬以
 在六鄉之中者此據六遂之中者

幄帝先道野役及**窆**抱磨共丘籠及蜃車之役**註**使

以幄帝先者大宰也其餘司徒也幄帝先所以爲葬

窆之間先張神坐也道野役帥以至墓也丘籠之役

窆復土也其器曰籠蜃車柩路也柩路載柳四輪迫

地而行有似於蜃因取名焉行至壙乃說更復載以

龍輻蜃禮記或作搏或作軫役謂執紼者鄭司農云

抱磨磨下車也玄謂磨者適歷執紼者名也遂人主

陳之而遂師以各行按之○磨劉音歷籠力董反蜃

臥反復音服或音福乃說如銳反或吐活反更復扶

又反輻勅倫反搏市專反李徒官反軫市專反適音

的又**註**大喪至之役○釋曰大喪謂王喪也云使帥
 音澤其屬以幄帝先者謂大宰官使其屬以幄帝
 先行至壙云道野役者謂司徒導引野中之役出國
 城至壙云及窆抱磨者及至也謂柩車至壙窆下棺

也下棺之時遂師帥其執紼者之人名歷適而投數之也云共丘籠者土曰丘謂共為丘之籠器以盛土也云及蜃車之役者謂祖廟中將行共蜃車以載柩之役人也。○**註**使以至投之。○釋曰知使以幄帟先是大宰者以其天官幕人掌共帷幕幄帟綬屬大宰故知使幕人以幄帟先是大宰也云其餘司徒也者以其司徒主衆庶故知野役之徒皆司徒令之也云幄帟先所以為葬窆之間先張神坐也者謂柩至壙脫載除飾柩則在地未葬窆之間須有凶靈神坐之所故知大幕之下宜有幄之小帳小帳之內而有帟之承塵以為神坐也云道野役帥以至墓也者以其云導導是帥引之言故知從廟帥引往至墓所也云丘籠之役窆復土也者窆謂穿地復土謂下棺之後以壙上土反復而為丘壟皆須籠器以盛土也云蜃車柩路也者人君所居皆曰路故云柩路也云柩路載柳四輪迫地而行者謂在祖廟中遂匠納車於階間卻而上載之乃加帷荒帷荒即柳也四輪迫地而行即幹車以二軸而貫四輪四輪仰許氏說文云無

輻曰幹者也云似於蜃因取名焉者此解名為蜃車之意云行至壙乃說更復載以龍輻者以其天子諸侯殯時用輻車即檀弓所云叢塗龍輻天子之禮是也諸侯不龍其輻而已殯既用輻明葬時用斬可知云蜃禮記或作搏或作幹者案雜記云載以輻車鄭註云輻讀為幹或作幹彼經作輻一部禮記作幹或作搏彼經不為幹者但輻幹字雖異其義同故此云或作幹也但為搏者非車之體不從之取其輻字或有作團字團又轉誤為國字者故既夕記云遂匠納車於階間註云車載柩車周禮謂之蜃車雜記謂之團車喪大記又謂之國車也先鄭云抱磨磨下車也者於義無所當故後鄭不從也後鄭云適歷執紼者名也者謂天子千人分布於六紼之上謂之適歷者分布稀疏得所名為適歷也云遂人主陳之者案上遂人云及窆陳役是也云而遂師以各行投之者但執紼之人背碑負引而退行遂師抱持版之名字巡行而投錄之以知軍旅田獵平野民掌其禁令比敘在否故云抱磨也

其事而賞罰

註平謂正其行列部伍也鄭司農云此

讀為庀

註此敘匹爾反出

註

軍旅至賞罰。釋曰軍旅謂征伐田獵謂四時

田云平野民者謂遂師平正六遂之民故云平野民也云比敘其事而賞罰者遂師校比次敘其行伍而行賞罰也。**註**平謂至為庀。釋曰周禮之內云比者後鄭皆為校比先鄭皆為庀庀為具得通一義故引之在

遂大夫各掌其遂之政令以歲時稽其夫家之眾寡六

畜田野辨其可任者與其可施舍者以教稼穡以稽

功事掌其政令戒禁聽其治訟

註施讀亦為弛功事

九職之事民所以為功業

註

遂大至治訟。釋曰此一經與遂師職意同但

互見其義耳。**註**施讀至功業。釋曰云功事九職之事民所以為功業者大宰以九職任萬民彼云任即此功事謂任之使有功者也。**令為邑者歲終則會政致事****註**不言

其遂之吏而言為邑者容公邑及卿大夫王子弟之

采邑政令戒禁遂大夫亦施焉

註

不言至施焉。釋曰言之者若直

言遂之吏則不容公邑與采邑今遂大夫不言遂之史變云為邑則遂中可以兼公邑采邑二者故云政令戒禁遂大夫亦施焉以其遂人云掌**正歲簡稼器**

脩稼政

註

簡猶閱也稼器耒耜鎡基之屬稼政孟春

之月令所云皆脩封疆審端徑術善相丘陵阪險原

濕土地所宜五穀所殖以教道民必躬親之

註術音

亮反道音導**疏**簡猶至親之。釋曰云稼器耒耜鉉基也云稼政孟春之月令所云皆脩封疆者此是月令

鄭註彼封疆謂田首之分界也云審端徑術者鄭彼註術當為遂引遂人職云夫間有遂遂上有徑當審

之使脩理也云善相丘陵阪險原隰者土之高者曰丘大阜曰陵坡者曰阪險下溼者曰隰高平曰原也

云土地所宜者即丘陵已下若高田種黍稷下田種稻麥丘陵阪險種桑棗是也云以教道民必躬親之

者彼約束典田大夫必身親檢校之以證稼政之事

三歲大比則帥其吏而興眚明其有功者屬其地治

者**註**興眚舉民賢者能者如六鄉之為也興猶舉也

屬猶聚也又因舉吏治有功者而聚勅其餘以職事

○比毗志反下徵比及註同**疏**三歲至治者○釋曰屬音燭聚也計田治直止反**疏**云三歲大比已下若

鄉大夫三歲大比興賢者能者其義同變之耳云帥其吏者則遂大夫已下縣正至鄰長○**註**興眚至職

事○釋曰云興眚舉民賢者能者如六鄉之為也者此文不具故鄭就鄉大夫解之彼以鄉飲酒興賢能

者厥明獻賢能之書於王王拜而受之登於天府內史貳之此職亦然也云興猶舉也屬猶聚也者謂當

興舉之時因舉治民之吏鄰長以上吏之有功者而升之又聚其地治鄰長以上勅之以職事使之不慢

也凡為邑者以四達戒其功事而誅賞廢興之**註**四

達者治民之事大通者有四夫家眾寡也六畜車輦

也稼穡耕耨也旗鼓兵革也**疏**凡為至興之○釋曰此言為邑者義如上

不言遂之吏而言為邑者容公邑及采邑也云以四達戒其功事者達通也謂將四通之事以戒勅其功

事功事即上註九職之功業也云而誅賞廢興之者此亦如天官註大有功不徒興又賞之大無功不徒

廢又誅之故誅賞廢興連言之也。釋曰鄭知四達是夫家已下者此無正文唯約上下文而知義爾案遂師云夫家眾家六畜車輦此遂大夫亦云夫家眾寡以教稼穡鄭長云以旗鼓兵革帥而至又云趨其耕耨鄭據而言故以四事當此四達

縣正各掌其縣之政令徵比以頒田里以分職事掌其

治訟趨其稼事而賞罰之。徵徵召也。比案比。趨如字。

李倉苟反本。縣正至罰之。釋曰以一遂有五縣又作趣音促。云各掌其縣之政令徵比者謂政教號令徵發校比之等也。云以頒田里者亦如上文夫一塵田百畷也。云以分職事者即九職之功事也。

若將用野民師田行役移執事則帥而至治其政令

移執事移用其民鄭司農云謂轉相佐助。若將移執事移用其民鄭司農云謂轉相佐助。

令。釋曰云若將用野民者言將事未至之時預徵召野民也。言師田謂出師征伐及田獵也。言行役謂若巡狩及功役言移執事。既役則稽功會事而誅賞。謂移徙用民以執事也。既役則稽功會事而誅賞。乃稽考其功多少當計會其事之可否而有功者賞無功者誅也。

鄙師各掌其鄙之政令祭祀。祭祀祭禁也。音詠。鄙師

至祭祀。釋曰五鄙為縣五百家為鄙故云各掌其鄙之政令也。祭祀祭禁也。釋曰知鄙祭禁者

鄙與六鄉黨同黨祭禁故凡作民則掌其戒令。作知此鄙所祭祀謂祭禁也。凡作民則掌其戒令。作

民謂起役也。起役者案下鄭長云若作其民而用

之則以旗鼓兵革帥而至又上文每以時數其眾庶云野役故知此作民亦是起役事也。

而察其媿惡而誅賞

註 時四時也

○數色主反

四時也。釋曰知時四時者見鄉師職云凡四時之徵令則凡言歲時者皆是四時唯鄉師云賙萬民之難阨而云歲時巡國及野者鄭註云隨其事之時不必四時難阨非常故也

鄙之政而致事

鄴長各掌其鄙之政令以時投登其夫家比其眾寡以

治其喪紀祭祀之事

註 投猶數也

鄴長至之事。釋曰以其一鄙

五贊故云各掌其鄙之政令也云以治其喪紀者謂民之喪紀若鄉師所云族共喪器之類治其祭祀者謂若族祭醮之類若然縣當祭社與州同縣正鄙師鄴長皆不言所祭神者六遂與六鄉互見其義也

若作其民而用之則以旗鼓兵革帥而至若歲時簡

器與有司數之

註 簡器簡稼器也兵器亦存焉有司

遂大夫

註

若作至數之。釋曰言作其民而用之者謂師田及巡守之等直言以旗鼓兵革不

言車輦文不具。簡器至大夫。釋曰云簡器簡稼器也者見遂大夫職云正歲簡稼器脩稼政則此官與遂大夫共簡之故註云有司遂大夫也知兵器亦存焉者以遂大夫云簡稼器此不言稼直云器故知器中兼有兵器旗鼓

耕耨稽其女功

註 聽之受而行之者女功絲枲之事

疏

凡歲至女功。釋曰此鄴長彌親民故趨其耕耨并稽考女功之事。聽之受至之事。釋曰鄭

知聽之為受而行之非聽斷之者以鄴長中士官惟承受遂人已下之事不得專聽斷故知聽謂受聽而行之也知女功絲枲者案禮記內則論女功云執麻枲治絲繭故知此女功亦治絲枲以為布帛

里宰堂比其邑之眾寡與其六畜兵器治其政令

猶里也。里宰至政令。釋曰里宰二十五家不言

可知。邑猶里也。釋曰邑是人之所居之處里又訓為居故云邑猶里也

以歲時合耦

于耨以治稼穡趨其耕耕行其秩敘以待有司之政

令而徵斂其財賦

考工記曰耜廣五寸二耜為耦此言兩人相助耦而耕也鄭司農云耨讀為藉杜子

春云耨讀為助謂相佐助也玄謂耨者里宰治處也

若今街彈之室於此合耦使相佐助因放而為各季

冬之月令命農師計耦耕事脩耒耜具田器是其歲

時與令人耦則牛耦亦可知也秩敘受耦相佐助之

次第治處直吏反街音佳彈如字一音丹放沈方往反

歲之四時云合耦于耨者耨助也謂合兩兩相佐助於里宰處云以治稼穡者謂治理其民使為春稼秋

穡之事云趨其耕耨者謂使民趨時以春耕夏耨云

行其秩敘者謂使民行其合耦使有次第云以待有

司之政令而徵斂其財賦者以六遂之賦稅縣師徵

之旅師斂之則此財賦言待有以徵斂者謂縣師旅

師也。考工至次。釋曰鄭引考工記者欲證

合耦為二人共發一尺之地乃成畎以通水之意也

先鄭云耨讀為藉者藉借也非相佐助之義故後鄭

不從之也杜子春讀耨為助謂相佐助也於義合但

文今不足故後鄭從其義也玄謂耨者里宰治處也

月令證歲待合耦之事秦周政令或異故云是其

歲時與言與以疑之也云合人耦則牛耦亦可知也
者周時未有牛耦耕至漢時搜粟都尉趙過始教民
牛耕今鄭云合牛耦可知者或周未兼有牛耦至漢
趙過乃絕人耦專用牛耦故鄭兼云焉云秩敘受耦
相佐助之次第者或家有一夫二夫共耦若長
沮桀溺耦而耕或先後次第相佐助爲之也

鄰長掌相糾相受

相糾相舉察

疏鄰長至相受。釋曰鄰長不命之上

爲之各領五家使五家有過各

凡邑中之政相贊

註

長短使相補助

疏

謂一邑至相贊。釋曰云邑中者亦

鄰共相贊助此則以長補助也

徙于他邑則從而授之

註

從猶隨也授猶付也

疏

徙于至授之。釋曰古者

不誦其居則徙于他遷向他遂非直從授之明無罪
過亦當以旌節將行如大鄉比長云徙於他則以旌

節而行之出鄉無節
則唯園土內之是也

相糾相舉察
鄭兼云
相糾相舉察
曰鄰長不命之上

鄰長掌相糾相愛

相糾相舉察

曰鄰長不命之上

相糾相舉察
凡邑至相贊。釋曰云邑中者亦

凡邑中之政相贊

長短使相補助

凡邑至相贊。釋曰云邑中者亦

徙于他邑則從而授之

釋曰云邑中者亦

從他隨也授猶付也

釋曰云邑中者亦

慎其園土內之吳也
慎其園土內之吳也



